







MUSEI  
KIRKERIANI

IN

ROMANO SOC. JESU COLLEGIO

ÆREA

NOTIS ILLUSTRATA

TOMUS I.



ROMÆ MDCCLXIII.

EX TYPOGRAPHIA JOHANNIS ZEMPEL.

SUPERIORUM PERMISSU.

W. B. E. M.  
KILGENTINE

1880

1880

1880



1880



IMPRIMATUR,

Si videbitur Reverendissimo Patri Sacri Palatii Apostolici Magistro.

*Dominicus Jordanus Archiepiscopus Nicomediae Vicegerens.*

---

A D P R O B A T I O.

**Q**UOD jamdiu Eruditis omnibus in votis erat, ut nempe Kirkeriani Musei copiosa naturalium, artificialium, & tum maximè antiquarum rerum supellectile refertissimi historia conscriberetur, bono literariæ Reipublicæ fato nunc tandem actum conspiciamus. Narratio in plures libros dispersita a veterum æreorum monumentorum descriptione initium sumit eruditissimis adnotationibus, quasi perpetuo Commentario locupletata. Quas quidem Lucubrationes mandante Rmo P. Thoma Augustino Ricchinio S. P. A. Magistro cum attentè perlegerim, nihilque in eis offenderim, quod Catholicæ Religioni, aut morum castitati adversetur, eas publico Literatorum commodo typis vulgandas censeo.

Dat. Idib. Februar. Anno 1763.

*Antonius Baldanus CLEMENTIS XIII. P. M. ab intimo Cubiculo,  
& Sacræ Congregationis Aquarum Secretarius.*


---

IMPRIMATUR.

Fr. Thomas Augustinus Ricchinus Sacri Palatii Apostolici Magister.

Ord. Præd.







# LECTORI BENEVOLO.



*UÆ in Veterum monumentis notari tamquam præcipua Antiquitatis genera solent, Forma, Epigraphæ, Signa, Anaglyphæ, & Figuræ graphio cælata, ea omnia complexum animadvertes Vas æreum, quod superioribus mensibus in octo tabulas dispersitum edidimus. Huic tam præclaro operi, in quo & Macolnæ pietas in Patrem elucet, & Argonautarum in Beryciam appulsus describitur, Pateras adjecimus; habent enim quiddam cum eo commune, quod hæ quoque sculptæ graphio sint, & æquè ac Vas ipsum, licet Romæ perfectum, ad Etruscorum potius artificium, & mores, quàm Latinorum accedere videantur. Neque verò, etsi ob id ipsum Etruscas vocari eas videam, rectènè an secus ita appellentur, ac proinde Etruriæ accensendæ sint, an veteri Latio, quæram hoc loco; longam enim hæc controversia disputationem requireret: dicam potius, quod omnes fatentur, magnum earum usum apud utrumque populum*



in sacris fuisse; defundebatur enim ex iis, ut opinor, super aram victimarum sanguis, aut alius pro sacrificiorum diversitate liquor, modicâ nihilominus copiâ; planè enim, ut plurimum, erant, & labro aut nullo, aut parum extanti. Quod ad thur attinet; quamvis ejus granum primoribus suspensum dexteræ digitis, ut ab Anaglypho hujus Musei docemur, injici in ignem aliquando consueverit; plerumque tamen demissum e pateris fuisse verosimilius mihi est: Mystas enim video & in hoc Museo, & alibi bene multos pateram dexterâ, non thuris granum tenentes, supra quam ex acerrâ Camillus apponere cochleari thur potuit; ut copiosius adoleretur. Ac pateræ quidem, quas hi præ manibus habent, sine manubrio sunt; cum pleræque fermè omnes reliquæ eo non careant; quod aut unâ conflatum cum paterâ est, & in animalis alicujus caput definit, non tamen ex eo ut plurimum genere, quod immolari consueverat, aut quiddam ex eâ prodit clavi instar, in quem manubrium induceretur. Mirum videri id potest, præsertim cùm in Anaglypho superius relato adstet thuris granum attollenti Camillus, qui pateram demissam tenet non sine manubrio eidem utique tradendam Sacris operaturo. Jam verò pateræ ut plurimum æreæ fuerunt; est tamen quædam apud nos testudinea Clusii in Etruriâ reperta: sunt & fictiles sed formâ, pale instar, oblongâ, & elatioribus utrinque labris. Ex æreis multæ simplices, paucæ verò celatæ. Harum argumenta petita fermè omnia sunt aut a Græcorum fabulis, aut a rebus Trojanis; nullum, quod viderim, a Romanorum Historiâ; quare cùm Etruscis quædam characteribus inscriptæ etiam sint,



& vestitus, calcei, aliaque hujusmodi cum Etruscorum  
 moribus planè consentiant, non immeritò videntur illi po-  
 pulo tribuendæ. Pleraque ex his, quæ hætenus diximus,  
 agnoscere per te ipsum, amice Lector, poteris in hac ope-  
 re, quemadmodum & paterarum ad oras artificium ei si-  
 millimum, quo architecti nostrates ornare coronides solent,  
 & vasa, seu pelves argenteas opifices. Quoniam de pate-  
 rarum fide, quod dubites, nihil est; aut Museum adi-  
 erunt fortasse non pauca, quæ in explicationibus, notisque  
 nostris tibi minus arrideant; moderatius tamen hæc feres,  
 si memineris de rebus obscurissimis a nobis agi; nec pro  
 tuâ humanitate insectandos eos esse arbitrare, qui la-  
 bore suo aliquid utilitatis publicè conantur asferre. Si  
 quid peccatum a Typographis fuerit, ut in Vasis com-  
 mentario, in quem Pomponiæ Familiæ nomen irrepsit lo-  
 co Calpurniæ, ubi de nummo sermo est, in quo Numæ  
 Regis, & Pompei, Calpique patris, a quibus hæc familiæ  
 fluxerunt, caput ostenditur, mirari non debes; facilius  
 enim est diem sine nube, quàm librum sine mendo reperiri.







# TABULA I.



Trusci, ut putamus, operis monumentum hoc est <sup>(1)</sup>, cujus *Ichnographia Tab. I.* exhibetur, non multis ab hinc annis repertum, ubi *vetus Præneste* olim fuit. Fueritne hæc *Urna* ad *Dindii Macolnii* cineres servandos, an potius genus quoddam *Ædiculæ* <sup>(2)</sup>, quam post *Apothesim* <sup>(3)</sup> ei filia constituerit, Eruditorum judicio relinquimus; quos tamen monemus, intrâ hujusmodi Vas pateram æream <sup>(4)</sup> fuisse inventam, & aliquot acerræ lignæ reliquias, pedes nimirum, manubrium, & æræ lamellæ partem, quâ tegebatur. Altitudo Vasis *palm. Rom.* 2.  $1\frac{1}{2}$  est; diameter *palm. Rom.* 1.  $7\frac{1}{2}$

Ornatus duos, qui fasciis item duabus inclusi Vas ambiunt superius, inferiusque, ad dexterum ejus latus apposuimus.

Ex

(1) *Roma* elaboratum Vas fuisse patet ex epigraphe, quam damus *Tab. II.*; *Etrusci* verò operis esse tum characteres ipsi videntur innuere, qui licet *Latini* sint, non parvam habent cum *Etruscis* affinitatem, tum icones *Faunorum*, & *Dindii Macolnii Tab. II. & III.*, quæ cum *Etruscorum* artibus, & institutis valde consentiunt. Multa præterea id ipsum evincunt, si, quæ in hoc monumento sunt, cum iis conferantur, quæ habemus apud *Dempsterum* in *Etruria Regali*, & apud *Gorium* in *Museo Etrusco*.

(2) Mortuorum reliquias urnis condere mos fuit non *scitilibus* tantum, aut *marmoreis*, sed *æreis* quoque, atque aliquando etiam *aureis*. *Virgil. Æneid. 6.* Postquam collapsi cineres, & flamma quievit, Reliquias vino, & bibulam lavere favillam, Ossaque lecta cado texit *Chorineus* abeno.

*Homerus*, ut de *Romanorum* Imperatoribus taceam, *Iliad. 23.* de *Patroclo* loquens:

Κλαίοντες δ' ἐτάροιο ἐνὶ σῆος ὄρεα λευκά

Ἀλλέγον ἐς χερσέην Φιδάην &c.

Plenies autem socii pui ossa alba

Collegerunt in auream phialam &c.

Eadem ferme habet *Iliad. lib. 24.* ubi agit de *Hectoris* funere.

*Ærea. Tom. I.*

(3) Genus quoddam *Apotheseos Privatorum* etiam fuisse apud *Veteres* liquet ex *Cicerone*, qui de *Tulliola* filia, quæ obierat, memoriâ immortalitati consecrandâ tam sollicitè agit cum *Artico*. *Fanum*, inquit, fieri volo, id mihi erui non potest, sepulcri similitudinem effugere. Duo docemur hoc loco; alterum in umbratili hac *Apothesi* erectas fuisse *Privatis Ædiculas*; alterum, aliquam cum his sepulcra similitudinem habere potuisse. *Ædes* quidem *Roma* videmus aliquot, æquæ ac sepulcra, formâ rotundâ. Aut igitur vitanda *Ciceroni* hæc fuit in *Fano* faciendo, ut sepulcri similitudinem effugeret, aut aliquid addendum, ut alterum ab altero fecerneret. Id cavit, opinor, *Macolnia*, quæ in *Patri* memoriâ dedicandâ, præter ali-quod ædificium, quod verisimile est erexisse, Vas istiusmodi rotundum ei statuit; sed ita, ut intus repositis *Sacrificiorum* instrumentis, *Cista* instar *Mystica*, non sepulcri similitudinem in eo, sed potius *Ædicula* secuta videretur.

(4) Pateram hanc scriptam dabimus *Tab. IX.*, eadem fermè characterum formâ, quæ in epigraphe, & eodem argumento; nisi quod, in hac *Pollucis* cum *Amico* pugnae apparatus, ac veluti initium describitur, in Vase pugnae exitus, & *Pollucis* victoria.




Ex tribus Vasis pedibus, quòd eâdem omnes formâ sunt, unum exhibemus. Hujus *Anaglyphum* <sup>(5)</sup> Adolescentem ostendit tamquam in bivio inter *Voluptatis Genium*, & *Herculem*, quorum uterque eum ad se videtur allicere.

*Statuæ tres*, quæ summo in Vase sunt; unâ cum duplici ad earum pedes *epigraphe*; *Venatio* aprorum, cervorumque, quam Vasis operculum refert; *Argonautarum* ad *Bebryciam* appulsus, ibique *Pollucis* de *Amyco* in cæstuum certamine relata victoria, quæ duo Vasis ambitus continet, reliquis *septem Tabulis* <sup>(6)</sup> describentur, magnitudine, & formâ in omnibus, quæ hactenus proposuimus, accuratè, diligenterque servatâ.


(5) *Xenophon* in *Cirap.*, *Herculi*, ait, adolescenti *Voluptatem*, & *Virtutem* olim additisse, ut adhuc incertum, & tamquam in bivio ad suas quæque partes traduceret. In hoc *anaglypho* *Virtutem* *Hercules* repræsentat; in *Adolescente* verò, quem *Hercules*, & *Voluptatis Genius* videntur alloqui, idem fortasse latet *Macolnius*, quòd virtuti studuisset ita cultus a Filia. Adnotatu præterea dignum censemus *integumentum*, quo *Adolescens* in hoc *toreumate* operitur, pallii nostratibus simile, quod, sibilæ loco, *orbiculus* levæ ejus parti affusus, & per dexterum foramen trajectus ante summum pectus adstringit. In gemmâ annulari hujus Musei *Pæstor* sculptus est capellam mulgens tali indutus palliolo.

(6) De reliquis agemus suo loco. Hic tantum addimus; *Urna* hujusmodi *areas* non ita raras fuisse apud

*Veteres*, ex eo posse præsertim colligi, quòd trium præterea, aut quatuor aliarum pedes servantur in hoc Museo; ex quibus, cum tres eâdem, ut colligitur, formâ *Genios* exhibeant facie inversâ, quemadmodum in sepulcris sculpti consueverat, dubitandum non arbitror, quin ex his *Urnis* aliquæ ad cineres servandos adhiberentur. Tres præterea videmus *Urnarum* hujus generis fuisse pedes, & quidem eodem omnes argumento. Patet ex eorum numero, qui sunt apud nos; præcipuè ex tribus, huic, de quo loquimur, magnitudine ferè pari, in quibus *Neptunus* *Laomedontem*, quod pactam pro *Trojæ* muris mercedem non solveret, immisissis e mari monstris persequitur. Tres item, eodem exemplo, in hoc Vase sunt, sed duo minus arte perfecti, ut appareat hunc, quem oculis subjicimus, ex adverso fuisse, & magis conspicuum.







# TABULA II.



Eu res ipsa spectetur, seu forma, elegantioribus Antiquitatis monumentis meritò adnumeranda est trium hujusmodi Signorum complexio <sup>(1)</sup>. Hæc brachiis invicem confertis, societatis inter se indicium, & benevolentiae præbere tantum videntur; inesse tamen quiddam, quod ad *Religionem* pertineat <sup>(2)</sup>; facile intelliget, qui animadverterit, eorum Signorum, quæ Medii latus utrimque tegunt, alterum *situlam*, alterum *cornu* <sup>(3)</sup> tenere; quæ duo in Veterum Sacrificiis adhiberi consuevisse nemo ignorat. *Faunos* esse ea Signa suadent subrustica oris lineamenta, capillus hirsutus, ferinæ aures, & cauda,

(1) *Syntheses* Signorum huic affines aliæ duæ sunt in hoc *Museo*; stant enim in utraq; brachiis æquè implicitis, manibusque humero vicissim impositis Signa duo Mas, & Fœmina, nudis tamen corporibus, nudis quoque in alterâ pedibus, in alterâ *Etrusco* more calceatis; in hac tamen postremâ nihil tam adnotandum arbitramur, quàm fœminam *subligari* præcinctam. Pertinuisse utramque ad id Urnarum genus, de quo sermo est, & manubrii instar fuisse, cum adimendum operculum esset, quo Urna tegebatur, pro certo habemus: hærent enim hæc Signa oblongæ lamellæ in superiori Urnæ parte, quæ amoveri a reliquâ facile potest. Jam verò cum in his duabus *Synthesibus*, quæ publici juris fient alio tempore, nulla sint *sacrorum*, & *Religionis* indicia, contra quàm in eâ factum videamus, quam exhibemus *Tab. hac II.*, iudicium Lectoris esto, utrum accensendæ omnes sint cinerum custodiæ, an de postremâ hac aliquid sentiendum, quod impertitum *Macolnio* honorem significet divino propiorem.

(2) In urnis *Etruscorum* scilicet stantia mortuorum Simulacra vidisse me numquam memini, sed aut prorsus jacentia, aut in cubitum leniter erecta. *Æreum* apud nos Signum est hominis presso cubito assurgentis, quod *Etruscum* videtur. Est & aliud marmorcum in sepulcri operculo, quod *Romanum* putamus. Hanc consuetudinem antiquitus apud *Romanos* etiam invaluisse cognosci ex eo potest, quod

uterque hic simulacrorum positus in sepulcris frequens fuit in Italiâ superioribus sæculis, ut patet sacras aedes adeuntibus. Unde verò erecta quoque in iisdem signa statnendi mos fluxerit, incertum arbitror; mira enim hujusmodi monumentorum paucitas est: quare id unum verè dici potest, multa in his Urnis esse, quæ ad *Etruscorum* mores, & disciplinam accedunt, ex quibus de hoc quoque more fieri iudicium possit; hanc verò, de quâ loquimur, in agro *Prænestino* inventam fuisse, nimirum in *Latio*, & ibidem aliarum etiam fortasse reliquias, quas superius recensuimus; alibi enim, quod sciam, non reperiuntur.

(3) *Situlam*, quam alter ex *Faunis* manu tenet, vetustate corruptam restituius ex antiquo nostro symplegmate æreo *Camilli*, & *Papæ* vasculum eadem omnino formâ gestantis pro aquâ lustrali in sacrificiis utique adhibendâ. *Cornu*, quod alter gerit, fuisse genus quoddam poculi, quo *Pocillatores* utebantur, nemo ignorat. Est in hoc *Museo* æreum Vas hujusmodi sanè perelegans capite taurino, cervicæ verò tribus figuris calatâ, *Rustici* faciem præferentis, *Sponsæ*, & *Fronubæ*. Fuisse verò etiam in sacrificiis adhibitum documento est, ut cætera taceam, *Saryrus* in hoc *Museo* marmori insculptus, qui cornu æquè simplex, ac illud est, quod in hac *Tab.* præfertur a *Fauno*, in aram ardentem invergit, perinde ac si lac, aut vinum in prunas defunderet.



cauda, pellis demum silvestris, &, quod magis peculiare est, stellulis quaquaversum distincta. Qui medius inter Faunos est, adducimur, ut credamus, *Dindium* esse *Macolnium* tùm ex coronâ gemmatâ, bullâque<sup>(4)</sup> ante pectus demissâ, tùm ex veste prætextâ, & stellulis item inspersâ; quæ omnia cadunt optimè in principem apud suos virum, cujusmodi par est *Macolnium* fuisse. Sed ambigendi locum, qui demum ille sit, tollit, epigraphe, DINDIA MACOLNIA FILEA DEDIT; quem enim alium suspicari eum esse possumus, aut cui potius honorem hunc deferre *Dindiam*, quàm patri maluisse? Quæ hætenus diximus, hilaris præterea *Macolnii* vultus, erectusque efficiunt fortasse, ne, cum hoc monumentum cernimus, de sepulcro cogitemus, sed relatum potius inter *Semideos* a Filiâ Patrem, cujus affelas, & Sacrorum ministros *Faunos* esse voluerit. Verùm de his malo aliorum iudicium esse, quàm nostrum.


(4) *Plinius lib. 33. c. 1. ait; A Tarquinio Prisco omnium primo* (fuit hic Romanorum Rex quinctus a Romulo) *filium, cum in prætextâ annis occidisset hostem, bullâ aureâ donatum constat.* Idem scribit *Macrobius 1. Saturnal. c. 6.;* addit tamen aliquos putasse, *Hestum Hestilium*, quod primus omnium natus ex *Herfiliâ* fuisset, unâ ex *Sabinis*, quæ raptæ fuerant, bullâ aureâ, prætextâque honestatum a *Romulo*. Hæc appendix non coheret cum *Plinio*, qui factum id a *Tarquinio* tam affirmatè tradit, neque cum ipso *Macrobio*, cujus hæc verba sunt in eodem cap.; *Tullus Hostilius Rex Romanorum Tertius debellatis Etruscis sellam curulem, lictoresque, & regam pictam, atque prætextam, quæ insignia Magistratuum Etruscorum erant, primus, ut Roma haberentur, instituit.* Quomodo igitur fieri potuit, ut *Hestus* prætextâ donaretur a *Romulo*, quæ nondum *Romam* ex *Etruriâ* fuerat invec-ta? Idem dicimus de bullâ aureâ; aut enim *Tullus*, cum insignia Magistratuum Etruscorum in Urbem inferret, bullam quoque, quæ ex *Macrobio* gestamen erat triumphantium, in Romanos mores induxit, aut potius *Tarquinius Priscus*, qui patre ortus *Tarquinii* nato Etruscorum instituta optimè novit, ac proinde filium, quod annos natus XIV. hostem vicisset, huiusmodi præmio, ut idem ait *Macrobius*, virilitatis, & honoris ornandum censuit? Cer-

tè *Persius* gestandæ bullæ morem *Etruscis* refert acceptum, cum quorundam superbiam castigans ait.

*Quis enim tam nudus, ut illum*

*Bis ferat, Etruscum pueri si contigit aurum?*


Mos enim jamdiu invaluerat, ab ipso nimirum *Tarquinio* institutus, ut pueri nobiles bullam auream gestarent ad ann. XIV., plebii verò bullam scorteam, vel signum de paupere loro, ut ait *Juvenalis*. Alterutrum huius generis exemplum est Signum adolescentis æreum *Perusia*, quod refertur a *Demistero in Etruriâ Regali*, femore characteribus *Etruscis* inscripto, cui pendet ante pectus bulla. Quod ait *Macrobius*, cap. eod.; *Nonnulli credunt ingenio pueris attributum, ut cordis figuram in bulla ante pectus adnetherent;* quæ horum verborum vis sit, ignorare me apertè fateor. Sunt in hoc Museo *Protoma* marmoreæ duæ, altera *Neronis*, altera ignoti adolescentis, utraque bullata. Vidi alibi bullas item marmoreas, unam præterea, aut alteram auream; ex hoc tamen numero nullam inveni, quæ orbiculata non esset, & prorsus simplex, cujusmodi est ea *Macolnii*. Quod si ea verba intelligenda ita sunt, ut non cælaturam aliquam, sed quidpiam bullæ adjectum, ab eâ tamen separatum, significant, quod cordis similitudinem referret, ne his quidem *Amuletis* caret hoc *Museum*; sed ea posteriorum temporum videntur esse, & quæ non faciant ad rem, de quâ agitur.



*Area. T. I.*

*Ignat. Benedotti Sculp.*





# TABULA III.



Inus commodè de hoc *Symplegmate* judicaretur, si non, ad anticam ejus partem, posticæ quoque conspectus accederet; ex hac enim cum *Macolnii* diadema <sup>(1)</sup>, vestis <sup>(2)</sup>, calceique <sup>(3)</sup> manifestius apparent, tum *Faunorum* species, & forma, quos equinam potius similitudinem, quàm

(1) *Fasciam candidam* capiti præcinctam insigne olim Regum fuisse, nemo est, cui compertum non sit; quare malè audiit apud Romanos Pompejus, quod *virtù cretata* crus obligasset; cum dicerent, diadema illud esse, parum autem referre, quâ parte corporis gestaretur. In nummo argenteo *Familia Pomponia* cælatus *Numa* est fasciâ redimitus, sed simplici, & solo ipsius nomine insigni; ex quo suspicor non aliud fuisse Regum etiam Romanorum insigne. Adhiberi deinde non ad victoriæ tantum indicium, sed ad potestatis etiam ostentationem capta laurus est; etsi ab ipso *Romani* Principatus exordio aurâ quoque coronâ identidem ornatos Imperatores nummi nobis exhibent; sed exollescente paulatim lauro, atque ipsis etiam coronis auris reditum est ad *Fascias* post *Constantinum Magnum*, præsertim in Oriente, easque non simplices, sed duplici fermè gemmarum ordine distinctas, ut patet ex nummis. Cum igitur postrema hæc tempora tanto intervallo *Macolnii* præcesserit, diadematis verò ita gemmati, quo is ornatur, vestigium in ultimâ antiquitate nullum apud Romanos appareat, quod quidem noverim, Lectoris erit animadvertere, horumne morem agnoscat in hoc *Macolnii* ornatu, an peregrinum.

(2) Signum est apud nos æreum, & quidem *Etruscum*, ut conjici ex indiciis potest, inscriptum præterea secundum femur characteribus *Latinis*, iisque omnino similibus, qui leguntur in Vasis hujus epigraphæ. Quod verò ad rem nostram facit hoc loco, vestis in eo eadem est ac in Signo *Macolnii*; simplex nimirum, & sine tunicâ, eodemque prorsus flexu. Medium videtur quiddam hæc esse inter *Togam*, & *Pallium*, huic tamen multò propior, quam *Toga*, quod non superne injecta defluat ad pedes, ut, cum *Toga* induchatur, fieri consueverat, sed infra dexterum brachium circumducta Signorum obvolvatur corporibus. Vide *Ferrarium de re Vestiriâ*. Quod si quis malit *Togam* eam esse ex antiquissimo illo genere, cum adstrictior adhibebatur, & sine ullis fermè finibus, ut tradit *Quintilianus*, ita verò opinetur, quod *Frætexta* etiam hæc sit, & *stelduli* distinctâ, ac proinde *picla* quoque *Toga* similitudinem referat, ego quidem non repugnaverim; tantum petam, utrum peliti quoque hi *Fuunt*, quod hujusmodi ornamento non

*Erez. Tom. I.*

careant, *Togis* amici, & quidem triumphantium more *piclis* dicendi videantur. Genus hoc *Toga Romani* ab *Etruscis* acceperunt, ut *Dionysius* testatur, *Florus*, & alii multi. *Picla* dicebatur, quod figuris, sive ornatu quodam aureo, qui tamen cujusmodi esset ab Antiquis non proditur, sive intexto, sive acu *piclo* esset insignis. *Stellis* usos fuisse *Etruscos* indicio sunt cum tria hæc Signa, tum figura muliebris in vase *stili* hujus *Musei*, præcipuè verò *Patera* ibidem ærea *Tab. XIV.* characteribus *Etruscis* inscripta, in quâ stellatâ veste conspicua *Minerva* est. Ex *Latinis* unus, quod sciam, *Scipio Africanus* in triumpho, quem egit *Roma* devictâ *Carthagine*, *Togam* adhibuit, aureis, ut ait *Appianus* 1. *Lybic.*, *stellis distinctam*.

(3) De Veterum calceamentis ita loquitur *A. Gellius* l. 13. c. 20. *Omnia fermè, quibus plantarum calces tantum infimè teguntur, cætera propè nuda, & teretibus habenis vincta sunt, soleas dicere.* His igitur accensendi calcei non sunt, quos videmus in hoc *Macolnii* Signo; totos enim pedes tegunt. At ne *peronibus* quidem, qui, etsi totum pedem ambiunt, constabant tamen ex crudo corio, ad aliquam fortasse eorum similitudinem, quos *Campani*, *Marisque* rustici etiam nunc adhibent. Quis autem putet calceis hujusmodi, quibus uti viatores, & milites per glaciem, & imbres consueverant, nobilem inter suos adolescentem dehonestari voluisse? Quid ergo, *nulleas* dicemus? Nam duo hæc præcipua calceorum genera apud Scriptores reperimus. Multo certè minus; hi enim ad medium fermè crus pertingebant, quemadmodum nostrates cothurni *Tragici*, vel, ut ait *Scaliger*, *Turcici*. Cum *Macolniani* ita ad tibiâ non assurgant, ut ligulâ, ubi adstringuntur, exiguâ supra calcem rejecta decrescant infra talos, & deprimantur lunatis utrimque curvaturis, quæ deinde paulatim assurgunt modicè fastigiata supra calcancum, & ita inter se cocunt, formâ profectò calceamentis non abissimili, quibus instructi remeant ad nos aliquando *Itali* ab *Afforum* captivitate liberati. Quod itaque *Macolniani* hi calcei humiles sint, ac depressi, ita verò calcem tegant, ut non modicam ejus partem nudam relinquam, aliquid habere videntur commune cum *Soleis*, ac proinde ad earum fortasse genus referri posse, quas

B




quàm caprinam referre nemo negaverit, qui præter capillos, & aures, de quibus dictum est, eos equorum instar caudatos aspexerit<sup>(4)</sup>. Maximè verò *Epigraphem*<sup>(5)</sup> oportuit esse conspicuam, quæ alioqui jaceret abdita in aversâ lamellæ parte, nec legi faciliè posset.

quas Veteres, ut idem ait *Gellius*, nonnumquam voce *Græca crepidulas*, deinde etiam *Gallicas* appellaverunt. Ceterum hujus formæ calceos nusquam deprehendimus. In nostro hoc *Museo* duo præterea alia signa, quæ artificii *Etrusci* habentur, calcata hoc modo sunt.

(4) *Faunos* & *Satyros* apud *Etruscos* non ex caprinâ dumtaxat naturâ, sed ex equinâ etiam præter humanam constituisse documento est Signum aliud æreum hujus *Musei Faunis* hisce simillimum, nisi quod humana in eo crura sunt, in ungulam verò desinunt equinam, & solidam. Congruit cum hoc Signo altera apud nos *Satyri* figura patere inscripta *Tab. XI*, quæ tamen præter ungulam, pedes etiam equinos habet, & coxas. Semiferos id genus *Græci Centauros* vocaverunt; apud *Pelium* autem montem primùm conspectos ajunt, quod primos omnium *Thessalos* ex equis pugnare gloriantur, itaque, quod oculorum ludibrium esse solet, ut propter cursus velocitatem equus, seorsumque in unum coaluisse videantur, id factum re verâ putaverunt: in quo cum levitatis arguendi sunt, tum inanis etiam jactantiæ; quale enim est, ut omnium primis equis uti ad pugnam *Thessali* ceperint, cum tantò prius de equo *S. Job* dixerit; *Procul odoratur bellum*, & dicit, *vah*. Erat igitur jam tum equorum usus in bello. Sin ita accipiendum id est, ut finitimos tantùm populos *Thessali* hoc invento præferint, nimis magni hæc gloriola æstimata a *Græcis* est, qui eam tam insigni commento posterorum memoriæ consignatam voluerunt. Ceterum, vel ab *Arcadibus*, vel a *Pelasgis*, qui *Thessali* dicti olim sunt *Strabone* teste, invecita hæc monstra sunt in *Etruriam*; si tamen superstitio ipsa, quæ tam latè percrebuerat, non movit etiam *Etruscos*, ut agrestes homines, quibus olim occurrissent in silvis, sive pecuarii hi essent, sive equarii, mali alicujus metu, aut spectris etiam perterriti colerent, & tamquam *semideos* venerarentur.


(5) Ex *Filiæ* nomine, quod in *Epigraphæ* legitur, *Dindium Macolnium* more *Romano* patrem appellavimus. Indigena ne *Latinus* hic esset, an advena, quoniam *Præneste* refossum *Vas* hoc fuit, incertum est. Equidem advenam arbitror, principem tamen apud suos loco natum; quod utrumque colligi ex gemmatâ coronâ potest, quæ apud *Latinos* in usu non erat, & ex *bullâ aureâ*, quæ anno *XVII*, suspendi *Laribus* consueverat. Aliunde igitur petendus hic *bulle* ætate etiam maturâ gestandæ ritus, & genus *Macolnii*, atque, ut putamus, ex *Etruriâ*: videri enim simile veri non potest, *Novium Plautium*, qui *Vas Romæ* hoc perfecit, *Etruscum* morem tam multis in rebus secuturum fuisse, nisi *Macolnii* generi, patriæque gratificari voluisset. Quod ad *epigraphen* pertinet, id dici vere potest, vetustissimam esse; in eâ enim cum *Vas* ipsum inducitur loquens, quod magnæ antiquitatis indicium esse ait *Cl. March. Scipio Masseyus*, ejusque dialectus congruit cum inscriptione *Columnæ Rosstræ*, quæ posita *C. Duillio* fuit primo *bello Punico*, tum iis perscripta literis est, ut aliquot eadem ferme sint ac *Etruscæ*, aliæ ita conformatæ, ut ad eas proximè accedant. Verùm quid sentiendum de hac *Epigraphæ* sit, malo *Cl. Muratorii* verbis, quàm nostris intelligi, qui de eâ ita loquitur in *Inscript. Thef. Tom. I. pag. 132*. Ceterum, miram antiquitatem forma literarum prodit, ita ut, nisi hæc occurreret *Romai* fecid pro fecit, quisquam pro inscriptione *Etruscâ* accipere hanc potuisset. Ut autem ostendam, quàm facile præstantissimi etiam viri fallantur, cum in hoc genere aliorum testimoniis niti coguntur, conferat *Lector*, quæ de hoc *Vase* narret hic auctor, cum his tabulis, quas præ oculis habet. Primum *NAVIO* legit non *NOVIO*; deinde fatetur, *Vas hoc sacris suis se additum*; postremò ait, *Tripode innititur, quem efformant tres Fauni Vas ipsum amplectentes*. Suprà eperculum stat *mulier seminuda* &c.



*Fica. T.I.*

*Ign. Benedetti Sulp.*





# TABULA IV.



Res partes sunt, quibus constat hoc Vasis operculum; lamella, cui insunt tria Signa, & in quâ scalpita *Epigraphe* est; altera huic subiecta latior, & rotunda non sine eleganti ad oram extremam ornatu <sup>(1)</sup>; tertia, quæ totum Vas tegit, ac proinde operculum ipsum est, eodem, quo superior, ornatu circumscripta. Mediam prior interfecat, quæ quàm lata sit, & longa, spatium indicat, quod album relinquitur inter *Leonem*, & *Gryphem* <sup>(2)</sup> viriculo utrinque descriptos; jungi enim altera ab alterâ potest, & utraque a tertiâ. Adnotandum id censui, ne quem forte offenderet spatium illud vacuum, quo operis argumentum in mediâ videtur intercipi, & ut ostenderem, quo consilio artifex tot lamellas, alteram alteri superposuerit: nam cum tria Signa conjuncta in summo Vase statuisset, quæ manubrii loco essent, si quis operculum vellet adimere, veritus ne iis inter attollendum avulsis reliquum prolaberetur, e singulis Signorum pedibus ærea additam-

(1) Constat hic mediæ lamellæ ornatus oblongis quibusdam intrâ duas lineas globulis, qui ovorum, aut nucum juglandium instar tamquam e cortice ex anticâ parte dissecto prodeuntes infernè aliquantulum complanantur; supernè verò, ubi cortex sinuatur, locum tribus lineolis utrinque præbent in sagittæ figuram dispositis. Ornatus alter in operculi margine paulum differt ab hoc. Plurimus ejus usus est hoc tempore in vasis, præsertim argenteis, apud lautos homines, & elegantes: quem quidem miror *Græcis* acceptum referri ab aliquibus, cum tantò prius quàm *Græciæ* caperetur, ex quo tempore *Græcicæ* artes in *Latium* invectæ sunt, ab *Etruscis* videant, & *Romanis* adhibitum.

(2) *Gryphes*, ajunt, corpore quidem leoni, alis verò, & capite aquilis simillimos esse, equis autem maximè infensos. De his *Plinius* l. 10. c. 49. *Pegasus equino capite volucres, & Gryphes auritos aduncitate rostri fabulosos reor; illos in Scythiâ, hos in Æthiopiâ. Et lib. 33. cap. 4. Aurum invenitur in nostro orbe, ut omittamus Indicum, atque a formicis, & Gryphibus apud Scythas erutum.* Arcani aliquid latere in hac *Leonis* pugna cum *Gryphe* quispiam fortasse suspicabitur, æquè ac in Vasis hujus *anaglypha*, ubi a fere pede *rana* proteritur. Ego verò arbitror multa hujusmodi accipienda simplicius esse, nec præter id, quod ostendunt, quidquam cogitandum ulterius.




tamenta extare quædam, clavorum instar, voluit variâ formâ, & alia alio ordine, & versu disposita, quibus per tres has laminas, atque adeo per quartam, quam idem artifex operculo interius suppegit, apto loco traductis, Signa totidem veluti repagulis fulta confisterent, & pondus sustinerent. Addam hoc loco; Lectorem mirari non oportere, si operculum in tabulas non æquales partiti sumus; id enim fieri necesse fuit, ne divisio in ipsas figuras incurreret, & argumenti ferriem turbaret. Jam verò ut ad rem veniam; occurrit statim *Tabulam* intuenti *Leonis*, & *Gryphis* certamen in pugnam procurentium pro bovino capite, quod positum in medio est. Sequitur *venatio* <sup>(3)</sup> per totam operculi aream circumducta non modico venatorum <sup>(4)</sup>, & silvestrium ferarum apparatu; quæ tamen delectare magis spectantem possit, quàm rei ipsius, quemadmodum actu ipso agitur, veritatem ostendere.


(3) Quod, quæ labore consequimur, & industriâ, gratiora nobis accidant, quàm quæ obvia sunt, & in promptu, idcirco venatione tantoperè capimur universi. Nihil itaque eâ ubique usitatus, nihil antiquius; cum *Esau* filium jam tum venari jussum ab *Isaac* legamus, ut ipsi pulmentum pararet. Neque verò cum apris tantum, & damis congredi Veteres consueverunt, sed cum immanissimis etiam beluis, quod patet ex principum *Romanorum nummis*, ut ad animi remissionem virtutis quoque laus adjungeretur.

(4) In Veterum *nummis*, & *anaglyphis* sepe nobis occurrunt viri principes imperatorio cultu ex equo contrâ feras pugnautes. Eodem ornatu in *Tab.* hac unum ex venatoribus aspiciamus, sed peditem, brevior etiam clamyde, eâque præcinctâ, nec super hume-

rum, ut mos erat, sed ante summum pectus adstrictâ, *Macedonium* hunc esse arbitror; nam præter atatem congruunt ea dignitatis insignia, quæ in ejus simulacro animadvertimus *Tab. II.*, cum his, quæ hoc loco adnotamus; præsertim cum iterum spectandus nobis ille sit *Tab. VII.*, ac proinde videatur cum filia in tribus præcipue hujus Urnæ partibus celebrare voluisse. Nec calcei abhorrent a *Macedonii* dignitate; hi totum ejus calcem ita tegunt, ut ad medium prope crus cothurnorum instar assurgant; *mulleos* verò eos dictos a Veteribus fuisse habemus ex *Titinio* in *Sevina*; Jam cum *mulleis* te ostendisti, quos *tibiastim calceas*; id est, ut *Scaliger* interpretatur, ad *medianam tibiam*: illesem usos primùm *Reges Albanorum*, deinde etiam *Patrios*, aut qui *Curulem Magistratum* cepissent, testantur *Festus*, & *Scaliger*.







# TABULA V.



Terum nobis occurrunt *Gryps*, & *Leo* inter se ita pugnaturi, ut nihil arcani subfit in hac pugnâ; nec enim arbitror, quod concessum artificibus nostris est, ut ex ingenio multa confingant, id negatum antiquis fuisse; ut, inquam, nihil sit, quò referri dimicatio hæc debeat bis ob oculos posita. Illud ambigi certè non potest, *Gryphes* apud veteres habitos esse maximè idoneos, qui ad ornatum adhiberentur; sculptos sæpe videmus in cippis sepulcrorum marmoreis, pictos etiam in parietinarum tectoriis, ex quo genere apud nos est fragmentum trium fermè palmorum longitudine, quod ita ferè dispositos, conformatosque *Gryphes* refert, ut in Vaticanis Pontificiarum Ædium porticibus picti a *Raphaelè Urbinate* sunt. Quin & in veterum Sacrorum monumentis eorum usus fuit; in æde enim *Panttheon* ad januæ latera marmoreæ inter *parastatas* visuntur laminæ, in quibus *Gryphes* candelabrum utrinque ambiunt. Adeo horum animalium biformis natura accomodata veteribus visa est ad ornatus varietatem, & oculorum delectationem.

In alterâ hac venationis parte æquè ac in primâ nudi fermè omnes sunt, ut mihi videatur, familiarius cum feris bellum gerere, quàm earum natura patiatur; unum enim dumtaxat video<sup>(1)</sup> tunicâ indutum prætextâ,

(1) Soleatus hic unus ex omnibus est. Frequentissimus *soleatus* usus apud *Romanos* fuit tam viros, *Ævea*. Tom. I.

quàm mulieres. Hæ infernè tantùm calcem tegebant, teretibus habenis superius adstrictæ.




textâ , fuccinctâque , qui falcem manu tenet , unâque canem , ne in feras profiliat . Ceteri palliolo utuntur , quo aut e transverso in summum brachium reiecto , aut infrâ cubitum convoluto , & in mappam lævâ collecto incurfantes feras perterrefacientes avertant , ut facilius confodiant . Quod pertinet ad arma venatoria , quidam baculum protendit benè capitatum ; alter fuccinctus in *Popæ* morem securim <sup>(2)</sup> ; unus dumtaxat telum , seu venabulum , cuius in hastili summo transversum quiddam apparet <sup>(3)</sup> tamquam manubrii loco . Reliqui hastis armantur ; ex quibus qui pallio obvolutus circâ collum est , lanceam stringit ferro utrinque præfixo . De *Pileo* <sup>(4)</sup> , quo aliqui utuntur , vide in notis .

(2) Duas habemus hujus generis secures , tertiam multò præstantiorem , quòd adhibita in fascibus olim fuit , qui magistratibus præferebantur .

(3) Venabula lato ferro præfigi solebant , non unum tamen eorum genus fuit ; quare si quis , quod brevius in hoc ferrum est , neget esse venabulum , telum dicat . Quod hastili adjectum e transverso est , non idcirco appositum puto , ne telum elabatur e manibus , sed ut vel jactum refigi facilius possët e fere corpore , vel jaci validius , libramento per eam appendicem commodius quæsito .

(4) *Pileos* fuisse in usu & apud *Veteres* , nemo fortasse erit , qui nesciat . Vide *Ferrarium de re vestiariâ* , & *Piriscum* . In itineribus , & in venatione præsertim , ut habet *Dempsterus in Etrur. Reg.* , aliquo ca-


pitis integumento utebantur antiqui ad Solis radios , aut pluviam , aut acris intemperiem arcendam , illoque non semper capiti superimposito , sed etiam in humeros reiecto interdum , pendentiq; incedebant , ut videre est apud eundem *Dempsterum* . *Laneos* fuisse pileos , eosque crassiores , & colore varios manifestè colligitur ex Scriptoribus , iisque , tamquam libertatis insigne , *Romæ* præsertim in *Saturnalibus* uti populum consuevisse . *Petastos* habuisse marginem , ac pileis nostratibus fuisse per similes certum est : his utebantur tabellarii , servi , venatores &c. quemadmodum hic apparet . *Heroum* quoque pileos fuisse , illosque penitus sine margine , & cassidum formæ propiores inferius *Tab. VII.* exhibebit .



Arca To. I.

Ign. Benedetti sculp.





# TABULA VI.



Ivifam damus in partes tres, illamque *Tabulis* totidem exhibemus, quæ Vas ambit viriculo incisa *Argonautarum* Fabula. Notissimi apud omnes *Argonautæ* sunt, qui *Iasone* Duce solventes in *Colchidem* navigarunt; de his *Apollonius* in *Argon.*, *Apollodorus*, & *P. Ovidius* in *metamor.* Inter cetera, ad quæ, dum navi iter facerent, appulerunt litora, *Bebrycia* <sup>(1)</sup> fuit, in quâ regnabat *Amycus*. Is, quotquot advenæ terram suam attingerent, ad cæstum provocabat in silvis, illosque dolo potius, quàm virtute devictos barbarum in modum mactabat. Exhibet *Tabula* hæc VI. hunc *Argonautarum* in *Bebryciam* adventum, obversâque pelago prorâ stat litore *Argo* navis, cujus in puppi sedet *speculator* <sup>(2)</sup>, nudus ille quidem, sicut & ceteri, qui *servi* potius, quàm *Heroes* omninò censendi videntur: alter enim illorum in ipso navis foro dormit, alter extrâ navim in arenâ sedens remum tenet, ac dextrâ vas, tres reliqui in farcinis, vasisque, quæ intus erant in navi, exportandis sunt occupati. Navis ferè dimidia post rupem latet; ex eâ tamen parte, quæ conspicua nobis est, & ex duplici foraminum ordine, per

(1) *Bebrycia*, ut scribit *Baudrandius*, desumpsitque ex *Strabone*, *Plinio*, *Apollodoro*, aliisque, *Bitbinia* in *Asia Minori* pars est, in eâque urbs *Lampsacus* invenitur, quare & ipsa provincia etiam *Lampsacena* est interdum a Scriptoribus dicta.

(2) Ex *Livio*, aliisque habemus *Veteres* certis hominibus usos esse in navigando, qui navigii malum

ascendentes, quâ itineris tenenda directio, aut quæ in cursu vitanda essent naufragii pericula admonebant. Hos *Speculatores* dixerunt; quâ de re vide *Lucianum*. Cum autem naves confisterent, sui iterum speculatores habebantur, qui non e summo malo, sed e navi ipsâ, quis ad navim accederet, quodque in litore ageretur, sedentes observarent.

per quem remi transmittantur, *biremem* <sup>(3)</sup> appellamus. Ad puppim *temo* <sup>(4)</sup> sublatum cernitur, scalæque appositæ, per quas e navi in litus descenderent. Ex leonino capite, quod in rupe ipsâ excisum conspicitur, fons defluit; cui proximus *Silenus* <sup>(5)</sup> sedet, risuque solvitur alterum e navigii fervis aspectans.


(3) De Veterum navibus, illarumque constructione, de quibus plurima habet *Plinius*, difficillimam sanè, licet non injucundam, illamque multorum disputationibus celebratam enarrationem suscipimus. Itaque, *minima*, naves scilicet, ait *Vegetius lib. 5. c. 7.*, *remorum habent singulos ordines, paulo majores binos, idonea mensura ternos, vel quaternos, interdum quinos sortiantur remigum gradus. Nec hoc cuiquam enorme videatur; cum in Actiaco prælio longè majora referantur concurrisse navigia, ut seniorum etiam, vel ultra, ordinum fuerint.* Quod planè adeo nulli enorme videri debet, ut apud antiquos Scriptores *quadragesimus*, & *quingagesimus* quoque remorum ordo in navigiis commemoratus inveniatur. Vide *Plinium*, *Phoebium*, *Athenæum*, *Schefferum*, *Gronovium*, *Salmuth.*, *Boys.* de re navali, *Montfaucon* &c. Hinc implicatissima oritur questio, ac multiplices circumferuntur eruditorum sententiæ, quas omnes ad capita hæc duo tandem referri posse judicamus. I. Fuerunt nonnulli, qui putaverunt *biremem binum* remorum ordinem habuisse, *triremem ternum*, & sic de ceteris; negarunt tamen hos remorum ordines in ullâ umquam navi *sextum* ultra *decimum* excessisse. Non conveniunt præterea in ordinum istorum dispositione statuendâ; si enim volunt primi ordinis remos ceterorum ordinum remis rectâ imminere; illi tuerentur, primi, ac secundi ordinis palmulas ita inter se fuisse dispositas, ut duæ superiores primæ cum alterâ inferioris ordinis quasi triangulum efformarent; hi denique remos, ductâ veluti diagonali, in navibus collocatos sustinuerunt. II. Alii, qui quidem numero longè minori sunt, unum tantum remorum ordinem in qualibet veterum navi agnoscunt, putantque vel unicuique remo *binos*, aut *ternos*, aut *quaternos* &c. remiges attributos, vel navim ita fuisse constructam, ut tribus quodammodò tabulatis constaret, quorum inferius esset in prorâ, elatius alterum in mediâ navi, ultimum in puppi, quod altitudine secundum superaret; ex his autem tabulatis contendunt aut *binas*, aut *ternas*, aut *plures* etiam palmulas fuisse immixtas, statuuntque, aut ab his tabulatis, aut a remigum numero, huic *biremis*, illi *triremis*, alteri *quadriremis*, & sic de ceteris, nomen fuisse factum. At contrâ utramque opinionem gravissimæ oboriuntur difficultates, quas hic breviter indicabimus. Contrâ II. illud tantum querimus, quam longo, latoque corpore veterum naves putandum sit, si *Plinius*, *Phoebii*, atque *Athenæi* testimonio *quadrin-*


*genti* non rarò, persæpe *mille*, & *sexcenti*, interdum denique ad *quatuor mille* remiges numerabantur? Contrâ I., intelligi omnino videtur non posse, quâ immensâ longitudine primi ordinis remi esse debuissent, si *secundus*, & *quartus*, & *sextus* &c. ordo remorum alter suberat illi primo, adeoque negant possibilem & arborem, ex quâ remus hujusmodi efformaretur, & hominum vim, quâ moles tanta moveretur. Deinde, quem explicaturum speramus quo pacto ab utrâque navigii parte tot remi uno impetu, eademque erectionis, ac dejectionis lineâ moverentur? Quod si dicatur, id esse non potuisse, cumque hoc ipsum, si non sit, progressionis mechanismo aperte repugnet, planè consequitur, veterum naves in illo perturbato, confusoque remorum motu immobiles omnino, & in utrumque latus fluitantes consistere debuissent. Quare, licet *Deslandius*, *Zenus*, *Vossius*, aliique non pauci circâ veterum navigiorum constructionem systemata quædam protulerint, illud concludimus; certissimum quidem esse Antiquos usos fuisse navibus, quas *triremes*, *quadriremes* &c. nominarunt; ignotum autem penitus nobis & esse, & fore in posterum quâ ratione, & quo ordine, in iis movendis, remi primum, deinde etiam remiges disponentur. Suspicio autem veteribus ipsis incommodam maximè fuisse artem tum construendi, tum etiam regendi naves, illudque colligo ex eo præsertim, quod tam incerta, atque obscura ad nos artis ejusdem vestigia pervenerint, nosque in nostris navigiis, illis quoque, quas *γαλατὰς* appellamus, tam immaniter ab Antiquorum navibus, earumque formâ distemus.

(4) *Temonis* hujus forma usitatissima tum in picturis, tum in marmoribus &c. apud Antiquos est, licet non una *temonum* configuratio, sed diversissima illorum species in Veterum monumentis occurrant. In *Arno* flumine similem omniùs lintris *temonem* me olim observasse memini, eoque navigii rector, quodammodò leniter remigando, iter suum dirigebat.

(5) Non cum *Argonautis Silenus* navigasse in *Beryciam*, sed ibi fuisse ab illis inventum putamus. Dignum adnotatu est, quod, sicut in sequentibus *Tab. Dii* Majores, sique communes populis omnibus cum *Heræibus* commixti sunt, ita in hac *Tab.* cum *servis* versatur *Silenus*, qui inter Deos minores, aut potius semideos recensetur. Ridet ille ferrè exuviis ad humeros vestitus, vel quia hospitum adventu lætior est, vel quia alter ex *Argonautarum* famulis pæcam ex arboris ramo pendentem pugnis contudit.







# TABULA VII



Abulæ, quæ in Vase descripta est, partem alteram exhibet *Tabula* hæc VII., in quâ præter navis servum alterum, qui urnam fictilem<sup>(1)</sup>, ut judicamus, ad aquam e fonte defundendam sustinet, *Argonautarum* quatuor conspiciuntur longioribus hastis armati. Horum duo hastis duabus instructi sunt; cumque id in Veterum monumentis tamquam *Heroum* insigne habeatur, eos *Jasonem* fortasse, & *Castorem* putamus esse. Ad opinionem hanc amplectendam adducimur, tum quia *Hercules* amisso *Hyla* in *Bœotiam* sublitterat, *Apollon.*, *Apollo.*, quem si demas, nullum fortasse alium inter *Argonautas* *Jasone*, & *Castore* præstantiorem inveneris; tum quia horum alter manu ad collum alterius appositâ illi quodammodo blandiens de *Pollucis* victoriâ, quam hic adspectat, dixeris amicissimè gratulari. Ex his *Heroibus* alter *pileo*, seu verius *casside* caput tegit, alter gemmato cinctu instructus est. *Argonautarum* unus fonti propior, & pallio e collo pendenti in humeros rejecto bibens cernitur, cyathoque<sup>(2)</sup> utitur, cujus singularis est forma, cum & rotundus, & vix elato labro esse appareat, & longior pes illi subfit,

(1) Urnas hujusmodi fictiles communissimas esse nemo nescit, earumque plurimæ etiam nostris hæc temporibus effodiuntur. In nostro *Museo* multe sunt figuræ ferè eadem, licet minori corporis magnitudine, & gyro. Vide *Montfauconium*. Si quæretur quomodo hæc aqua plenæ recte consisterent, putamus ideo aliquo modo infernè acuminatas esse, ut scilicet solo infixæ nullam in partem inclinarentur, & intus immixtum liquorem commodè continerent.

*Ærez.* Tom. I.

(2) Singularis planè cyathi istius forma est, nullumque illi similem nobis huc usque occurrisse ingenue fatemur. Quod infernè signis insculptus appareat, illud putamus esse, quod apud Scriptores, poetas præsertim, *signis asperum, calatrum*, & alia id genus, dicebatur. Ita *Virgilius* *Æneid.* 1.


*Ingens argentum mensis, calatæque in auro  
Fortia facta patrum, series longissima rerum;*  
ut taceamus de *Homero*, aliisque.




subsit, & internè figuris inculptus conspiciatur. In ultimâ *Tab.* parte *Saturnus* <sup>(3)</sup> est; senior ille, & promissâ barbâ, cogitabundus, & tristior, pallio involutus, soleis secundum pedes circumvestitus, ac demum alatus. Quod maximè adnotandum censemus, est suum ipsum super pallium in elatiori loco collocatus *Macolnius*, cui bulla aurea e collo pendet. Jacet ille quidem in cubitum leniter erectus, dextrâque vittam tenet; quare iudicium rursus Lectoris esto, utrum Filia, cùm monumentum hoc patri extincto posuit, illique & inter statuas in summo Vase, & in operculi venatione, hîc tandem in Vasis ambitu primas quasi partes attribuit, ejus cineres in sepulcro condere, an potius voluerit memoriæ, ac nominis immortalitati providere.

(3) Non aliâ de causâ hic appositum *Saturnum* putamus esse, nisi quia ipse unus ex Diis communibus cuicumque genti haberetur. Pallio involutus est, illiusque dextero limbo suprâ sinistrum brachium projecto manu eâdem mentum fulcit genui quoque sinistro placidè innixus. Difficilius fortasse causâ excogitabitur, cur & alatus pingatur. Ait *M. Tullius de Nat. Deor. lib. 11. 25. Saturnum esse . . . qui cursum, & conversionem spatiorum, ac temporum contineret, qui Deus Gracæ id ipsum nomen habet; Κρόνος enim dicitur, qui est idem χρόνος, idest, spatium temporis.* Hæc Cicero. Videat nunc eruditus Lector, an, cum alatum *Saturnum* sculptor exhibuit, quoniam hic Deus

*cursum, & conversionem spatiorum, ac temporum continet*, aliquid etiam in corporis figurâ voluerit ipsi tribuere, quod *Tempori* quoque commune esse posset, alas scilicet, quas hic in vase *Saturno* dedit. Adhendum præterea censemus; *Etruscos* Diis alas persæpe tribuere consuevisse, ut videre est apud *Dempsterum* in *Etrur. Regali*, & *Gorium* in *Mus. Etr.*, & inferius *Tab. XIII.*, in quâ damus *pateram* cum *Cerere*, ut putamus, alatâ. *Soleatus* præterea Deus est, ubi tamen ad pedis collum habentæ confringuntur, ligule cujusdam indicium cernitur, cujus exemplum fortasse aliud non vidimus. Consule, quæ de *Macolnii* calcamentis sunt dicta *Tab. III. adnot. 3.*







# TABULA VIII.



Ltimam in Vasis gyro descriptæ Fabulæ partem *Tab. hâc VIII.* exhibemus. Postquam ad cæstum provocatis *Argonautis Pollux* certamen suscepit, victusque in pugnâ est *Amycus*, hunc a victore fuisse necatum colligimus ex *Apollonio*. Arbori itaque ægrum, languentemque victum provocatorem *Pollux* alligat, quorum uterque cæstibus <sup>(1)</sup> adhuc armatus conspicitur. Sublimis advolat armillata *Victoria* coronam dextrâ, finistrâ vittam <sup>(2)</sup> deferens, *Polluci* utique debita tamquam triumpho præmium. Ad *Amyci* pedes *mullei* sunt, eosque ad Regem credimus pertinere; ad arboris ipsius radices *Pollucis* jacere putamus *servum*, qui suo ipsomet pallio involutus finistrâ, cui vas suspensum habet, vittam, dextrâ *Pollucis* calceamenta, quæ forte *perones* <sup>(3)</sup> dixeris, tenet. Stans prætereà adest *Pallas*, *Apollo* sedens; hic nudus, crepidatus, gemmato torque suprà cubitum instructus, laureâ coronâ crines circumdatus dexterâ hastam tenet; coronata *Dea* quoque

(1) *Cæstum* exempla, præter pateram, quam damus *Tab. IX.*, alia nonnulla apud nos sunt præsertim in fictilibus *anaglyphis*, eademque fermè textura in omnibus apparet. Vide *Monfauconium*. Quod *Virgilius* ait *Æneid.* 5. *Daretis*, & *Entelli cæstus plumbo*, ferrogue *assuto* riguisse intelligendum censemus, bubalorum lora, ex quibus cæstus conficiebantur, ita texture illius nodis, ac flexibus duruisse, ut quasi plumbum, aut ferrum iisdem assutum foret, gravissimè membra contunderent. De his *Plinius*, *Tullius*, aliique. *Cæstum* inventorem fuisse hunc *Amycum*, de quo agimus, auctor est *Clemens Alexand.* Voluerunt

nonnulli *cæstum* esse genus quoddam veluti clavæ, cui pilæ plumbeæ loris appendenderentur; hi tamen viderint ne forte *cæstum* cum *plumbatis* confundant.

(2) Apud *Dempsterum in Etrur. Reg.* habemus, *Etruscos* iis, qui de hoste triumphassent, & *auream coronam*, & *vittam* dare consuevisse; quæ duo cum hic *Victoria Polluci* deferat, iterum *Etrusci* operis monumentum hoc esse affirmamus.

(3) Cum rudia hæc calceamenta, & crassioribus loris intexta nobis appareant, ea *perones*, militares scilicet *Pollucis* calceos esse dicimus. Vide *Tab. III. adnot. 3.*

que, *olivâ* potius, quàm lauro dixerim pexam comam adstricta, monile collo, Gorgonem in pectore, hastam finistrâ, armillam <sup>(4)</sup> in brachio gerit, nudis pedibus, traductoque a dextro latere super sinistrum brachium quodam quasi pallio, & hoc, & vestem singularem opere <sup>(5)</sup>, quodque in *Etruscis* monumentis invenitur, fimbriatam ostendit. Ultimus in *Tab. Argonautarum* est alter, qui hastæ innixus focii triumphum, atque *Amyci* sortem intentus adspectat.

(4) Vetusissimum fuisse *armillarum* usum, quibus brachia ornarentur, habemus ex sacris literis in Ezechiele 21. 14. *Tamquam armilla inposita brachio dextero*. Aureæ, ut plurimum, ipse erant, & solidæ; interdum tamen & textiles, & per fila contortæ. Ex *Livio* tamen colligimus fuisse etiam argenteas, & *Petronius* meminit ebori circuli in armillis, cui aurum inducebatur. In nostro *Museo* æreas armillas plures habemus, quæ suo loco publici juris fient. His dexterum brachium Antiqui ornabant, quare a *Latinis* non rarò *dextrale* sunt appellatæ. *Sabini* quidem finistrâ potius armillatâ incedebant, unde factum est, ut nonnulli, sed perperam iudicio nostro, armillas finistræ manus ornamentum esse judicaverint. Dum id asserimus, non negamus plurimos ex Antiquis utrumque brachium armillis ornasse; illud tantum statuere conati sumus, quod dexterum potius, quàm aut finistrum, aut utrumque armillâ innexum brachium ge-

stare, & honestius, & usitatius *Romanorum* temporibus haberetur. Earum usus solis civibus, teste *Plinio*, non autem externis, concedebatur; illaque, ut ait *Isidorus*, etiam militibus ob *armorum virtutem victoriæ causâ* conferebant. Suas etiam foemine armillas habuerunt, ac de iis meminerunt *Festus*, & *Capitolinus*; *Etruscos* tamen solis Deabus illas tribuisse affirmat *Dempsterus*. Cum ergo hic *Victoria* utroque brachio, *Pallas* finistrâ armillâ ornato conspiciantur, momentum alterum ceteris argumentis iudicamus accedere, quibus adducti ipso *Tab. I.* initio monumentum hoc totum *Etrusci* operis esse putare nos affirmavimus.

(5) Vestes huiusmodi operâ fimbriatas videre plures poterit *Eruditus Lector* in *Etruscorum* monumentis apud *Gorium* in *Mus. Etr.* Inferius *Tab. XIV.* ejusdem operis exemplum aliud exhibemus in nostri *Musei* paterâ, in quâ cum *Genio Peciali* *Minerva* est.


Arca. T. I.



Ignat. o. Benedetti sculp.

pag. 88.





# TABULA IX.



Na cum vase, quod jam edidimus, reperta hæc patera <sup>(1)</sup> fuit. Idem utriusque argumentum est, *Pollucis* nimirum cum *Amyco* pugna cæstibus commissa, nisi quod in Vase *Pollucis* victoria describitur, in paterâ pugnae præludium, & apparatus. De eâ *Theocritus* agit in *Dioscuris*, qui, quàm superbè *Amycus* *Pollucem* in *Bebryciam* appulsum ad pugnam illexerit, & quo proposito victoriæ præmio, pluribus narrat <sup>(2)</sup>. Significatum id videtur in hac paterâ, ac velut expressum ab artifice; stans enim *Pollux* indutis cæstibus <sup>(3)</sup> offerre se certamini ostenditur. *Amycus* contrâ sedens non sine contemptu hunc videtur intueri, immanis prorsus homo, &, ut ait *Theocritus*, silvis innatus, etsi *Orpheus* *Bebrycum* eum principem vocet. Idcirco *Diana*, quæ nemorum custos ab *Horatio* dicitur, eidem adstat, tamquam præsidio futura. Ut verò *Dianam* eam esse manifestius appareat, appositum *Lunæ* crescentis signum est, & nomen adjectum *LOSNA*, *intonfis* fortasse *Curibus*

(1) Scalptam in hac navim *Argo* esse scribit *Cl. Carli* in suo *de Argonautis opere*; at re vera hæc in Vase est, non in paterâ

(2) Meminit Poeta etiam fontis, a quo non longè jurgatus *Amycus* cum *Polluce* est. Hic fons in Vase *Tab. VI.* cernitur, apud quem etiam *Silenus*, ut silvestrem eum locum fuisse artifex innuat.

(3) De cæstibus dictum est *Tabula VIII.* Hi chirothecarum instar erant e crudi corii vittis intexti. Ne verò prolaberentur e manibus, aut, si arcibus adstricti essent, brachium læderent, alligari solebant propè cubitum suprà pellem ovinam quinque digitorum latitudine, quæ propterea *pendedaçtylos* dicebatur. Nodis quidem asperos cæstus fuisse omnes faterentur.

*Erez. Tom. I.*

tur; insui autem in eos ferrum etiam, aut plumbum consuevisse, quod de *Entelli* cæstibus affirmare videtur *Virgilius*, aliqui putant, alii contrâ negant; censent enim non de re ipsâ, sed de corii, nodorumque duritie, ac pondere, quæ ferrum, aut plumbum imitarentur, intelligendum id esse. Quod si tanta immanitas tribuenda est antiquis moribus, nec ab aliquo tantum ita pugnantium pari factum id velimus aliquando, videtur fortasse ab *Entello Dares*, ut de hoc potissimum loquar, uno ictu confici debuisse tam validis armis. At diù verberatum ab eo hunc *Amyci* nepotem legimus, & quidem utrâque manu, nec tamen interemptum, cum nihilominus *Entellus* idem paulo post uno ictu taurum occiderit.

*ribus* tribuendum, aut potius *Etruscis* <sup>(4)</sup>, æquè ac reliqua duo, quæ leguntur in hac paterâ *Poloces*, & *Amuces*. Illud dici verè potest, non leve antiquitatis indicium hæc nomina esse antiquis imaginibus inscripta, & ita inflexa.

II. Tria nobis occurrunt in hoc opere *Saltatorum* paria; his omnibus, communis est brevior tunica <sup>(5)</sup>, altèque fuccincta, idem fermè capitis integumentum <sup>(6)</sup>, una, eademque statur, & gestus ratio; cancellatis enim cruribus, & brachiis in tergum reiectis adspiciunt se mutuò, ita tamen ut se populo ostendere, antequàm ludum incipiant, videantur. Sed in hac paterâ illud magis præcipuum, quod clypei ad *Saltatorum* latera appositi sint: quare nihil humile, ac fractum cogitari de his debet, sed virile quiddam, & militare. Equidem ludicræ hujus pugnæ specimen, ad *Pyrrhicæ* saltationis genus arbitror pertinuisse; cum pugnæ similitudinem ita luderent in scænâ, ut inter saltandum modò se invicem aggrederentur, modò pedem referrent, intereà clypeos concuterent, & alterum alteri illiderent ad numerum, & pedum pulsum, ut quæ voluptas spectando capiebatur ad armorum tractationem per jocum, & risum juventutem incenderet.


(4) *Lobna*, civitas sacerdotalis fuit in *Tribu Juda*; *Lunam* autem significat. Si igitur verum est *Etruscos* a *Palestinis* genus ducere, ut scripsit *Cl. March. Masf.* fieri potest, ut, quod *Hebraicè* *Lobna*, id *Etruscè* *Lofna* diceretur unius literæ immutatione, sensu tamen eodem.

(5) In hac paterâ *Saltatorum* tunica latâ fasciâ prætexta ad oram est, in aliis non item.

(6) Pileus hic ad imam frontem depressus fasciâ concluditur in duos veluti circulos dispersitâ, quorum extrema conferuntur inter se suprâ tempora, & coeunt in nodum eleganter contortum. Non semel hic pileus deprehenditur in his pateris galeæ quidem similis, aut galericulo illi, quo utuntur modò cursores, lautique homines, cum iter effedâ vècti faciunt, quamquam in hac paterâ pileo *Phrygiæ* videtur similior.







# TABULA X.



*Ioscuros* hos esse cùm Stella <sup>(1)</sup> docet intermedia, tum *Cycnus* <sup>(2)</sup>, & pilei <sup>(3)</sup> genus. Cetera non ita propria, neque tamen eisdem contraria. Sunt, qui velint ambos *Jovis* <sup>(4)</sup> filios ex *Ledâ Tyndari* uxore, unde etiam dicti *Tyndaridæ*; contendunt alii solum *Pollucem* ex *Jove* natum, qui cum fratre ita partitus immortalitatem suam est, ut alternâ vice morerentur <sup>(5)</sup>, ac viverent. Diis tandem, ac fideribus <sup>(6)</sup> adscripti sunt, & navigationis <sup>(7)</sup>, ac rerum forensium <sup>(8)</sup> præfides habiti.

## II. Pru-

(1) In Zodiaci signum, quod *Gemini* dicitur, re-  
latos *Castorem*, & *Pollucem* antiquitas credidit: id in-  
nuit, ut opinor, patetæ stella; nomini autem, & fa-  
bulæ locum dedit stellarum, quibus hoc signum con-  
stat, conformatio, ita enim dispositæ sunt, ut ali-  
quam duorum adolescentium imaginem præferant.

(2) Ex ovo, quod *Leda* pepererat ex *Jove* in  
cycnum converso, nati *Pollux*, & *Helena*; ex alte-  
ro, quod eadem ex *Tyndaro* genuerat, *Castor*, & *Cly-  
temnestra*. Mira tamen in tam putido commento Scrip-  
torum discordia est, in quo pudet me immorari diu-  
tius. Vide *Natal. de Comit. Mythol. lib. 8.*

(3) Capite ita aperto etiam alibi reperiuntur *Dio-  
scuri*, idest *Jovis* filii, stella tamen non raro supra  
galeam, aut pileum appositâ, quod videre est in num-  
mis familie *Calpurnia*, & *Calvisia*; sive quod in si-  
gno *Geminorum* uterque stellam habeat in fronte se-  
cundæ magnitudinis, unde fortasse vocantur ab *Horat.*  
*lib. 1. od. 3. Fratres Helena lucida sidera*; sive quod  
obortâ tempestate appareant tamquam ignes navigan-  
tibus: de quibus infra dicemus.

(4) Ita scribunt *Homer. in Hymn. Theocrit. in  
Diofc.*, & *Horat. lib. 2. serm. 1. Castor gaudet equis*;  
ovo prognatus eodem *Pugnis*; id est, pugilatu. Con-  
trarium videtur opinari *Virgil. 6. Æneid. Si fratrem  
Pollux alternâ morte redemit, Itaque, reditque viam ro-  
ties*; *Pausan. in Arcadic.*, & quotquot communicatam  
a *Polluce* cum *Castore* immortalitatem commenti sunt:  
quid enim *Castori* opus fuit hoc fraterno munere, si  
& ipse *Jovis* filius erat, & proinde aequè immortalis?  
Utrumque tamen *Cicero* mortalem dicit *lib. 3. de Nat.  
Deor.*, ait enim: *Dioscuro apud Græcos multis modis  
nominantur. Primi tres, qui appellantur Anaces, Athe-  
nis ex Rege Jove antiquissimo, & Proserpinâ nati. Tu-  
toparius, Eubulæus, Dionysius. Secundi Jove tercio na-*

*ti ex Leda, Castor, & Pollux.* Secundam sententiam  
secutus videtur artifex in hac paterâ. *Cycnus* enim  
non medius inter duos, sed ante unius pedes accubat,  
certè *Pollucis*.

(5) Ait *Servius* huic fabulæ occasionem dedisse ipsam  
signi *Geminorum* naturam, quorum altero oriente alter  
occidit. At si quis reputet quid in stellis sit oriri, &  
occidere, id propter vicinitatem, & conjunctionem  
stellarum fieri in hoc signo non posse facillè intelliget.

(6) Affirmat id *Horat. 2. serm. sat. 1. & cum Ca-  
store Pollux . . . . . post ingentia facta Deorum in tem-  
pla recepti.* Inter hæc *Argonautica* expeditio scilicet  
fuit, in quâ *Pollux Anycum Bebryciorum Regem*, pu-  
gnâ cæstibus commissâ, interemit. *Theocr. in Diofc.*  
Nec hi tantum in sidera relati, sed cygni quoque for-  
ma, quâ decepta *Leda* est.

(7) Digressis a *Sigeo Argonautis*, obortâque tem-  
pestate singulæ suprà *Pollucis*, & *Castoris* caput, qui  
unâ solverant, (*Castorem* abuisse quidam putant)  
flammule apparuerunt, nec ita multo post tranquilli-  
tas consecuta. Hæ, quæ si geminæ apparerent, boni  
ominis erant, secus verò, si una tantum, *Pollucis*  
ignes, & *Castoris* dictæ olim sunt; *Sanctorum Nico-  
lai, & Hermi* nunc vulgò vocantur a nautis. Sed  
horum ignium ratio, quos adeo mirata antiquitas est,  
non aliunde quàm ab ipsa rerum natura videtur peten-  
da. Cum enim vapor, quem *electricum* vocant, ab eo  
corpore, ubi copiosior fuerit, (non enim eadem men-  
surâ est in omnibus) ultrò feratur in aliud, quod eo sit  
egentius, (æquilibrium enim querit); idcirco fit, ut  
si procellæ tempore nubes, quæ navigio imminet, eo  
careant, ab ipso mari, viciniquæ corporibus furium  
ad easdem ascendat; ubi verò ad summam antennam,  
siquidem illis adhaereat, aut ad carchesium pervene-  
rit, ibi magis collectus lucem suam, tenuem illam  
quidem.



II. Prudentem *Uliſſem* fuiſſe, ſed ſubdolum<sup>(9)</sup> Scriptores prodiderunt. Id, ut puto, innuit pateræ artifex angue<sup>(10)</sup> eidem appoſito, & *Palamede*<sup>(11)</sup> ſupplicis habitu<sup>(12)</sup>. Tertium, cui æquè ac *Uliſſi* palliolum ante collum globulo<sup>(13)</sup> adſtringitur, *Diomedem* eſſe ſuſpicor, aut potius *Calchantem*<sup>(14)</sup>.

quidem, & ceruleam prodit, ac ſtammam innocuam. Ita explicari poſſe arbitror, quod *Diſcuris* accidiſſe dicitur in expeditione *Argonauticâ*; ita, quod *Lavinia* Latini Regis filia apud *Virgilium*, & *Vigiſibus Romanis* apud *Plinium*, quorum ardere aliquando galearum apices viſi ſunt, & ferrum haſtarum.

(8) *Cicero* 7. *Verr. Uſque omnium rerum forenſium, conſiliorum maximorum, legum, iudiciorumque arbitri, & teſtes celeberrimi in loco Pratorii locati Caſtor, & Pollux*. His adificatum *Roma* templum eſt ad lacum *Juthurnæ*, quod adoleſcentes duo viſi in eo fuiſſent equos ſudore madidos abluentes eo die, quo pugnatum contra *Tarquinios* ad lacum *Regillum* fuit, qui & victoriam nunciaverunt; habuit proinde *Diſcuri*. Addo feminas per hos jurare ſolitas, *Pol, Adepol, Caſtor, Mecæſtor*; quod idem eſt ac per *Pollucem*, per eadem *Pollucis* &c. *Plaut. Terent.* aliquando etiam mares, ut inſanus ille apud *Horat. Pol, me occidiſſis amici, non ſervaviſti, ait*.

(9) Habemus apud *Horat.* 1. ep. 2. *Quid virtus, & quid Sapiencia poſſit . . . . Vile propoſuit nobis exemplar Uliſſem*; at non, ut cenſeo, in omnibus imitandum, cum virtus, & ſapientia in hoc homine ad calliditatem, & dolos deſlexerint; itaque *Horat. Carm.* 1. od. 6. duplicem cum vocat, aliud nimirum loquentem, aliud ſentientem; *Homerus* autem verſutum, ac ſubdolum. Multo acrius eundem carpit *Virgilius*, cum pella-cem, ſeu blanditiis, & fraudibus decipientem, durum, & ſclerum inventorem appellat. Scio ita dici a *Simone*, & *Aeneas*; ſed non ita fabulatus eſſet *Virgilius*, ſi ſpectatâ famâ, quæ de eo antiquitus percrebuerat, hæc in *Uliſſem* cadere non potuiſſent.

(10) Anguem *Cancer*, quem pro amicitia ſepe munerat, ut ab aſtutiâ, malitiâque diſcederet, quod nihilo melior factus eſſet, dormientem occidit; cum autem ſpiris reſolutis, & in longum porrectum videret, oportebat, inquit, *te ita fuiſſe, dum viveres. Aſop. 70.* Eſt autem anguis prudentiæ, & calliditatis ſymbolum.

(13) *Palamedes Nauplii Eubeæ* Regis filius cum *Uliſſem* arantem in litore, & ſal pro tritico ſerentem animadverteret, ſimulabat enim inſaniam, ne proficiſceretur ad bellum *Trojanum*, *Telemachum* ejus filium in arenâ, in quâ ducendus ſulcus erat, tamquam caſu reclinavit; quo viſo pater aratrum continuit, ne


puerum proſcinderet. Hinc acerbè *Palamedem* odiſſe *Uliſſes* cepit, coactus enim eſt arma capere. Ita *Higinus*. Contra *Cic.* 3. *Offic.* apud *Homerum* optimi auctorem nulla de *Uliſſe* talis ſuſpicio eſt, ſed inſimulant cum *Tragediæ* ſimulaculo inſaniæ militiam ſubterfugere voluiſſe. Alteram odii cauſam, quæ *Diomedem* etiam incendiit in *Palamedem*, invidiæ tribuit *Dio Chryſoſt.*, quod ille plaris fieret a *Græcis* propter morum honeſtatem, multanque doctrinam; quatuor enim literas addidiſſe fertur alphabeto *Græco*, pluraque alia, quæ ad ludos, & pondera, quæ ad *Aſtronomiam*, & militarem diſciplinam pertinent, præclare excogitaſſe: id illi ferre nullo modo poterant, ut ait etiam *Dyctis Cretenſis*. Quod verò hic addit, adductum *Palamedem* ut in puteum deſcenderet effodiendi theſauri cauſâ, ibique magnâ vi lapidum coniectâ interemptum fuiſſe, id anilibus fabellis libenter adnumeravimus. Illud verofiſſimum mihi videtur, quod *Homeri*, *Virgiliique* interpretes ſcribunt, eo proditiſſis accuſato, & adulterinis *Priami* literis palam recitatis, quibus Rex gratias ei agebat, quod aurum clam miſſum accepiſſet, *Uliſſem* ſimulato *Palamedis* patrociniſmo adverſatum his literis fuiſſe, cum diceret, credendum illis non eſſe, aurum potius quarrendum, ſi quod occultaretur in ejus tentorio: quo reperto, ſurtim enim ibidem inſodiendum *Uliſſes* curaverat, *Palamedem* lapidibus obrutum fuiſſe.

(12) Abjicere ſe ad pedes, & in genua provolvimos fuit ſupplicantium. Ita *Cicero* factum narrat a *C. Marcello* cum pro Fratre *Cæſari* ſupplicaret *lib.* 4. ad *Sulpit.* ep. 10. Etiam eorum aliquando, qui interficiendi jam erant. Vide *Tab.* 130. 135. 141. 142. *T. 1. Muſ. Etr.*

(13) Palliolum ad collum ita alligatum, & opere *Phrygio* circumtextum frequenter occurrit in *Etruſcorum* monumentis. Vide *Muſ. Etr.* & *Tabulas ſuperiores* hujus *T. m.*

(14) Inſentum *Palamedi* *Diomedem* fuiſſe habemus ex *Homero*, & *Dione*; fieri igitur potuit, ut hic etiam unâ cum *Uliſſe* tueri ſe *Palamedem* velle ſimularet, cum proderet. Sed hæc duorum adverſariorum deſenſio ſuſpicionem aſſerre meritò potuit; quare *Calchantem* potius puto adeſſe *Uliſſi* in hac paterâ ad fraudem faciendam.







# TABULA XL



Aptum in hac paterâ repræsentari fœminæ alicujus putat *Cl. Chausæus*, & ut ait fortasse *Helenæ*<sup>(1)</sup>. Lautâ quidem tunica est, & ejusmodi palliolum<sup>(2)</sup>, quod mulierem primariam deceat; sed ne de raptu cogitem, is maximè facit, quem ad mulierem abducendam accedere *Chausæus* arbitratur; feminudus<sup>(3)</sup> enim est, & inermis, & admodum adolescens; ad hæc supplici habitu, ac vultu: quæ omnia opem implorantis potius, quàm scelus meditantis indicia præbent. Opinor itaque *Astyanactem* hunc esse, qui matrem pavidus adit, ut ab *Ulyssis* eripiat infidiis. Congruit pueri ætas<sup>(4)</sup>; congruit & mulieris, quam *Andromachen* puto esse, trepidus in omnem partem oculorum conjectus, quo enim hæc studio filii salutem defenderit, quo verò astu eundem *Ulysses* ad necem quæsierit, omnes norunt.

II. *Pan* idem est, ac *Totum*, seu rerum universitas *Orpheo* teste; idem quoque ac femivir<sup>(5)</sup>, qui supernâ cor-

(1) Museum Romanum, quod *Chausæus* publici juris fecerat, novis monumentis additis, & hac paterâ locupletatum iterum edidit, quæ proinde in hac secunda editione quaerenda est.

(2) Pallium a feminis quoque aliquando usurpatum nemo ignorat; ita verò adhibitum, ut docemur hac paterâ, alibi me vidisse non memini. Exoticum itaque morem, ac barbarum videtur ostendere, præsertim cum textu Phrygiæ ad oras circumornatum sit.

(3) E fasciâ, quâ unâ tamquam subligari obtegitur adolescens, extare quiddam videtur peræ simile. Hæc mendicabulorum propria fuit, aut etiam Philosophorum. Vide *Lucian. de Menippo in Dial.* Sed verius puto *Zonæ* plexum eum esse peræ similitudinem casu referentem.

(4) Qui *Homero Iliad. 6.* studuerit, ut objiciat, e cunis raptum ad mortem *Astyanactem* fuisse, studeat etiam *Seneca in Troade*, ubi de eodem *Astyanacte Andromacha. T. I.*

*cha: Hos vultus meus habebat Hector: talis incessu fuit, habituque talis: sic tulit fortes manus: sic celsus humeris: fronte sic torvâ minax.* Hæc in infantem fasciis involutum non cadunt. Adeat quoque *Virgilium in. 3. Æneid.*, ubi *Andromacha de Astyanacte ad Ascanium: Et nunc equali tecum pubesceret ævo.* Num *Ascanius* quoque *Trojâ* excessit cum patre fasciis obstrictus? Atqui si *Ruai* chronologiam non negligimus, ita fieri necesse fuit; de quo tamen *Ascanio* eâ ipsâ nocte, quâ *Troja* capta est, fugienti dicitur *Æneid. 2. sequiturque patrem non passibus æquis.*

(5) Et si caprinâ formâ, & aspectu Veteres *Pana* descripserint, non hujusmodi tamen eum esse censuerunt, sed Diis ceteris similem, ut ait *Herodot. in Euterpe*. Quin habitus idem est ac *Juppiter Lycæus*, quem *Panis* in morem hispidum, nec tamen sine fulmine, rustici colebant. Hujus duo sunt apud nos signa ærea sanè præclara.

corporis parte, prolixâ nimirum barbâ, capilloque, Solis radios, lucisque effusionem referret; inferiori verò prorsus agresti, caprinâque<sup>(6)</sup> stirpes, & pecudes imitaretur. Ex hujusmodi notis *Pana* in hac paterâ mihi videor agnoscere, quem cum *Herodoto*, & *Homerò* scribit *Lucianus Mercurii* filium fuisse; mirum itaque non est, si *lyram*<sup>(7)</sup> hic tractet, præsertim si, quæ propè illum est, *Syrinx*<sup>(8)</sup> putanda sit, nondum enim hæc conversa in calamum fuerat, ex quo deinde fistulam *Pan*<sup>(1)</sup> confecit.

(6) *Pana* Etruscum, de quo hic agimus, negat *Cl. Gorius* hircinis fuisse pedibus; quod Etrusci Deos, quos colerent, ita dehonere noluerint; cornua tamen, quasi quiddam ea essent honestius, in eodem agnoscit, *Panis* signo quodam, ut id probet, allato *Tab. 63. Mus. Etr.*, in quo tamen fatetur occultata ea esse mirò artificio, & aures videri potius, quàm cornua. At nisi me fallunt oculi, aures videntur, quia re vera aures sunt, ut patebit insipienti. Verùm hæc *Gorii* opinio refellitur ab hac paterâ, siquidem putat *Pana* Etruscum sine cruribus, aut pedibus humanis numquam inveniri; sin autem id sentit, ex his notis, quæ *Pani*, aut alteri cuiquam Deorum congruunt, aliquam in eorum simulacris nonnumquam omitti, aliquam apponi aliquando præter morem nobis cognitum, non dissentiam; utriusque enim rei hujus exempla habemus in his pateris. Ceterum non ita religiosos fuisse Etruscos arbitror, ut crimini sibi verterent, si Deos silvestres hircinis aliquando pedibus fingerent, qui caudam ipsam tribuerent, præsertim si *Panos* formam, & cultum ab Ægyptiis accepere, ut opinari videtur *Gorius*, apud quos *Pan Mendes* vocabatur, quæ vox idem sonat, ac *hircum*. Id ipsum autem indicio mihi est *Pana* hunc esse, de quo loquimur, quod cum humanis pedibus *Faunos*, *Satyrosque* Etrusci ut plurimum sinxerint, huic ungulam hircinam, & bisidam tribuerint tamquam *Panis* notam præcipuam, caudam verò equinam, capillosque jubæ instar effusos, ut patrium morem ferrent; semiseros enim hujusmodi equi potius, quàm hirci similitudinem referre voluerunt.

(7) Quid *Pani* cum *lyrà*, inquit aliquis? Ego verò alienam non esse arbitror a filio *Mercurii*, præsertim *tetrachordon*, qualem hic idem Deus invenit, quandoquidem parentum artes, & studia sequi liberi consueverunt. Scio *Pana* fistulæ repertorem fuisse, non prius tamen, quàm *Syrinx* Nympha conversa in eam est, quam cum alloquitur in hac paterâ, eademque *lyrà* sono blanditur, evincitur profectò illum ante fistulam inventam paternæ hujus artis expertem apud Etruscos non habitum. Innuit id ipsum, ut reor, *Pausanias* in *Arcad.*, ait enim, in *Parthenio monte*,


ubi *Panos* delubrum fuit, testudines fuisse *lyris* consuevis maxime idoneas, a quibus tamen incolæ abstinerent, quod putarent *Pani* sacras eas esse. Quorum autem hæc religio, si *lyra Pani* curæ non fuisset, præsertim qui Musicus esset, & Baccho chorum duceret? Parum autem fuisset Musicus, si tantum fistulâ cecinisset.

(8) *Syrinx* cum amaretur a *Pane*, eaque hunc fugeret, conversa apud *Ladonem* fluvium in calamos palustres est, quos ille primùm singulares, mox septenos cerâ conjunctos inflando apud Pastores, & Menades plurimum inclauit. Hæc referri ab hujus pateræ Nymphâ mihi dubium non est; oculi enim, gestus, incessus *Pana* averfantis mirificè conveniunt cum fabulâ, quam narrat *Ovidius Metamorph. lib. 1.*

(9) Bacchi socium, & consiliorum arbitrum in *dial. Luciani* *Pan* se proficitur *Mercurio*. Hanc inter utrumque conjunctionem ostendi arbitror ab artifice *Tigri* supra *Panos* caput calatâ, paterâque pampinis, & uvæ racemis circumdatâ. Auxilio præterea Atheniensibus se ait fuisse in pugna *Marathonia*, & ab iis tamquam donum militare antrum accepisse, quod sub arce erat; ideo cultus ab iisdem & amicus quibuscumque sacris, & ludis æquè ac, *Minerva*, & *Prometheus*, quos qui peragerent, lychnum, ut *Aristophanes* ait, seu facem gestantes currebant per urbem, hac tamen lege, ut ii victores prædicarentur, qui eam ad propositum usque terminum inextinctam tulissent. *Herodot. lib. 8.* Est apud nos lucerna scitilis sanè præclara, in quâ eques *lychnophorus* concito cursu hunc ludum exercet. Primi tamen omnium, *Herodoto* teste, Athenienses *Pana* coluerunt, deinde *Arcades*, postremò *Romani* Lupercalibus in ejus honorem institutis. Addam hoc loco, quod narrat *Plutarch. in comment. de Oracul. defectu*; *Thannum* quemdam Ægyptium, cum vela faceret in mari *Achaico*, voce incertum unde emissâ, rev fuisse admonitum ut terram reversus inclanaret, *Pana* Magnum obisset; quod cum is fecisset, ingentes statim in mari genitus, & ejulatus esse consecutus. Id referunt aliqui ad sanctissimi Reparatoris nostri mortem, quæ per eos dies acciderat *Tiberio Principe*, & quæ *Ethnicæ* superstitioni, malorumque *Dæmonum* imperio finem attulerat.







# TABULA XII



Uod ænigmati simile cælavit artifex in hac paterâ duabus adjectis extra circulum *Sphingibus*, ut rei propositæ obscuritatem <sup>(1)</sup> indicaret, id nobis *Plato* interpretabitur, quemadmodum *Oedipus* olim primæ illius *Sphingis* <sup>(2)</sup> ænigma *Thebanis* <sup>(3)</sup> explicuit. Hic hominis vitam bigis comparans <sup>(4)</sup>, aurigam quidem statuit *Jovem* a quo, ejusque ministris, *Diis* scilicet, & *Dæmonibus*, animi principia, seu vires ad agendum incitantur; ex duobus autem equis alterum bonum ait esse, alterum malum, & ad terram vergentem; quibus verbis id, opinor, significat, foveri quidem hominem Numinis auxilio, & ad virtutem excitari: quod verò præditus idem ratione fit, quâ sursum erigitur, nec sensibus careat, quibus ad terram deprimitur, ideo fieri, ut non nisi gravatè, & laboriosè provehatur. Id pateræ artifex ut explicatius ostenderet, *Spectra* <sup>(5)</sup>, equis currenti-

(1) Obscura fuit *Ægyptiorum* theologia, quod & per symbola traderetur, & variis constaret, discordibusque Scriptorum commentis: idcirco ante eorum *Templa Sphingis* apponi consueverunt. *Coelius Rhodiginus* T. I. pag. 347.

(2) *Sphinx* monstrum fuit *Typhone* natum, & *Echidna*, ut ait *Hyginus* c. 131. e *simiarum* autem genere, ut scribit *Diodorus*, nec formâ ab eâ, quæ pingi solet, diversâ, faciem enim puellæ habuit, alas avium, reliqua canis. *Sphinges* in pateris nunc primum vidi.

(3) Propè *Thebas* hoc monstrum confedis fabulantur in saxo, quod viæ immineret, ex quo transeuntes aggrediebatur. Civibus tanti mali finem querentibus *Apollo* respondit, non prius factum iri, quam ænigma explicaretur, quod *Sphinx* proposuisset. Hoc autem ejusmodi fuit: Quidnam illud esset, quod primo quadrupes, deinde bipes, postremò tripes incederet? *Oedipus*, qui præmiorum spe adductus ad *Sphingem* accesserat, statim reposuit; hominem esse, qui infans manibus reptat, & pedibus; cum adoleverit,

pedibus tantum graditur; ubi verò senuerit, pedibus, & baculo. His auditis *Sphinx* se præcipitem saxo dejecit.

(4) Pluribus hanc allegoriam *Plato* prosequitur in *Phædro*, quâ Deos etiam complectitur, ait enim; *Deorum equi boni sunt, aliorum promiscui*. Hanc autem asserti rationem, quod illi facillè incedant æquis librati ponderibus, & frænorum ductum sequantur, non ita verò qui sunt hominum; gravatur enim, inquit, equus pravitatis particeps ad terram vergens, & ipso pondere inclinans. Dixit autem prius, equorum alter bonus, & pulcher, & ex talibus constans; alter contrarius, & ex contrariis; quò fit, ut & gravis, & difficilis sit vectura nostra.

(5) Metu, & voluptate a recto virtutis cursu facillè abduci, aut retardari consuevimus; quod utrumque ostendi opinor a duobus hujus pateræ spectris, conformata enim ita sunt, ut alterum leni, & imberbi vultu insidias struere, alterum gravi, & virili aspectu, sed monstroso prorsus reliquo corpore, perterrefacere videatur, Rectè igitur sessor elatum illi

rentibus utrinque adjunxit, quæ nisi animus ( sic enim fessorem interpretor ) strenuè vicerit, nec fidem, prudentiam, & sapientiam vitæ duces, & comites habuerit, quas *Canis* innuit, *Serpens*, & *Noctua*, frustra cucurrerit, aut coronam speraverit, quam *Genius* <sup>(6)</sup> ponè volans ostentat.

II. Est apud *Ovidium* epistola *Oenones* ad *Paridem*. Hic cum eâ in *Idâ* consueverat <sup>(7)</sup>, a quâ didicit etiam, fatidica enim fuisse fertur, si in *Græciam* navigaret, patriæ incendium secum inde <sup>(8)</sup> relaturum. Jam verò, qui primo loco affidet, *Paridem* esse nemo negaverit, siquidem pileum inspexerit, juvenilem vultum, & reliquam corporis habitudinem, quâ vulgò *Paris* ab Antiquis describitur. Hæc in *Æneam* non cadunt, si quis de eo, aut de *Sibyllâ* cogitet hoc loco. *Phrygem* item dixerim, qui sedet ex adverso, sed *Paridis* assecclam, amictu enim penè fœmineo est; breviori <sup>(9)</sup> certè, quàm qui generosum virum deceat. Cum igitur *Paridis* cum *Oenone* familiaritas nota Antiquis fuerit, ut habemus ex *Dicty*, & *Ovidio*; incendium verò *Trojæ*, & quæ de eo fuerant vaticinia tam pervulgata essent omnibus, cur opinari non possimus, *Oenonem* <sup>(10)</sup> ad *Paridis* colloquium adeuntem potius, illumque a transitu in *Græciam* deterrentem significari nobis hac paterâ?

illi flagellum intentat, & averfatur, hoc parvi facit, & præterit.

(6) *Genium* sine alis præsertim volantem notatu dignum puto; nec enim in antiquis monumentis hujus rei exempla facillè occurrent.

(7) Pastor habitus in *Ida* monte *Paris* tamdiu est, donec in agonali certamine superato *Hectore*, & ob id gladio ab eodem irato petitus, aperuit, quinam esset, probavitque oblati crepundiis, cum quibus exponendus *Priami* imperio traditus *Archelao* servo fuerat.

(8) Accidit id quidem, sed non *Helenæ* culpâ, ut scribit *Herodotus*; viro enim absente veniens in-


*Græciam Paris Spartam* vi cepit, *Helenamque*, cujus amore incensus fuerat, invitam, ac reluctantem secum abduxit; idcirco post *Trojæ* excidium recepta a *Menelao* est.

(9) Vestem adeo brevem adhibebant quidem etiam mulieres, sed interiori, talarique tunicâ superinductam, solam verò numquam. Id ipsum videre est in figura, quæ propior est *Paridi*, & quam *Oenonem* putamus.

(10) *Calendri Phrygii* genus puto, non cassidem, quidquid illud est, quo *Oenones* socia caput tegit, etiam accedat ad aliquam cassidis similitudinem.







# TABULA XIII.



Edentem *Jovem*, & nubibus<sup>(1)</sup> circumdatum stantes medium tenent *Juno*, & *Hercules*. Quot ea laboribus hunc, quamdiù vixit, exercuerit, manifestius est, quàm ut commemorari oporteat hoc loco. Deposita tandem simul-

tas omnis fuit, postquàm *Hercules* in *Oeta* conflagravit, & inter Deos<sup>(2)</sup> receptus est. Hunc reditum amborum in gratiam docemur hac paterâ; quod ipsum significat olivæ ramus, quem *Juno* manu tenet. Sed ad antiquitatis testimonium notanda multò magis vocum inflexio, & characterum forma, quâ suum cuique nomen tribus his Diis inscribitur, nam, præterquamquod eorum ductus ad *Etruscorum* rationem accedit, *Herceles* non *Hercules*, *Jovei* non *Juppiter* legitur patrio etiam casu, antiquo sanè more. Ad imum præterea *Jovis* tribunal *Terminus*<sup>(3)</sup> ex unâ parte, calathum, seu modium<sup>(4)</sup> capite præferentem, ex alterâ *Priapum* appositos cernimus, vetustissimos scilicet *Ethnicorum* Deos.

## II. De

(1) *Jovem* *Homerus* Νεφεληγερέτην appellat, quod nubes suscitet, & quoquoersus impellat. Cum autem *Juppiter* idem etiam ac aer apud *Mythologos* sit, appositè illius caput in hac paterâ nubes circumvolitant.

(2) Consentit cum hac paterâ marmor titulo: Αἰδῶναυσις τῷ Ἡρακλῆϊ, & ejusdem laboribus græcè inscriptis eximium, quod egregiè interpretatus est *Ribui P. Eduardus Coryni*; ubi in Deorum cœtu intrâ leoninam pellem sculpto *Hercules* unâ cum *Hebe*, aliisque assidens cernitur.

(3) Magno apud Veteres in honore *Terminus* fuit, cui proinde sacrificare mortis erat, ut liquet ex *Horatio*: non agnâ festis caisâ terminalibus, & coronas apponere, ut in hac paterâ esse factum videmus. Scimus autem hunc nec *Jovi Capitolino* loco cedere voluisse.

(4) *Modius* insigne apud *Aegyptios Serapidis* fuit. Quod verò communicatum cum aliis etiam Diis sit, *Aëra. T. I.*

aut principibus viris, vel foeminis; putat *C. Bonarotius* in suo de Nummis maximi moduli opere, veterum Deorum simulacra lapides fuisse *Terminorum* instar in planum exectos in summo; ad eorum autem similitudinem alia deinde subsecutis temporibus facta esse, capite quidem diligentius expresso, sed complanato vertice, ut *tutulum*, *modium*, aut quidpiam hujusmodi impositum sustinerent ornatûs gratiâ. Cum verò agamus de *Termino*, hunc autem sciamus post ejectionem e Cœlo *Saturnum* in terras delapsum, ipsumque Pastorum, & Agricolarum de pascuis, & agris rixantium dissidia sustulisse, quidni conjici etiam possit *calathus* ab iisdem ornatum, vel *modio*, ut pace constitutâ frugum ei copiam referrent acceptam? Unus ex his apud nos est æreus, quatuor circiter unciarum cum *modio*; quæ quidem monumenta *area* non facile reperiuntur.



II. De *Vulcano*<sup>(5)</sup>, & *Minervâ* hîc agi fufpîcor cùm e diademate alterius, & chlamyde poft humeros rejeâ, cæteroquin nudi Heroum more, aut Deorum, tùm ex alterius armillâ, & amiâtu<sup>(6)</sup>. Gefus deinde viri quidem indignantis, reluctantis verò mulieris<sup>(7)</sup> confentire videtur cum fabulâ de *Vulcani*, & *Minervæ*<sup>(8)</sup> certamine, quòd hæc ei nubere recufaret. Poftremò angues, quos artifex<sup>(9)</sup> pateræ fubdidit, aliquid de *Erichtonio*<sup>(10)</sup> videntur innuere, qui ex eâ difcordiâ natus eft ferpentinis pedibus. Hæc cum fint, moveor, in re maximè obfcurâ, cujufmodi pleraque paterarum argumenta effe folent, ut id fentiam, quod initio propofui.

(5) Novum videri non debet, fi *Vulcanus* hoc loco fine forcipe, aut malleo, *Minerva* autem fine cafide, & haftâ proponitur. Hæc id genus insignibus caret etiam *Tob. XVII. & XVIII.*; in iisdem verò *Mercurius* talaribus, & petafis. Præterea fi tempus fpectetur, & id, quod fibi propofuerat *Vulcanus*, in neutro hæ notæ opus fuerunt.

(6) Præter faciam capiti circumduâam, quæ dignitatis fignum fuit, & imperii, notandum in hac muliere genus veftis eft, quæ alibi non facilè occurrerit; poftrema enim ejus pars concitâ in finis eft undarum inftar e mari leniter affurgentium, quos ambit tenia per circuitum affuta. Nec omittendæ manice funt, quarum quæ dextero cubito adstringitur, ita defluit, & definit in acumen, quemadmodum eas Itale olim matronæ geftare confueverant, tenuiffimis filis lincis acu, & opere Belgico intextis elaboratas.


(7) Quod mulier elata manu tenet, non arbitror bacillos effe, quibus, crotalorum inftar, inter fe collifis fonus edebatur, fed quiddam artificis ofcitantia, aut temporis injuriâ non fatis perfpicuum, ut de eo fieri judicium poffit.

(8) *Jovem* ajunt, quòd Diis contra *Gigantes Vulcanus* arma miniftraverat, nihil illi fe negaturum fuiſe pollicitum: eo *Minervæ* nuptias petente, *Jovem* quidem annuiſſe, juraverat enim per *palladem Strygiam*; *Minervam* tamen clam monuiſſe, ut reluctaretur, & nemini nuberet. Hinc inter hanc, & *Vulcanum* difcordia, novaque turpiſſimè fabulandi *Græcis* occaſio.

(9) In aliquibus hujus opusculi pateris fepe quædam animadverti, quæ non temerè videantur appoſita, fed ut indicio ſint, quid in argumentis earum interpretandis ſequi debeamus. Patera, ubi de *Bac-*


*chi*, & *Ariadne* nuptiis agi conjecimus, hederâ circumornata eft, quæ huic Deo ſacra fuit. Quæ diximus in aliâ de *Syringe*, & *Pane Bacchi* ſocio, innui videntur a *Tygre*, & uvæ racemis ibidem per gyrum adjectis. Alibi *Minervam* accepimus ex *Nat. de Comit. pag. 162.* pro ære, præſertim verno; at flores non defunt, qui, ut id oftendant, pateram circumſepiunt. Altera eft duobus inſignis equis decurrentibus uno ſeſſore, aliſque pluribus additamentis, quæ videri poſſunt ſuo loco. At *Sphingis* duæ, quas artifex patera gyro ſuppoſuit, facilè oftendunt, ænigma id eſſe, nec hiftoriæ, ſed allegoriæ ope ſolvendum, ut fecimus. Dicit aliquis; iſta ſigna ita congruunt, quia pateras interpretatus ita es. At niſi interpretatus ita eſſem, iſta ſigna non ita congruerent, ſed interpretationem ipſam reſellerent. Redeo ad pateram, quam habemus præ manibus. Angues duo implexi, averſis tamen capitibus, difcors profectò conjugium, cujus cæteroquin Symbolum ſunt, apertè nobis ſignificant, nec abludunt ab *Erichtonio*.

(10) Hunc *Minervæ* recens natum ciſtâ incluſum, *Aglauro*, *Heſæ*, & *Pandoro* ſororibus cuſtodiendum tradidit, admonitis tamen, ne ciſtân recluderent, & quid in eâ aſſervaretur, curioſius inſpicerent. Sed, cum primæ duæ mandatum hoc neglexiſſent, viſo *Erichtonio* in furorem ſtatim ita actæ ſunt, ut ex altifſimo arcis loco ſe præcipientes dederint, ut ait *Pauſan. in Attic.* Idem cum adoleviſſet quartus *Athenarum*, Rex fuit, & *Panathenææ* in *Minervæ* honorem inſtituit; *Apollod. 1. c. 3.* eſſi non deſint, qui factum id velint a *Theſeo*. Dicitur etiam primus quadrigas excogitaſſe ad occultandam pedum turpitudinem, ut ſcribit *Virgilius 3. Georgic. Præſens Erichtonius curruſ, & quatuor auſus Jungere equos &c.*



Area T.I.

Jon. Bonadelli Sculp.





# TABULA XIV.



Utat *Cl. Gorius* in suo Museo, ubi de hac paterâ loquitur <sup>(1)</sup>, in quâ scriptum Etruscè est *Menrea*, & *Lasa Fecu*, adolescentem, qui est ante *Palladem Genium* esse *Fecialem*, adductus opinor eâ vocum affinitate, quæ est inter *Fecu*, & *Fecialem*. At, si hac ducimur, fallax interpretandi genus sequemur, præsertim in idiomate, in quo non ex nominibus figuras, sed ex figuris nomina, & eorum significationem conjicere oportet. Unde autem præterea novimus *Fecu* idem esse, ac *Fecialem*, aut *Genium* Etruscè *Lasa* dici? Alatum brevi tunicâ, succinctâque juvenem video, monili, & armillis, bacchatisque <sup>(2)</sup> spectandum inauribus, qui *Minervæ* florem nescio quem, lilio, ut videtur, nondum florescenti similem offert. Hæc utrum sint *Fecialis* insignia, ut saltem ex his *Etrusci* nominis sensum possimus conjicere, alii viderint. *Minervam* quidem foemineis omnibus munditiis æquè, ac militari ornatu, quantum Veteres ei solent tribuere, insignem aspiciamus, & ob id ipsum fortasse idoneam, quam *Genius Fecialis* conveniat; præsertim cum bonarum artium Dea sit, ac proinde pacis etiam, & fœderum. Quare, si cui *Gorii* sententia probabitur, equidem re-

pugna-

(1) Pulcherrimæ hujus pateræ exemplum jampridem acceperat *Gorius* a *Dom. Gregorio March. Capponio Forerio Pontificio Majori*, qui eam cum reliquo suo Museo postremis tabulis *Kirkeriano* legavit an. 1746. Viri beneficentissimi mentionem grati animi, & æter-

næ memoriæ causâ facimus paucis hoc loco, impensius idem ubique facturi, quamdiu erimus.

(2) Inaures ab hominibus usurpatas rarò animadvertimus in veterum monumentis. Hæc, etsi levia videantur, plurimum profunt, si adnotentur.

pugnare non aufim : sed in re dubiâ , incertâque ut aliquid de meo addam , æquè tamen incertum , & dubium , animadvertendum existimo , *Minervam* non in solo <sup>(3)</sup> ut alatum adolescentem , consistere , sed insidere aeri <sup>(4)</sup> , a quo circumfunditur , sua levitate suspensam . Jam verò , pro aere ipso *Minervam* a *Mythologis* fumi , aeris autem magnam vim esse , & necessariam omnibus , qui vivunt , & augescunt , nemo ignorat . Id igitur suspicor *Etruscos* innuere nobis hac paterâ voluisse : & quoniam aer vere est ad amœnitatem , & ad stirpes fovendas accomodatior , id ipsum ostendi puto tunicâ <sup>(5)</sup> *Minervæ* stellulis , seu potius flosculis pictâ , & vase illo pateræ appposito , ex quo præter rosas supernè erumpentes duo utrinque germina prodeunt , quæ invicem innexa pateram ambiunt , & in florem satis amplum definunt . Quod ad alatum adolescentem pertinet , eum Deæ ministrum esse censeo , seu ipsam vim aeris , celerem , & expeditam , cujus ope flores proveniunt , & germina .

II. Saltatores <sup>(6)</sup> , ut opinor , hi sunt , qui prodeunt in scenam brevi tunicâ , eâque altius præcinctâ , nec sine reliquo ornatu <sup>(7)</sup> , quo id genus homines utebantur in *Etruriâ* .

(3) Areæ crassitudo , cui alatus adolescens insidet , prætexta est opere quodam veluti vimineo , instar cistarum nostratum ; id ornatus dumtaxat gratiâ factum existimo .


(4) Deos , aut Deas in aere sedentes non faciliè ostendunt nobis veterum monumenta . Præter hanc in paterâ a *Dempifero* , & *Gorio* relatâ *Juppiter* , cum ex ejus capite *Pallas* nascitur , ita sedet : ita etiam *Juno* apud nos in pictâ muri parte .

(5) Hujusmodi stellatæ vestes , aut pictæ habentur etiam superius *Tab. II. & III.*


(6) Saltandi originem ab ipsâ naturâ repetendam faciliè agnoscet , qui pueros ubique gentium animadverterit propter effervescentis vim sanguinis , aut quod

lætiùs aliquid ipsis acciderit , a saltu sibi temperare non posse . Accessit præterea disciplina , quæ cum in regendis pedum , & corporis totius motibus , tum in imitatione posita maximè est : hinc ex variâ hominum conditione variâ quoque inventa saltatoriæ artis genera , quæ non ad civilem solum vitam pertineant , sed etiam ad militarem . Huc rejiciendi fortasse sunt saltatores , quos videmus in hac paterâ ; videor enim mihi parmulas , quibuscum saltent , agnoscere ad eorum pedes resupinatas . Sed de hoc genere egimus *Tab. IX.*

(7) In anaglypho marmoreo hujus Musei , a tergo personati cujusdam , & magnâ lorica protecti , qui militem gloriosum agere videtur , latus protenditur pannus , quem puto loco scenæ esse .







# TABULA XV.



Icet hæc, & ea patera, in quâ *Paridem*, & *Oenonem* colloquentes agnovimus, tam similes sint, ut geminæ<sup>(1)</sup> videantur, in hac tamen *Paris* amictus tunicâ est, in aliâ non item, utpote qui familiarius in *Idâ* ageret, quàm deinde *Lacedæmone*. Calantica mulieris, quæ aliam *Paridi* adstantem comitatur, radiis aliquot, ubi fronti substringitur, videtur ornata, paucioribus tamen, quàm ut lauream coronam putem; hæc enim in *Oenonem* non cadit, nec in ejus pedissequam. Suspicio itaque, quoniam ejusdem artificis in utrâque paterâ manum mihi videor agnoscere, utriusque etiam argumentum esse conjunctum, & de *Helenâ* hic agi, ad quam ne accederet, *Oenone Paridem* deterruerat malorum præfagio, quæ postea contigerunt; mutuis enim alloquiis, cum *Spartam* venit, *Helenæ* desiderio captus ita est, ut præ eâ patriam, & regnum nihili duxerit. Quod si hæc regio capitis ornatu ancillam internuntiam subsequitur ad *Paridem* aditura, factum id arbitror ab artifice, ut *Helenam* eam esse facilius nossemus. Quamquam quid, si, mutatis partibus, quam pedissequam diximus, *Helenam* putemus, eam verò, quæ redimita est<sup>(2)</sup>, *Venerem*, quæ illam *Paridi* sponderat, & quæ occultâ vi utriusque animos ad amorem

(1) Pateras eodem profus argumento nullas hæc vidi, similes verò non paucas. Hujusmodi sunt, quæ *Hesperiones* in hoc opere nobis exhibent; sunt & hæc dux, de quibus differimus. Ut autem in geminis fratribus inest semper aliquid, ex quo alter ab altero

*Ærea. T. I.*

ro facile dignosci possit, ita & in pateris usuvenit.

(2) Corona radiata in usu fuit apud Etruscos. Eâ Venus præcincta est *Tab. 129. Musci Goriani*. Duo item Etrusci procures *Tab. 175.* galeam gerunt ita propemodum radiatam, ut hæc mulieris calantica est.

rem incitaret <sup>(3)</sup>? Hæc æqui, bonique consulet Lector, si meminerit, multò plura esse, quæ nos lateant in veterum monumentis, quàm quæ discendo perceperimus.

II. Dubius hæret quid *Cl. Gori* de hac paterâ opinetur, qui ejus exemplar e *Ciatti* libro de *Antiquitatibus Perusinis* <sup>(4)</sup> in suum *Museum Etruscum* transtulit; tantùm refert quid *Ciatti* sentiret; nihil autem statuit; quòd, ut ait, pateram non inspexisset. In re dubiâ, quid si quis dixerit *Ariadnen* hanc esse, quæ ad æstuantis pelagi fluctus, quos *Ciatti* putavit esse volumina, sedet in insulâ *Naxo* a *Theseo Atheniensium* Regis filio deferta? Hanc *Bacchus* postea uxorem duxit, quem humanâ staturâ majorem, utpote Deum, ad illam accedentem videmus. Quam verò coronam *Genius* manu attollit, eam esse suspicor, quam *Bacchus* a *Venere* acceptam <sup>(5)</sup> *Ariadnæ* donavit tandem inter fidera referendam. Hæc mihi videntur aptius cum pateræ typo congruere; præsertim cùm eam hederâ circumdatam aspiciam.


(3) *Palladem* habemus apud *Homer. Odys.* 11. quæ sanctâ *Athenæ* formâ *Telenubo* adeit. *Iris* apud *Virgil. lib. 5.* Fit *Bere Ismarii conjux longæva Dorieli. Alecto lib. 7.* *Calybe Junonis anus, templique Sacerdos*; utraque ut *Trojanos* perderet. Sed hæc formæ commutatio *Veneri* necessaria non fuit, potuit enim tacito instinctu, & a nemine visa, ut *Alecto Amatam*, sic ipsa *Eridem* quoquò vellet impellere. Verùm, si hæc ipsa occulta vis manifesta fieri intuitibus debuit, signo aliquo opus fuit, scilicet vel ancillari formâ, sed coronâ tamen adjecta, vel alio quovis indicio, ut sub eâ specie aliquid amplius latere suspicari, quid sibi artifex significandum proposuisset, tandem assequeremur. Ceterum verisimilior mihi ea opinio est, quam primo loco posui. Pars coronidis, quæ apparet in hac paterâ, ad templumne aliquod pertineat, an ad regias *Mencsi* ades non facile dixerim; ab hac certè interpretatione nostrâ non videtur abluere.


(4) Centum, & amplius ab hinc annis hanc pateram verâ tamen magnitudine multò minorem retulit in suum librum, quem de *Antiquitatibus Perusinis*

scripsit *Fr. Ciatti Ord. S. Francisci*, quos *Conventus* vocant. *Æacum* in eâ hic auctor agnovit pro tribunali sedentem explicitis interius ad causis cognoscendas voluminibus; coram verò adsistentem *Mercurium*, qui mortui ad eum animam in judicium adducit. De hac *Mercurii* in mortuos potestate, qui propterea *Νεκροπομπός* dicebatur, meminit *Horatius lib. 1. el. 10.* *Virgineque levem coerces Auræ turbam superis Deorum Gyasus, & imis.* At quem *Ciatti Æacum* putat, mulier manifestò est, ut e capitis ornatu patet, ex inauribus, & ipso pectore; neque verò ea sedet pro tribunali, sed suprà pedum calcem adgeniculata more foemineo. Quis autem *Mercurium* agnoscat, quem sine petaso videt, sine caduceo, aut ullo alio insigni, quo *Deorum* ille nuntius ornari consueverat? Nam quod pertinet ad adolescentem, qui commentitiam hunc *Mercurium* subsequitur, cum e mortuorum numero unum esse nemo dicit, cum alatus sit, sed potius *Genium*, qui præcuntibus subseruiat.

(5) *Hyginus lib. 2. pag. 22.*







# TABULA XVI.



Rave quod haberi debet, & in hominibus non ferendum, ut propter inanis gloriæ cupiditatem contendant inter se, id *Ethnicos* turpe Diis, non putasse testis est, ut opinor, hæc patera; confidunt enim in eâ hinc *Mercurius* <sup>(1)</sup>, illinc *Apollo* <sup>(2)</sup> de lyre inventionem <sup>(3)</sup>, quam sibi uterque vindicabat, acturi coram *Juno* <sup>(4)</sup>, & *Minervâ*: quo quidem commento Veteres, non Deorum, qui nulli erant, ambitionem probabant, sed coarguebant suam: quis autem sibi vitio vertendum putaret, quod in Diis veneraretur? Nisi forte illud potius innuere voluerunt, magnum esse novi aliquid excogitare; id ipsum verò perficere multò majus, ut, qui id fecerit, is laudem, ac si rem totam invenisset, mereri videatur.

## II. Tres tantum *Musas* <sup>(5)</sup> Prisci bonarum artium anti-

(1) Baculus, quem tenet *Mercurius*, *Caduceum* est, quod muneris loco pro lyra ab *Apolline* acceperat. *Lucian.* in *Dial. Apoll. & Vulc.* Eâ autem vi fuisse dicitur, ut ejus interpositu statim rixantes in pristinam amicitiam redirent. *Mercurii* sella e *Curulum* genere esse arbitror, quorum exempla nec alibi desunt, nec in nostro Museo.

(2) Occurrit hic quidem non rarò brevi capillo; sed prolixo etiam aliquando fuisse, & per collum diffusio docet illud *Horat.* in *Epod.* od. xv.

*Intonsisque ageret Apollinis aura capillos.*  
*Apollo* enim idem habebatur, ac *Sol*, qui radios latè diffundit, & numquam consenescit. *Juno* item benè capillata, & pexa est in hac patera. Non absmilem capitis cultum in *Cleopatrà* *Varicanâ* videre quis potest, & in aliâ hujus operis patera, quam consule *Tab. XIX.*

(3) Lyram a *Mercurio* inventam testatur *Pausanias* in *Eliac.*, & perique fere omnes. Ejus structura ita describitur a *Luciano* in eodem *Dial. restudine mortuâ alicubi* (ad *Nili ripam*) *inventâ musicum instrumentum ex eâ ita confectis.* Elatis utrinque ad esse integumentis oras bacillis, & iugo his superimposi-

to, ex eo autem septem chordis supra testudinis carum suspensû, & intentis jucundum quiddam modulabatur, & concinnum. Putant tamen aliqui, ut scribit *Natalis de Comit. Myth.* 5., Lyram quatuor dumtaxat chordarum inventam a *Mercurio* lineis filis ab eo adhibitis chordarum loco, quam cum *Apollini* dedisset pro bobus, & phætrâ eidem subreptis, ut ait *Lambin.* in *Horat. lib. I. Od. 10.*, isque ex tetrachordo lyram eptachordoni, utpote Musices peritissimus, effecisset, gravis inter eos simulata exorta est, cum uterque Lyre inventæ sibi gloriâ arrogaret; donec *Junonis*, & *Minervæ* interventu dirempta lis est, & sua cuique laus impertita.

(4) Hac allegoriâ videntur docere *Mythologi*, controversias auctoritate, & sapientiâ componi facile posse.

(5) *M. Varro*, *Servius*, & *Censorinus* de die natali tres tantum *Musas* enumerant, item *Plutarchus Sympos.* cap. 102., sed illi hunc numerum, & vocis significationem ad tria soni discrimina referunt, hic ad tres disciplinas Philosophiam, Rhetoricam, & Mathematicam, quæ singulæ cum in tres alias facultates dividantur ab *Hesiodo*, hinc iste canit in *Theogon.* *Mnemo-*



antifites esse voluerunt, *Meleten*, *Mnemen*, & *Aoeden*, meditationem nimirum, memoriam, & harmoniam. Totidem occurrunt nobis in hac paterâ, quæ proinde magnæ antiquitatis censenda, & pretii est. His autem interjectam, & mediam *Minervam* <sup>(6)</sup> aspicimus, ut quemadmodum olim *Ægyptii* mentis suæ sensus, & penitiorum doctrinam arcanis quibusdam notis patefacere consueverant, cum aliud objicerent oculis, aliud animo intelligendum proponerent; ita nos etiam fictis Dearum personis edocti illud in re præsentem teneremus, excogitare quæ recta sunt, utilium reminisci, rerum, verborumque concentum, & numerum assequi sine prudentiâ, & ingenio neminem posse. Quod ad Dearum ornatum attinet, ut intelligatur quanta inter eas cognatio intercedat, vestitu <sup>(7)</sup> omnes eodem sunt, duplici tunicâ talari scilicet, & breviori superinjectâ fuccinctæ, quas quidem tunicas ita vittæ quædam flexu vario distinguunt, ut cum supernè per oras recurrendo fœmineum veluti thoracem coeuntes effecerint, iterum divaricatæ in imum protendantur. *Minerva*, ut dignosci a sociis possit, galeâ, hastâ, & clypeo, non sine *Medusæ* capite, armata est. Duæ ex *Musis* vittis intexto pileo tectæ sunt, tertia *Phrygio* <sup>(8)</sup>. Quæ pars ædificii apparet, ea, quidnam sit, non satis intelligi potest.

*Mnemosynen pulchram dilexit Iuppiter, ex qua  
Inde novem Musæ claræ nascuntur.*  
Quamquam Cicero de Nat. Deor. Musas non ab uno, eodemque Jove, sed alias ab aliis (plures enim Joves fuerunt) natas putat. S. Augustinus l. 2. de doctr. Christ. refert ex Varrone civitatem quamdam (Sicyon hæc fuit ex Ausonio) tribus artificibus Musarum statuas ita locasse, ut singuli ternas facerent, tres ex eo numero pulchriores empturam, quod verò placuissent, coemisse omnes novem, quibus deinde Hesiodus nomina imposuit. Non ergo, inquit S. Doctor, Jupiter novem Musas genuit, sed tres fabri ternas fecerunt. In tribus autem Musis tria & ipse soni genera


videtur agnoscere, qui vel voce fit, vel statu, vel pulsu. Pausanias quoque in Boeotic. trium artificum meminit, qui singuli ternas Musas fecerunt; alias etiam tres commemorat, quas ab Aloei filiis nominatas ait Meleten, Mnemen, Aoeden.

(6) Hoc vestium genus alibi vidi numquam; Virgineum putat Gorius nullo auctore.

(7) Pileus, qui dicitur Phrygius, in usu fuit apud Etruscos; unde acceperint, incertum est.

(8) Minervam Democritus allegoricè prudentiam interpretatur, ut scribit Eustatius, quod ab eâ hæc tria proficiantur, bene cogitare, bene dicere, quæ sis meditatus, bene persequi cogitata, & dicta.







## TABULA XVII.



Dsunt in hac paterâ tamquam ad judicium <sup>(1)</sup> *Deæ*, quas de pulchritudine contententes inter se *Juppiter* in *Idam* ad *Paridem* <sup>(2)</sup> ablegaverat duce *Mercurio*; ne, si litem ipse dirimeret, aut uxori, aut alterutri ex se prognatis Deabus adverstari cogeretur. Erant enim hæ *Juno*, *Venus*, & *Minerva*. Controversiæ autem causa pomum aureum fuit, quod *Eris* <sup>(3)</sup> irata, eò quia in *Pelei*, & *Thetidis* nuptiis ad convivium unâ cum reliquis Diis vocata non fuisset, clam jecit inter convivas, hac tamen lege inventori propositâ, quæ inscripta in eo erat, ut *pulchriori traderetur*. Hinc altercatio <sup>(4)</sup> inter Deas prorsus sceminea, & ad eam componendam judicium. Igitur, perinde ac si in *Idâ* res perageretur, sedent ex adverso in hac paterâ *Mercurius*, & *Paris*, ambo chlamyde, quâ solâ teguntur, post tergum rejectâ, quorum prior alteri videtur *Jovis*

(1) Nihil est apud antiquos pervulgatius, quam hoc Deorum judicium, in quo *Paris* bis peccavit, tum quod earum promissis aures præbuit, tum quod conditionem accepit omnium turpissimam, ut *Veneri* causam, & pomum adjudicaret: spretâ enim potentia, quam *Juno*, bellicisq; triumphis, quos *Minerva* pollicebatur, *Helenam* pactus est conjugem, quæ jam *Menelao* nupsisset. Ceterum mirum videri potest, nullam ab *Homero* de hoc judicio in tota *Iliade* fieri mentionem, ut notat *Macrob.* 5. *Saturn.*, cum tamen ab *Etruscis* ignoratum non sit, ut constat ex hac paterâ, & aliâ, quam *Cl. Gori* refert in *Mus. Etrusc.* Tom. I. Tab. 129, nisi fortè id *Homerus* movit, quod opinarentur olim non pauci, ut innuit *Acusilaus*, *Venerem* *Græcos* in *Trojam* concitasse, ut deletâ *Priami* familiâ *Æne* filii in *Phrygiâ* regnarent.

(2) Causas *Juppiter*, cur *Paridem* controversiæ hujus judicem designaret, ita assertit apud *Lucian.* *Dial. Area.* T. I.

de *Deor. judicio*. Equidem, inquit, *judex ipse vobis idoneus non sum*; adolescens autem ille *Phrygius*, ad quem hinc abiis, regio genere prognatus est, & *Ganymedis* hujus cognatus, ceterum simplex, & montanus, neque quisquam illum cognitione hac indignum merirò putaverit. Dixerat autem paulò ante: *Mercuri*, accepto hoc pomo abi in *Phrygiam* ad *Priami* filium armenti pastorem; pascit autem in *Monte Ida*.

(3) Factum id in *Thessaliâ* *Græci* fabulantur; quid autem aptius ad lites ferendas inter mulieres excogitari potuit ab *Eride*, seu *Discordia*, quam hoc pomum, quod formæ præstantioris præmium futurum esset. Vide *Lucian.* *dial. Panopes*, & *Galenes*.

(4) Ibidem ita *Panope* loquitur. *Deæ visio pomo*, quod *Mercurius* e terrâ sublatum illis ostenderat, & *epigraphæ lectâ* contendebant inter se, ac qualibet suam illud esse volebat; & nisi *Juppiter* se interposuisset, etiam ad manus res venisset.

vis mandata proponere, hic verò de iis doceri vel-  
le subtilius<sup>(5)</sup>, quæ ad iudicium pertinerent<sup>(6)</sup>. Duæ  
sunt mediæ, *Venus* quidem penè nuda; reliquæ duæ<sup>(7)</sup>  
longo pallio obvolutæ.

II. Brevior sine manicis tunica, eaque bis præ-  
cincta, maximè verò pulpitum<sup>(8)</sup>, fatis ostendunt ex  
eo numero hos esse, qui in ludis, & saltationibus  
operam populo navarent suam. Alii eodem vestitu,  
gestuque occurrunt in hoc opere: ex quo conjici po-  
test, quo ornatu<sup>(9)</sup> hi prodirent in publicum, &, cum  
tam sæpe eos cælaverint in pateris, aut in vasculis<sup>(10)</sup>  
pinxerint, quantâ *Etrusci* in iis spectandis voluptate  
caperentur<sup>(11)</sup>. Hanc artem Romani allatam ex *Etru-  
riâ* civitate donaverunt; hinc *Iudicra* apud eos salta-  
tio, *tragica*, *satyrica*, *pyrrhica*, & quotquot excogitari  
aliæ possunt, humano ingenio ad delectandum con-  
verso, aut ad homines, Deosque<sup>(12)</sup> imitandos<sup>(13)</sup> saltu,  
gestuque, quibus fabulæ sæpe totæ peragebantur.

(5) Novum quiddam, & insolens putat *Cl. Gori*us  
*Mercurium* nudo capite, sine talaribus, & caduceo ex-  
hiberi nobis in hac paterâ, & quod magis mirandum  
ei est, cum clavâ. At in hoc Antiquitatis studio quid  
est, quod verè insolens dici possit, & mirum, cum  
tam multa deprehendantur quotidie, quæ numquam  
putavissimus a Veteribus usurpata. Quod verò ad cla-  
vam attinet, hæc etiam Heroibus tribuebatur; quid  
igitur novum si tribuitur *Mercurio*, qui ita armatus  
reperitur in *Ædibus Farnesianis*, de quo vide *Mont-  
fauc.* Tom. 1. pag. 128.

(6) Recole *Dialog. Luciani de Deorum iudicio*; mul-  
ta enim ibi sunt, de quibus disseruerunt *Mercurius*,  
& *Paris*, antequàm iudicium hic exerceret.

(7) *Venus* iussu fuit a *Minerva* cestum, seu cin-  
gulum maritale deponere, hæc galeam a *Venere*; pro-  
inde nudo capite est, utraque tamen baccato monili  
conspicua; longiori autem pallio velantur *Juno*, &  
*Minerva*, pudoris, ut arbitror, causâ, quo *Venus* ca-  
rebat, cum imperatum eis esset, ut vestes deponer-  
ent. *Ædificium* nescio quod apparet in hac paterâ;  
id opinatur *Cl. Gori*us referre templum *Veneris Myrse-*  
*idos*, seu *Conjugalis*, quod in *Insulâ Crane*, ubi pri-  
mum congressus cum *Helenâ Paris* est, *ædificandum*  
poëta curavit. *Pausan.* l. 3. c. 22. *Strabo* l. 9.

(8) Proscenium fuit locus ante scenam porrectus,  
ubi pulpitum excitatum erat, quo actores fabularum pro-  
dierunt ita, ut scena altior esset pulpito, pulpitum au-  
tem altius orchestrâ, quæ ipsa locus erat saltantium.  
Ita *Budeus*.

(9) Non arbitror tamen hoc uno ornato saltato-  
res semper usos fuisse, sed mutasse, cum id genus  
saltationis posceret; hunc autem eundem non ita pro-  
prium saltatorum fuisse, ut eum adhibere aliquando  
fabularum actores non possent. Exemplum peti vide-  
tur posse ex alia huius operis paterâ.

(10) Consule *Museum Etruscum*.


(11) Filii Senatorum in ludum saltatorium com-  
meabant, & illic crotala gestantes saltare discabant.  
*Macrob.* l. 3. *Cicero* sæpe meminit saltationis, quam  
tamen vitio vertit juventuti delicatæ suorum tem-  
porum.

(12) Horum personæ, & turpiora etiam flagitia  
per summam licentiam saltabantur in orchestrâ. Vi-  
de *Museum Etruscum Tab. 186.*, & quæ ad hæc dis-  
serat *Gori*us.

(13) *Virgilius Ecl. 5.* id ipsum innuit: Saltantes  
*Satyros* imitabitur *Alpheisibæus*; & *Horat.* *Satyr. 1. 5.*  
ubi *Messius Sarmantum* irridet: *Pastorem saltaret uti*  
*Cyclopæ* rogabat.







# TABULA XVIII.



*Ereri*<sup>(1)</sup>, quam inter duas spicas mediam aspicimus, terræ colendæ artem, & fruges acceptas ferunt *Mythologi*; quasi verò prius homines, ut ajunt, glandibus vescerentur: pravè utrumque; nam, si de omnibus loquimur, non defuit veri Numinis providentia<sup>(2)</sup>, quæ & fruges eisdem monstraret, & abundè sufficeret. Quod si *Cereri*<sup>(3)</sup> nomine, quam *Saturni*, & *Opis* filiam dicebant, fruges intelligere voluerunt, sed ita ut innuerent, tempore eis opus esse, ut rectè proveniant, terrâ, & aquâ, quam situla<sup>(4)</sup>, quæ *Cereri* in manu est, videtur ostendere, fabulosa quidem vox erit, sed vera sententia.

II. Narrat *Lucianus in dialogis*, e *Jovis* capite, quod exoratus ab eo *Vulcanus* bipenni diffiderat, *Palladem* armatam profiluisse. Id ipsum describitur in paterâ, quæ multò emendatior, quàm a *Dempstero*, refertur a *Gorio* in suo Museo. At in hac nostrâ Dea hæc tunicata oritur,

(1) *Virgilius* 1. *Georgic.*

Prima *Ceres* ferro mortalesvertere terram  
Instituit, cum jam glandes, atque arbute sacra  
Deficerent silvæ, & victum Dodona negaret.

Hæc civitas *Chaonia* fuit in *Epiro*, apud quam silva quænea *Jovis* templo, & fatidicis, ut quidam ajunt, arboribus nobilis: hanc pro qualibet, quæ usquam esset silva, poni a *Virgilio* puto, nec enim unius querceti glandes universis hominibus sufficere potuissent.

(2) Frequens est in sacris literis tritici mentio, quas dum ad fabulas *Græci* traducunt potius, quàm capere satagunt, tripliciter errarunt. Tritici autem fationem, & terræ cultum victus parandi necessitas docuit, latèque protulit non *Ceres*, aut *Tripolemus* alatis draconibus vectus.

(3) *Ceres* sumitur a *Virgilio*, ut nonnulli putant,

pro *Luna* in *Georg.* 1., ut *Bacchus* pro *Sole*. Vos a clarissima mundi lumina, labentem *Celo*, quæ ducitis annum, liber, & alma *Ceres*. Ab aliis sumitur pro terrâ, unda a *Græcis* *Ἀνμήτης* vocatur, tamquam γῆ μήτηρ *Terra mater*. Item aliis eadem θεομορφος, seu legum latrrix dicitur, quòd post frugum usum, inventi agrorum fines sint, & de iis ceptum fuerit disputari ab hominibus. *Lybissa* demum ab *Argi*; credo, quòd frugum ferax *Lybia* sit. Alata autem est in hac paterâ *Etruscorum* more.

(4) *Situlam* ut putem, non autem mensuram vas illud, quod *Ceres* manu sustinet in hac paterâ, adducor ipsâ ejus formâ, & manubrio; mensura enim æræ plures sunt in hoc Museo, alias etiam alibi vidi, nullam verò hac formâ, aut flexo in arcum manubrio, quod certè impedimento fuisset in solidis, ne, si conferta mensura esset, abradi commodè posset.

tur, & inermis, nullâ galeâ, sed puellari tectâ calanticâ, quæ dextram *Mercurio* <sup>(5)</sup> porrigit, & quam ad lævam affidens *Apollo* complectitur. Quid illud sit, quod prope Deæ caput utrinque conspicitur, ignotum mihi est. Equidem subdubitavi, utrum ad fellæ pertineret ornatum, in quâ *Juppiter* feminudus confidet dextrâ super genu impositâ, & lævâ barbam demulcens. At fella hæc humilior est, quàm ut tam altus ornatus ei possit congruere; præsertim cum divisus omninò sit, nam de floribus, fatis tamen imperitè descriptis, siquidem flores sunt, cogitandum non arbitror, quos ait *Gorius* enatos, ubi Dii ortum duxerant, aut pedem posuerant. Hoc commento significare nobis Veteres voluerunt, bonarum artium disciplinas non ad humani ingenii inventum, sed ad Divinæ mentis sapientiam referendas esse; & quoniam *Mercurius* quoque, & *Apollo* earum Præfides habiti sunt, præcipuè verò alter mercaturæ <sup>(6)</sup>, & eloquentiæ, alter medicinæ <sup>(7)</sup>, & musicæ, idcirco ab ipso ortu societatem cum utroque inire *Pallas* ostenditur in hac paterâ, in quâ *pacifera* nomen videtur præferre, in paterâ verò illâ, de quâ diximus, *bellicæ*.

(5) Petasum alatum *Mercurio* Veteres ad celeres ingenii motus indicandos tribuerunt; Caduceum autem, quod lævâ tenet, virga fuit eidem ab *Apolline* donata mirâ in dissidentium animis componendis virtute, quâ cum duos angues inter se pugnautes diremisset, mos invaluit, ut hi summæ illi virgæ deinceps apponerentur.

(6) Hujus rei causâ marsupium *Mercurius* levo brachio suspensum gestat in hac paterâ. *Horatius lib. 1. Ep. 1.* hunc morem innuit usurpatum eo tempore,


*Hæc vecinunt juvenes dictata, senesque,  
Lævo suspensæ loculos, tabulæque læcerto.*


Marsupia autem hac formâ non nova sunt in signis *Mercurii*. Idem *Horat. lib. 1. od. 10.* facundum eundem appellat *Mercuri* facunde nepos *Ablantis*

*Qui feros cultus hominum recentum  
Voce formasti catus....*

(7) *Ciceroni de Nat. Deor.* idem est *Apollo*, ac *Sol* ipse. Præest autem Divinationibus, & arti mittendarum sagittarum, ut *Plato* ait in *Cratyllo*.







## TABULA XIX.



Etustissimam, & in ipsâ picturæ linearis infantiâ cælatam putat hanc pateram *Cl. Gorius* <sup>(1)</sup>; censet autem, imaginem, quæ in eâ est, gradienti similem, & magnis alis instructam, nudam prætereà, nisi quantum brevi amiculo ante pectus protegitur, Deam esse *Libitinam*. At unde nam discimus, hæc, aut capitis insigne, quo ea operitur, galeæ instar, aut pilei Phrygii, ita hujus Deæ esse propria, ut his inspectis de *Libitinâ* potissimum cogitare debeamus? Hæc prætereà *Romanorum* Dea fuit: cui igitur probabitur, *Etruscos*, qui ex *Græcorum* fabulis, aut rebus *Trojanis* paterarum argumenta vulgò defumerent, ex *Romanis* verò numquam, *Libitinam* in hac paterâ cælare, eamque ante oculos habere voluisse, præsertim cum sacra facerent, qui tantoperè refugerent, ut *Ethnici* reliqui, ab omni mortis memoriâ? Neque me ea *Gorii* oratio movet; quòd hæc patera tenui labro sit, ac vix prominenti, indicio id esse, eam fuisse in *Parentalibus* ad epulas Diis Inferis apponendas adhibitam; quo enim auctore compertum id est, præsertim cum in hoc ipso opere plures pateræ sint labro adeo tenui, ac penè nullo, quæ tamen ad *Parentalia* minimè pertinent? Ego verò non *Libitinam*, in hac patera, sed *Nemesis* <sup>(2)</sup> potius

(1) Exemplar hujus pateræ non satis accuratè descriptum est ex prototypo in *Musæo Etrusco* Tab. 82. ut patebit insipientibus.  
*Ærea. T. I.*

(2) Hæc cum bonis arridet, *Græcie* nomine nuncupatur; cum malos terret, *Furie*; sed cum hæc ita sumitur, diverso modo describitur ab Antiquis.



tius mihi videor agnoscere. Hanc vocat *Plato* supremi Judicis administram, & nunciam, quæ bonos foveat, & alliciat, improbos autem persequatur, & terreat. Ne quid igitur ipsam lateat, sedem eidem *Ægyptii* <sup>(3)</sup> supra *Lunæ* circulum statuunt; ut verò ubique illam adesse mirâ celeritate omnes sentiant, alas addiderunt teste *Oppiano*. Primum illi templum positum fuit ab *Adrasto Argivorum* Rege, alterum extructum *Rhamnunte* in *Attica*; hinc *Adrastia* dicta est, & *Rhamnusia*.

II. *Antiopam Nyctei* filiam, *Lyci* <sup>(4)</sup> verò *Thebarum*, & *Ægypti* Regis, ut *Lactantius* scribit, uxorem spectandam <sup>(5)</sup> præberi nobis hac paterâ suspicor <sup>(6)</sup>. Hæc post repudium, & vincula, in quæ conjecta a *Dirce* est, quam eâ dimissâ *Lycus* duxerat, cum *Amphionem*, & *Zethum* in *Cithेरone* peperisset, quos ex *Jovis* furto susceperat, ulta dolorem suum per hos est *Lycus* interfecto; *Dirce* autem tauro alligata, & tamdiu raptata, donec eam *Bacchus* in fontem convertit cognominem.

(3) Magna artium, & morum affinitas intercescit *Etruscos* inter, & *Ægyptios*; quare ab his transire facile potuit hujus *Dæ* nomen, & cultus. Consultatur *Cl. Marchio Massèi de Italii primitiis*.


(4) *Lycum* ab *Amphione* non sine *Zethi* ope lanceâ confossum *Antiopa* inspectante præclarè pictum parietis segmentum exhibet, quod est in hoc Museo; *Dircem* verò ferocentis tauri cornibus innexam, & jam penè raptandam videre est in egregio statuarum symplemate, quod servatur in ædibus *Farnesianis*.

(5) Vestem tunicæ superinjectam, & desluentem post tergum recolligi a femineis, & attolli manu auriculâ tenus, aut etiam ultrâ, novum non est Veterum monumenta tractantibus; illud potius non frequens, id ipsum a viris fieri, quod tamen utrumque usurpatum videmus in hac paterâ, ornatu scilicet, & elegantia ab artificibus ita quesitâ. Lorum, seu brevis vitta, contortaque diadematis loco, apud aliquos *Asia*, *Ægyptique* reges fuisse, eorum nummi testantur, quod idem evincit caput marmoreum in hoc Museo *Ptolemæi Auleti* ita præcinctum. Et si verò hujusmodi insigne *Philosophorum* etiam capiti ap-

positum videamus, licet Reges non fuerint, sed ad sapientiæ significationem, vel ad capillos cohibendos, eâ tamen uti *Antiopa* potuit, utpote quæ *Ægypti* Regina fuerat; dignitatis verò causâ etiam alter ex filiis, quem loro redimitum aspiciamus.

(6) Aliquam *Nestoris* suspicionem injiciet alicui fortasse adolescentis cæsaribus tam producta, & ita præter communem modum cincinnata; sed consulat is quæso pateram: antiquam eam esse animadvertet, & prorsus incorruptam. Præterea hujusmodi capillitii non desunt exempla in hoc opere *Tab. XVI. paterâ I.* Fascia, quæ a summo ejusdem humero obliquè per pectus sub sinistrum brachium deducitur, non rarò adhibita antiquitus fuit ad sustinendas vestes, quæ tamquam temerè rejiciebantur post tergum. Adeantur Veterum signa, & imagines quoquomodo clata. Hunc morem imitari modò solent sculptores præsertim in Angelorum simulacris. Soleæ, imò potius crepidæ, superiorem enim tegunt calcis partem, adnotatu digne sunt in hoc adolescente, etenim habenis fermè ad medium usque crus adtrianguntur; itaque *Thyrenis* calcis adnumerandas censeo.







# TABULA XX.



B *Rhesi Thraciæ* Regis adventum *Græcis* trepidantibus, *Agamemnon* inito cum *Ulyssæ*, & *Diomede* consilio speculatum eos misit, qui cum in *Dolonem* <sup>(1)</sup> *Trojanum* incidissent, ab eoque *Thracum* didicissent consilia, eâ ipsâ nocte in *Rhesi* tentorium clam ingressi illo cæso, & fatalibus equis abductis <sup>(2)</sup> in castra redierunt. Ita *Homerus Iliad.* 10. Congressum hunc significari nobis hac paterâ ex eo conjicio, quod ex tribus, qui cælati in eâ sunt, unum tamquam pro tribunali video lævâ parazonium, dextrâ hastam puram <sup>(3)</sup> tenentem Regum, & Heroum more, duos verò reliquos item hastatos, sed alterum ferro hastæ præfixo, sedentemque, alterum stantem, & hastæ puræ innixum; itaque adducor ut credam, illum quidem *Agamemnonem* esse, hos verò *Græcorum* duces, quos nominavi. Videntur autem omnes, ut in præsentī discrimine, quid facto opus sit <sup>(4)</sup> unâ deliberare.

## II. Pro-

(1) *Dolon Trojanorum* speculator fuit. Is vitæ speciosa suorum consilia *Ulyssæ*, & *Diomedi* prodidit; occisus nihilominus ab iisdem est. *Homer. Iliad.* 10.

(2) *Rhesus* cum sub noctem ad civitatem accessisset, nec recipi tutò posset intrâ moenia sine *Trojanorum* præsidio, tetendit in litore, ubi vigilibus somno correptis interfecit ipse est, & equi, quibus jugalibus utebatur, ablatis. Albi hi erant, de quibus prædixerat Oraculum, si pabula gustassent *Trojæ*, *Xanthumque* bibissent, quemadmodum ait *Virgil. Æneid.* 2., fore ut *Troja* capi non posset. Hinc illa *Græcorum* festinatio, & cura, ut periculum anteverterent.

(3) Idem fermè hasta pura olim fuit, ac brevis ille baculus, quo Reges, & supremi armorum duces utuntur hoc tempore, in sine nimirum dignitatis,

& imperii. Hanc tribuit *Virgil. Æneid.* 6. *Sylvio* posthumo *Æneæ* filio; *Ille, vides, purâ juveni, qui nititur hastâ.* Quamquam non semper a principibus viris adhibitam fuisse, indicio est hæc patera, & egregium monumentum scarabæi formâ, quod olim edidit *Cl. Stofchius*; e quinque enim *Græcorum* heroibus in eo sculptis tres hastam tenent, sed ferro præfixo, puram nullus: aliqui præterea stant; aliqui sedent; agunt autem de *Amphiarao*, quem medium tenent, ad *Thebarum* expeditionem secum ducendo; ex quo liquet id etiam, in consiliis capiendis standi, sedendique morem promiscuum fuisse.

(4) Stellæ tres grandiores in hac paterâ ad laudem pertinere trium eorum suspicor, qui deliberant; quasi tantum hi reliquos antecellerent, quantum majoris

II. Propitiam Trojanis *Venerem*, *Palladem* verò iratam omnis fatetur <sup>(5)</sup> antiquitas; cum itaque seorsim hæc in hac paterâ cum *Apolline* colloquatur, illa cum *Paride*, aliquid agi de *Troja*, & consilia ab his Deabus iniri prorsus contraria suspicari facillè possumus. Verisimile igitur est, dum *Venus Paridi* operam suam, & felices rerum exitus pollicetur, *Apollinem* a *Pallade* oratum, ut secum faceret, & conjunctis studiis *Trojanos* persequeretur <sup>(6)</sup>; etsi enim *Apollo* non averso a *Trojanis* animo esset, læsum tamen se a *Laomedonte*, mercede negatâ, oblivisci non poterat. Jam verò *Paridem Laran* dictum *Etruscè* fuisse, *Venerem* verò *Turan*, item *Minervam Menrea*, & *Apollinem Aplu* discimus ex *Etruscis* nominibus, quæ præfixa iisdem sunt; ita verò interpretanda ea esse eruimus ex ipsis figuris: nam præter ædem, quam *Veneris Migonitidis* <sup>(7)</sup> putamus a *Paride* extructam, cujus fastigium dumtaxat conspicuum est, ex ipsâ nuditate figuræ, & quòd tam familiariter, ut in aliis pateris quoque factum animadvertimus, hæc cum eo agit, qui propè sedet, hanc *Venerem*, illum *Paridem* agnoscimus. De *Minervâ* dubium nemini esse potest, qui meminerit ita ornatam in Veterum monumentis sæpe reperiri. Idem dicendum de *Apolline*.

joris notæ stellæ minoribus præstant. Quid, si hæc nihil indicent præter arbitrium artificis, quemadmodum arbor, sub quâ sedet *Agamemnon*, & vasculum?

(5) Vulgatum est illud *Ovidii Trist.* 1. 1. *Mulciber in Trojam, pro Troja stabat Apollo: Æqua Venus Teucriis, Pallas iniqua fuit.*


(6) Contigit id, quod *Pallas* optabat; frustra e-

nim contrâ nitente *Venere* interfectus ante finem belli *Trojani Paris* est, & *Troja* deleta. Huic insectam, aliqui opinantur, *Venerem* ipsam fuisse, quæ *Priamum*, ejusque liberos perdendos curaverit, ut *Aneas*, ejusque posteris rerum potirentur.

(7) In Insulâ *Crane*, ubi *Paris* cum *Helena* congressus primùm fuit.







# TABULA XXI.



Inas afferimus Pateras uno argumento, alteram *Tab. superiori num. II.*, alteram hoc loco<sup>(1)</sup>. Agitur in utrâque de rebus *Trojanis*, quas *Minerva* afflictas volebat, & perditas, *Venus* falvas, & incolumes: sed ita agitur, ut quod in alte-

râ gestum a Deabus, & earum fociis est, id in hac alterâ a fabularum actoribus inductum in scenam<sup>(2)</sup> videatur.

II. Ajunt, qui in illustrandâ veteri *Etruscorum* linguâ operam posuerunt, *Jovem Etruscè Tina* dici, *Bacchum* verò *Tinia*. Primæ hujus sententiæ parti favet Patera a *Dempstero* relata in *Etruriâ Regali*, in quâ vox *Tina Jovi* præfigitur. *Jovem* autem illum esse ex eo liquet, quod ex illius capite *Pallas* oriatur. Alteri parti faveret hæc nostra, quam idem affert *Dempsterus*, in quâ legitur *Tinia*; siquidem figuram, cui hoc nomen adjicitur, *Bacchum* esse constaret. Sed, ut omittam *Apulu*, & *Aplu*, *Menrea*, & *Menerea* eodem omninò sensu dici apud *Etruscos*, ut proinde non videatur propter literulæ unius adjectionem tantam inter *Tina*, & *Tinia* significationis varietatem admitti oportere; præsertim cum hæc utraque vox *Cl. Bour-*

*guetio*

(1) Dux in hac paterâ foemine sunt, quarum una ita *Venerem* refert, ut si consertis inter se cruribus non esset, nec monili careret, ab eâ, quæ in alterâ paterâ est, internosci non posset. Idem dico de alia, quæ *Palladem* imitatur; adeo simili utraque ornatu, gestuque est, ac prorsus gemino. In duabus, quæ supersunt, personis *Phæbum*, & *Pavidem* libenter agnovimus; eâ enim gravitate *Phæbus*, & *Pallas* agunt inter se, quæ Deos deceat; contrâ eâ familiaritate, seu potius licentiâ *Paris*, & *Venus*, quâ uti eos consuevisse Veterum monumenta nos docent. Hi vestitu, gestuque eo sunt, quo saltatores, de quibus alibi diximus *Erea. T. I.*

*Tabb. superioribus*; ornari autem eos ita oportuit, ut intelligi posset, rem agi in scenâ, cujus non leve indicium præterea est suggestus ille, seu *pulpitum*, cui Actores incumbunt.

(2) Non novum est, Deos, Deasque ab Histrionibus actos in fabulis. Apud *Plautum* *Amphitruonis* formam induit *Juppiter*, *Sofia* *Mercurius*. In cenâ, quæ *Dodecatheos* dicta fuit, *Augustus* *Apollinem* agit, alii alios ex hoc numero Deos. *Sueton.* In *Sophoclis* *Ajace*, *Minerva* prodit in scenam; in *Philofete* *Hercules* post mortem apparet, De *Etruscis* consule *Gorium*, in *Museo Etrusco*.

*guetio* idem sonet ac *Tonans*, ut inquam hæc missa faciam; fulgur<sup>(3)</sup> video suprà figuræ hujus caput proferpere; sceptrum prætereà ei datum, & fulmen<sup>(4)</sup>, quæ tria, præsertim conjuncta, *Jovis* propria sunt, non *Bacchi*, nisi aliter probatur aliis exemplis; quod enim ex hac paterâ sumitur, controversum est. Fateor juvenili facie Figuram hanc esse, & quæ *Bacchum* potius deceat, quàm *Jovem*; sed de *Etruscorum* moribus, non Latinorum hic agimus. In *Tab. XXII. Musei Etrusci* Signum *Jovis* est dextrâ fulmen tenens, istiusmodi tamen facie, & imberbe. Majoris ponderis est corona, quæ videtur hederacea æquè, ac hederæ folia, quæ pendent ex hujus figuræ monili, & armillâ. Verùm cum ex hoc genere *Apollinis* etiam, qui propè affidet, monile<sup>(5)</sup> sit, multòque expressiorem hederæ similitudinem habeat, quàm *Tiniæ* corona; num *Bacchus* idcirco dicendus hic etiam erit; nec potius totum id ad simplicem ornatum, & bullarum genus aliquod referendum videbitur? Hæc animadvertenda censui, non ut Clar. Virorum auctoritati contrairem, sed ut allatis iis, quæ in utramque partem disputari possent, expeditius Lectoris esset judicium, cui mihi quoque standum esse existimo. Alter, qui superiori corporis parte nudus inferiorem pallio velat, *Apollo* est<sup>(6)</sup>, ut nomen *Etruscum Apulu* indicat; alter *Mercurius* cum petaso alato, & caduceo, *Etruscè Thurran* appellatus.


(3) *Jupiter Fulguriator* cultus est ab *Etruscis* *Gorio* teste *ibid.* Scio fulmen *Baccho* tribui, non verò sceptrum, seu hastam puram, & fulgur suprà caput; *Jovis* ea propria sunt, quemadmodum & nubes, ut alibi vidimus *Tab. XIII.*, capiti circumfusa.


(4) Notanda fulminis hujus forma; non enim usitata est apud Veteres.

(5) Non foeminarum tantum, sed hominum quoque, ac Deorum monilla, & armillæ propriæ fuerunt apud *Etruscos*.

(6) *Lauro* coronatus hic est, vel quòd divinationibus præfesset, & auguriis, vel quòd *Laurum* primus invenerit, ut ait *Diodorus Siculus*, ac proinde sacra eidem creditur a Poëtis.







# TABULA XXII.



Ides *Mercurium*, & *Herculem* intento vultu, gravique colloquentes. Quid hi sibi velint; alternè <sup>(1)</sup> quidpiam Deorum jussu alteri nunciet; an tacitè nos doceant <sup>(2)</sup>, nihil effici præclarum posse sine labore, & prudentiâ; referrinè, quòd cælati ita sint, ad religionem artificis <sup>(3)</sup> debeat; an aliud spectandum non sit <sup>(4)</sup> in hac paterâ, quàm quod oculis intuemur <sup>(5)</sup>; malo ab aliis discere, quàm ipse statuere.

## II. Ex duabus figuris, quæ unâ fermocinantur, altera

(1) Plures *Mercurios* agnovit antiquitas, quorum tamen res gestas uni tribuit *Mercurio Jove*, & *Majâ* nato; *Hercules* item plures, quorum omnium labores in unum *Herculem* confert *Jove* natus, & *Alcmena*. Hunc apud *Lucianum* in *diab. Speculantes* fratrem vocat *Mercurius*. Pugnavit cum *Gigantibus Jovi* bellum inferentibus *Herculem* ait *Horat. lib. 2. Od. 14.* *Mercurii* fortasse accitit, ut auxilium veniret. Cavit eadem fortasse *Juppiter* per *Mercurium*; quo tempore ab *Junone*, & *Euristheo* in discrimen vocaretur; præfertim cum *Jovi* apud *Homer. Iliad. 5. Pallas* objiciat, toties ab eo adjutum, & servatum a periculis *Herculem*. Mitto hujus expeditionem ad *Inferos*, ut *Cerberum* abduceret duce *Mercurio*. Mitto huic ab eo clavam dono datam post exantlatos labores. Vide *Mythologos*, & *Montfauconium*, de quo *Tab. XVII.* Quàm multæ hinc opportunitates, ut hi *Dii* simul essent! Verum, quam ex his spectaverit artifex, siquidem ullam spectavit, quis unquam deprehenderit, cum ad conjecturam faciendam omnia prorsus desint indicia? Ergo aut hariolandum mihi temerè est, ut hanc pateram interpreter; aut nemo sanus a me id petet, a quo re perspectâ ipse quoque refugeret.

(2) *Palesftritarum* præfides habiti apud Veteres sunt *Mercurius*, & *Hercules*, quos proinde in ipso etiam stadio visistis honestabant, & simulacris; putabant enim sine prudentiâ parum abesse a temeritate fortitudinem.

(3) Nummus apud nos est argenteus *Limetani* ex *Gente Mamiliâ*, sed aureo circulo antiquitus inclusus non sine annulo, ut gestari e collo posset, utique in honorem *Mercurii*, cujus caput ostenditur in anticâ ejus parte. Alium servamus huic omninò similem, cum *Alexandri M.* capite, a quo aliquid sibi virtutis afflatum iri sperabant Veteres, si ejus effigie tam-

quam amuleto uterentur. Quid ni igitur fingi in hac paterâ *Mercurius* potuit, & *Hercules*, qui impensius olim coleretur, quàm *Macedo*?

(4) In Veterum monumentis æquè, ac in recentiorum operibus, pictisque tabulis non semper aliud objicitur oculis, aliud animo intelligendum proponitur. Qui in hanc, quæ Romæ est, Signorum turbam inciderit, facile dicit *Augustum* hunc esse, illum *Trajanum*. Quid præterea? Nihil, opinor; caret enim iis indicis, quæ doceant ad hanc, aut illam rem gestam id, quod videt, esse referendum. At Signum peculiari hoc gestu est, habituque corporis, peculiari hoc item oculorum conjectu: quid tum? Communia hæc sunt, & quæ non rarò ad sculpti hominis dignitatem pertineant, aut ad artificis elegantiam, ne Signi loco informe quiddam, & truncum asserre videatur. Idem usquevenit, cum plures cælati uno opere *Dii*, Deaque sunt; muta enim aliquando ibi omnia; ut solo aspectu, & Deorum effigie, aut nominibus contenti esse debeamus. Quod, si in hac etiam paterâ fortasse accidit; quid est quod ingenium miserè torqueamus, ut videamus id nosse, quod æquè nescimus?

(5) Non unâ, eademque formâ in veterum monumentis *Mercurii* petasus cernitur; testudinatus enim sæpe est, interdum elato vertice, quandoque depressus, & complanatus; rotundus non rarò, aliquando inflexus etiam galææ adjecis utrinque alis. Hujusmodi est, quem videmus in hac paterâ, nisi quod extrema pars, tam quæ vergit in cervicem, quàm quæ suprà frontem attollitur, acuminata est, ac præterea bifariam in apices divisa; quod rarò factum animadvertimus, *Herculis* caput leonini capitis pelle ita obductum, ut e ferino rictu ejus tantum facies appareat, notatu dignum videtur tamquam non ita frequens in pateris.



ra *Apollo* mihi est, quod & laurus ostendit, quâ præcingitur, & hasta, quam manu tenet. De alterâ, quæ exotico more fasciâ redimitur a transversâ tæniolâ subinde intersectâ, eam conjecturam facio, ut putem *Marsyam* <sup>(6)</sup> esse, qui ad musicum certamen *Apollinem* provocat. Indicio sunt ea duo instrumenta, quæ ad figuræ hujus latus intueor; etsi enim hæc buccinis <sup>(7)</sup> affinia magis sint, quàm tibiis <sup>(8)</sup>, quibus concertasse <sup>(9)</sup> *Marsyas* cum *Apolline* dicitur, tamen, cum e buccinarum genere tibiæ sint, ac proinde prius <sup>(10)</sup> illæ, quàm hæ innotuerint, facilè est *Etruscum* artificem, cum eas ita cælavit, originem potius tibiæ, quàm formam, quâ tum erant, spectare voluisse. Ceterum, amice Lector in re tam obscurâ;

. . . . . *Si quid novisti rectius istis*

*Candidus imperti; si non, his utere mecum.* Hor. l. i. Ep. 6.

(6) *Marsyas* nobilis Tibicen fuit, patriâ *Gelano Phrygiæ* oppido, *Oeagri* filius, ut ait *Hyginus*, aut *Hyagnidis*, ut scribit *Apulejus* l. *Florid.*, aut *Olympi*, ut vult *Apollodorus*. *Satyrum* cum vocat *Ovidius* 6. *Pastor.*; at tam diligens patriæ, patrisque commemoratio cadere non videtur in *Satyrum* posse. *Pastor* potius dicitur ab eodem *Hygino*; ex quo fortasse *Satyr*i nomen invenit apud *Ovidium*, ad fabulam, & ad poemam accommodatius.

(7) *Buccina* ita describitur ab *Ovid.* l. *Metamor.*

*Cava Buccina sumitur illi,*

*Tortilis in latum quæ turbine crescit ab imo.*


(8) *Tibias Minerva* prima invenit; sed quod in

iis inslandis genarum tumore deformaretur, propè *Idæ* fontem abjectas *Marsyas* repperit. Ita *Hyginus*.

(9) Victus ab *Apolline* discerptus est, aut, ut vulgò creditur, pelle exutus. Huic statum in liberis civitatibus positam fuisse scribit *Seneca de beneficiis*, *Servius*, aliique, ne quis ab officio declinaret. Est & *Roma* in *Curia Innocentianâ*.

(10) *Buccina* dicta est a *Buccino*, quod concha marina est. Eâ usi primum *Trirones*, deinde *Pastores*. Artefacta tandem est & in bello adhibita. Hinc tubæ, tibiæque, quibus assidue cometeando (ait *Hyginus* de *Marsya*) sonum suaviorem in dies faciebat. Vide *Bartholinium* de *Tibiis Veterum*, & *Gorium* in *Mus. Etr.*







# TABULA XXIII.



*Aturâ trahimur*, inquit Lipsius de in-  
stit. Bibliot., *ad simulacra, & effigies*  
*magnorum virorum noscendas*. Rectè id  
quidem; non enim utilitate caret,  
quod, ita cognitum ad æmulationem  
nos allicit. Miror potius tanto nos  
imaginis quoque nostræ intuendæ studio teneri. Lau-  
dandum tamen id ducem, si, non qui simus, nosse  
vellemus, sed qui esse deberemus <sup>(1)</sup>. Ac formæ qui-  
dem gratiâ consultæ primum aquæ <sup>(2)</sup> sunt: accessit  
deinde artificium, & specula <sup>(3)</sup> inventa, lævigato in  
hos usus metallo, postremò etiam vitro. Utrumque le-  
vitatis hujus instrumentum nobis proponitur in hac  
paterâ, quam, quò rudioris artificii est, & magis sim-  
plicis argumenti, eò antiquiorem puto; adstant enim  
ad

(1) Rectum speculorum usum docet Phædrus 38. *Quotidie*, inquit, *speculo vos uti volo: tu formam ne corrumpas nequitia malis; tu faciem ut istam moribus vincas bonis; sed multò copiosius Seneca Nat. quæst. 1. 17. Inventa sunt & specula, ut homo ipse se nosceret: multa ex hoc consecuta, primum sui notitia, deinde, & ad quædam consilium; formosus, ut vitaret infamiam; deformis, ut sciret redimendum esse virtutibus quicquid corpori deesset; juvenis, ut admoneretur, illud tempus esse discendi, & fortia auderet; senex, ut indecora canis deponeret, & de morte aliquid cogitaret. Idem ait & Socrates.*

(2) Quæ de Narcissò, aliisque non paucis se in fonte, aut placido mari spectantibus scripserunt Ovidius, Virgilius, & reliqui artis poetice antistites, libenter prætereo; notiora enim sunt, quàm ut hic iterum commemorentur. Tractant hunc locum Itali etiam Poetæ, quos qui legerit, Latinorum ingenium, & elegantiam non multum desideraverit.

(3) In sacris literis mentio speculorum fit, quibus jam tum mulieres uterentur. Eadem crebrò occurrunt in Etruscorum monumentis, ut videre est apud Dempsterum, & Gori. Græci verò Diis etiam ea donare consueverant, præsertim Junoni Sancia, ut ait Apulejus; ex quo genere fortasse speculum fuit, quod, ut scribit Pausanias in Arcad., in Cereis, & Erea. T. I.

*Proserpina* templo ita suffixum parieti fuerat, ut qui in illud inspiceret, simulacra tantum Dearum spectaret, se verò sub initium aut nihil, aut parum; cuius tamen rei rationem non ab intimo quodam artificio, sed ab ipso simulacrorum, & speculi posito pendam arbitror. Quod scribit Tertullianus de Sejunct. cap. 26., haud satis scio ad Græcos, an etiam ad Romanos referendum sit; ait enim, in festis Deorum viros, & mulieres specula tenere consuevisse, quæ obviis objicerent, ut ostenderent, Deorum simulacra ad speculum compta esse; nec defuisse aliqua ex iis Signis, quorum manibus speculum esset appositum. Sed quàm non expertes hujus turpitudinis Romani quoque olim fuerint; ut taceam speculum matronis a servo præferri solitum, (Propert.), idemque civilis belli sarcinam Othoni fuisse, ipsaque demum conclavia speculis e pellucido lapide, aut vitro parietes circumveſcientibus dehonestata; (Plinius), satis sit omnia complexi unius Senecæ testimonio de spec. magnitudine, & pretio lib. 1. Specula, inquit, totis partibus corporibus auro, argentoque cæcata sunt, luxuria rerum potente; & plurius unum ex his femina constitit, quàm antiquorum dos fuit illa, quæ publicè dabatur Imperatorum pauperum filiabus... Libertinorum virgunculis in unum speculum non sufficit illa dos, quam dedit Senatus pro Scipione.

ad fontis labrum Mas, & Fœmina, hæc in illimibus illis aquis formam exploratura, ille in speculum, quod attollit, inspiciens.

II. Coronidem huic operi imponimus paterâ omnium præstantissimâ, & quam *Cl. Bonarrotius* unicam credidit. *Ægyptia* <sup>(4)</sup> hæc est, & *Isidem* refert ex utrâque parte, seu potius *Loti* <sup>(5)</sup> florem ita conformatum, ut pro caule *Isidem* <sup>(6)</sup> habeat. Magna fuit apud *Ægyptios* hujus Deæ religio <sup>(7)</sup>, quam *Jovis Ægyptii* filiam, & *Osiridis* sororem, ac conjugem arbitrabantur; magna etiam apud *Romanos*, nam præter plura *Isidis* templa <sup>(8)</sup>, quæ *Romæ* fuerunt, & regionem hoc nomine, ejus sacra sæpe *Domitianus* in lintheâ, religiosâque veste palàm celebravit; alios sacrorum ritus, quos ea subinde instituerat superstitio, in Urbem *Commodus* detulit, alios *Caracalla*, qui templorum eidem numerum auxit, & cultum.

(4) Nemini mirum videbitur *Etruscorum* pateris *Ægyptiam* adjungi; modo recolat ea, quæ tradit *Cl. Marchio Massejus* de *Etruscorum origine*. His certè asinitatem veluti quamdam cum *Ægyptiis* fuisse, utriusque populi monumenta testantur, quæ habitâ artificii ratione non parum similia inter se quivis agnoverit.


(5) *Lotim* *Neptuni* filiam in *Lotum* conversam, ait *Ovid.* *Metam.* 9. Est autem *Lotus*, ut refert *Plinius lib. 3. cap. 17.* arbor in *Africâ* circa *Syries* piri instar, fructu croceo, & fabæ magnitudine, dulcedine verò tantâ, ut patrie oblivionem advenis afferat: itaque *Ulyssis* focii cum eum gustassent, vix inde abduci potuerunt. *Homer. Odyss.* 9. Est eodem nomine, subdit *Plinius*, herba, seu caulis in *Ægypto* ex palustrium genere. Hunc recentiores in duo genera partiuntur; alterum rose colore, quod idem esse putant ac colocasiam, seu *fabam Ægyptiam*, alterum flore albo, quod *nimpheam Niloticam* vocant. Verùm et si hæc aliquid commune habeat cum *Loto*, qui sacer *Isidi* fuit, diversam tamen ab eo esse scribit *Spanhemius* de pretio, & usu numism.; rectè enim putat *Loti* formam a nummis, & veterum monumentis esse repetendam, in quibus alius is est a *Nimphæâ*, & ita lilio similis, ut ab *Herodoto*, *Theophrasto*, *Dischoride*, aliisque *lilium Ægyptium* vocetur. Congruit horum testimonio præter hanc pateram, quæ lillii folia præfert, *loti* quoque caulis apud nos æreus trium ferme unciarum altitudine lillii simillimus nondum maturi, nec frondibus adhuc explicitis, in ipso tamen

vertice flore, seu fructu intumescente bacce instar brevi proditura. Jam verò *Lotus* familiare capitis ornamentum *Ægyptiis* fuit, Diis etiam, præsertim *Isidi* non sine aspide, qui eidem adhaeresceret; quamquam calathos quoque, aut modio hæc Dea usæ est.

(6) *Isis*, a quâ, ut ait *Salmasius*, lana texendæ artem *Ægyptiis* didicerunt, eadem habita ab iis est ac *Luna*; manu proinde situlam tenet ad humidam illius vim demonstrandam, quâ semina foveantur: eadem etiam ac *Cybele*, *Venus* quoque apud *Babylones*, & *Coptos*, postremo ipsa rerum *Natura*.

(7) In sacris hujus Deæ Sacerdotes tintinnabulis usos, & absynthii marini ramum præferre solitos fuisse auctor est *Lucianus*, & *Plinius* 27. 7. lidem pedibus phylirâ tectis bis in die laudes *Isidi* canebant, primâ horâ, quâ Templum referabatur, ad octavam iterum, quâ claudcbatur. Quædam nocturna quoque sacra fuerant, quæ cum mulieres peragerent, eo accedere viris non licebat.


(8) Inter præcipua *Isidis* Templa *Isicum* *Romæ* fuit inter ædem *S. Ignatii*, & Cœnobium *PP. Prædicatorum*, ubi, cum memoriâ nostrâ *Seminarium Romanum* pars ante cavædium edificaretur, refoffa fuit *Isidis* sedentis statua ex alabastrite humanâ staturâ major, & minutis hieroglyphicis insignis tota, quæ modò servatur in magnifico, elegantissimoque suburbano *Eminentissimi Cardinalis Alexandri Albani* extrâ Portam *Salarianam*, ab eodem inlaurata; carebat enim superiori corporis parte.



Area T.I.

Ign. Benedetti Sulp.





# INDEX TABULARUM


## T O M I L

TAB. I. <i>Vasis forma.</i>	Pag. 5
II. <i>Statuarum, quæ supra Vas sunt, anterior prospectus.</i>	9
III. <i>Prospectus earundem posterior.</i>	13
IV. <i>Operculi pars prima</i>	17
V. <i>Ejusdem pars altera</i> } <i>Venatio.</i>	21
VI. <i>Navis Argo in Bebryciam appulsus.</i>	25
VII. <i>Argonautæ ex eâ expositi: pars II.</i>	29
VIII. <i>Pollucis de Amyco victoria: pars III.</i>	33


## P A T E R Æ.


IX. I. <i>Diana, Pollux, Amycus.</i>	II. <i>Saltatores.</i>	37
X. I. <i>Castor, &amp; Pollux.</i>	II. <i>Ulysses, Diomedes, &amp; Palamedes.</i>	41
XI. I. <i>Andromache, &amp; Astyanax.</i>	II. <i>Pan, &amp; Syrinx.</i>	45
XII. I. <i>Humane vitæ symbolum.</i>	II. <i>Paris, &amp; Oenone.</i>	49
XIII. I. <i>Juppiter, Juno, Hercules.</i>	II. <i>Vulcanus, &amp; Minerva.</i>	53
XIV. I. <i>Minerva cum Genio.</i>	II. <i>Saltatores.</i>	57
XV. I. <i>Paris, &amp; Helena.</i>	II. <i>Ariadne, &amp; Bacchus.</i>	61
XVI. I. <i>Apollo, &amp; Mercurius.</i>	II. <i>Minerva, &amp; Musæ.</i>	65
XVII. I. <i>Judicium Paridis.</i>	II. <i>Saltatores.</i>	69
XVIII. I. <i>Ceres.</i>	II. <i>Ortus Minervæ.</i>	73
XIX. I. <i>Nemesis.</i>	II. <i>Antiopa, Amphion, Zethus.</i>	77
XX. I. <i>Agamemnon, Ulysses, Diomedes.</i>	II. <i>Venus, Minerva, Apollo, Paris.</i>	81
XXI. I. <i>Venus, Minerva, Apollo, Paris a Scenicis acti.</i>	II. <i>Juppiter, Apollo, Mercurius.</i>	85
XXII. I. <i>Hercules, &amp; Mercurius.</i>	II. <i>Apollo, &amp; Marfyas.</i>	89
XXIII. I. <i>Mas, &amp; scæmina apud fontem.</i>	II. <i>Isis.</i>	93

## F I N I S.









MUSEI  
KIRKERIANI

I N

ROMANO SOC. JESU COLLEGIO

ÆREA

NOTIS ILLUSTRATA


TOMUS II.



ROMÆ MDCCLXV.

EX TYPOGRAPHIA JOHANNIS ZEMPEL.

SUPERIORUM PERMISSU.





IMPRIMATUR,

Si videbitur Reverendissimo Patri Sacri Palatii Apostolici Magistro.

*Dominicus Jordanus Archiepiscopus Nicomediae Vicegerens.*

---

### A D P R O B A T I O.

**Q**UOD jamdiu Eruditis omnibus in votis erat, ut nempe Kirkeriani Musei copiosa naturalium, artificialium, & tum maximè antiquarum rerum supellectile refertissimi historia conscriberetur, bono literariæ Reipublicæ fato nunc tandem actum conspiciamus. Narratio in plures libros dispersita a veterum æreorum monumentorum descriptione initium sumit eruditissimis adnotationibus, quasi perpetuo Commentario locupletata. Quas quidem Lucubrationes mandante Rmo P. Thoma Augustino Ricchinio S. P. A. Magistro cum attentè perlegerim, nihilque in eis offenderim, quod Catholicæ Religioni, aut morum castitati adversetur, eas publico Literatorum commodo typis vulgandas censeo.


Dat. Idib. Februar. Anno 1763.

*Antonius Baldanus CLEMENTIS XIII. P. M. ab intimo Cubiculo,  
& Sacræ Congregationis Aquarum Secretarius.*

---

IMPRIMATUR.

Fr. Thomas Augustinus Ricchinus Ord. Præd. Sacri Palatii Apostolici Magister.



5

# LECTORI BENEVOLO.




*N*situm a naturâ hominibus est, ut, cum ipsi morti subjaceant, diutiùs quodammodò in filiis breviorẽ vitæ suæ cursum ament producere, & quacumque ratione id consequi valeant, sæculorum omnium perennitati nominis sui memoriam studeant commendare. Neque enim penitus extinctos esse dicendum est, quorum apud nos imago aliqua extat; in quam intuentes, eorum, qui anteaclis sæculis floruerunt, veluti effigiem quamdam conspiciamus aut propagatam in filios, aut Signis opere, & manu factis expressam. Hinc Simulacrorum efformationem antiquissimis temporibus assignandam esse censemus; ita ut, si quis non longè a Noemi ætate artem hujusmodi inventam autumat, opinionis istius neque falsitatem ostendere, neque veritatem demonstrare hoc loco suscipiamus. Certè fabulatores cum Promethei mentionem faciant, illumque a se e luto compositas hominum imagines, igne ab ipsis Solis rotis furato, ani-

*masse*

masse commemorent; quid, nisi Statuas, & Signa luto, & argillâ ab hominum antiquissimis primò efformari cepta esse nobis innuunt? Nam si Mythologorum commenta Ægyptiorum ingenio, qui symbolis, & ænigmatibus veritatem obvolvere maximè delectarentur, in primis tribuenda esse omnes concedimus; illos quoque aut hujusmodi artem excogitasse, aut inventam a patribus accepisse facile intelligamus necesse est, atque adeo quasi ad Mundi primordia, & ad primas post Noemi filios ætates deveniamus. Neque verò ex argillâ tantùm, & luto, quia hæc non difficilè manus artificum sequerentur, priscis illis ætatibus Signa fuisse composita apertè testantur Herodotus, Pausanias, aliique, de quibus vide, quæ in Notis Tab. I. hujus Tom. recensuimus; verùm & lignis, & ebori, & lapidibus Deorum præsertim figuras fuisse insculptas iidem Scriptores affirmant. In Achaïcis autem tradit Pausanias seriùs multò ceptum fuisse æs exerceri, & non nisi post Trojæ excidium ærea Signa conflata. Quod planè mirum omninò ut videatur oportet, si quis secum reputet, quæ de Labani sorore Rebecca legimus in Sacris Literis Genes. cap. 31. Si enim illa aurea, & argentea fratris idola abscondit subter stramenta cameli, & de super sedit; sæculis non paucis ante Trojam exustam auri, & argenti conflandi artem Mesopotamos cognovisse adeo certum nobis esse debet, ut de historiæ illius veritate nullo modo possimus nisi cum gravissimo scelere dubitare. Sin autem aurea, & argentea Signa adeò remotis temporibus habuisse Chaldeos fatendum est; quis ærea quoque apud eosdem fuisse inficiabitur? Quod si æris ductendi magisterium gentes aliquas calluisse statuimus; Pau-



*sanæ scribenti post Ulyssis ætatem æs primò fuisse conflatum, si non statim acquiescam, neminem futurum puto, qui mihi jure succenseat. Quod libentissimè concedemus, illud est; rudia in ipsâ veluti novæ artis infantiâ fuisse ea Signa, quæ primò conflata sunt, & quorum exemplum in Tom. hujus I. Tab. exhibemus. Quemadmodum enim a corporibus projectam umbram lineis circumscribentes crassum, & informe quoddam pictoriæ principium fecerunt; ita ære, quoquo modo tandem conflato, statuariam veteres sunt auspicati; quam subsecutis deinde temporibus præclari aut Etruscorum, aut Græcorum artifices ad illum perfectionis gradum deduxerunt, ut corporum habitu, membrorum compage, vestium denique, & ornamentorum apparatu multiplici & vario absolutissimè imitato æræ aut hominum, aut Deorum imagines tacitè quodammodò loqui, & quasi spiritum ducere videantur. Hujusmodi complures elegantissimè elaboratas II. hoc Æreorum Tom. complexi sumus; quibus nonnullas rudiores fortasse, & minus perfectas adjecimus, ut tum Græcorum, tum Etruscorum mores, & instituta pateant, ac gentis utriusque ars, & ingenium insipientibus innotescant.*



# TABULA I.



Onflata videntur hæc signa in ipso Æris cudendi, formandique <sup>(1)</sup> tyrocinio, quæ licet rudia sint, & agrestia <sup>(2)</sup>, tamen contemnenda non arbitror; docent enim quibus initiis ad summam id genus operum elegantiam Veterum industria pervenerit. Quare ii mihi

(1) Ut a Religione ordiamur, quæ plurimum humani artibus contulit; in fingendis enim Deorum simulacris adhibere primum sunt; patris Græcis mos fuit *Pausania teste in Achaic. Rudes lapides pro Diis colere*. Adjecta deinde lapidibus figura est, quæ non ad aliquid indicandum, sed ad eos statuendos sufficeret. *Megarum, inquit idem in Attic., lapis est in veteri gymnasio non magnæ pyramidis instar, quem Apollinem Carinum vocant: & in Achaic. Pheris propè signum Mercurii triginta ferè lapides erecti sunt quadrangula figurâ; hos singulos certis eorum nominibus appellant, & venerantur*. Mirum id quidem videri non debet; nam cum natura divina formâ careat, alienam vero eidem assignere propter artium incitiam non possent, rudi illa, obviâque lapidum imagine usi sunt, quæ Deorum saltem firmitatem referret. Primos ait *Herodotus in Euter. Homerum, & Hesiodum Diis figuram, & formam tribuisse*; at hi, cum ann. CCLXXVII. post Bellum Trojanum claruerint, ante verò id bellum *Palladium Trojæ fuerit, seu ligneum Palladis simulacrum, formam quoque hujus Deæ prius excogitatam oportuit*. Idem dico de reliquis Diis, quorum nomina apud *Trojanos, & Græcos jam tum perciperant*. Indicio est *Jovis simulacrum in Græcia item ligneum, cui, præter duos oculos consueti more positos, tertius erat in fronte; ut ostenderetur, triplici eum regno potiri*. De hoc ita *Pausanias in Corinth. Hunc illum esse Jovem Patrum tradunt, qui in Priami Laomedontis filii Regia sub dio positus erat, ad cuius Aram dicitur Priamus, capto Ilio, confugisse: obtigisse vero in divisione prædæ Sthenelo Capaneæ filio, & ab eodem hoc loco dictum*. Forma igitur jam tum *Jupiter* certæ erat, & quidem humana, quemadmodum, ut opinor, & *Pallas*; altam enim subsequitis temporibus nullam hæc prætulit. Obvium autem Ethnicis fuit, cum primum artibus uti ceperunt, hanc tanquam præstabiliorem eligere, quam Diis apponerent, & qua delectatita sunt, ut ea ex filiorum, aut patrum, qui obje-rant, vultu expressa, & dolorem lenirent suum, & opportunitatem inde caperent, ut eos tanquam Deos venerarentur. *Sup. 14.*

Quod si Deorum fermè omnium nomina, ut ait *Herodotus in Euterp., ex Ægypto transferunt in Græciam*, indidem arbitror illuc adjectas & formas; quò enim *Ærea. T. II.*

minus agrestes *Ægyptii* tum erant, quàm *Græci* propter vicinitatem *Chaldeorum*, neque tamen propter superstitionem sapientiores; eò verosimilius est multa ab eis prius inventa, quæ ad Deorum cultum pertinerent, atque adeo ad artium etiam initia; eos proinde res lineis definire, & complecti, quod *Dibutadis* filiz subobscure *Plinius* videtur tribuere *lib. 35. 12.* bruta, & homines describere, Deoque ad eorum similitudinem fingere primos cepisse. Et enim negarent Deum ullum intra annos decem mille trecentos quadraginta (*Herodot. ibidem*) qui annorum numerus commentitius est, humana figura fuisse; hanc tamen, & belluinam etiam eos Diis affinxisse, simulacris docemur, quæ ad nos pervenerunt. Ac primò quidem oblongis stiptibus, & paulatim decrefcentibus insculptum os est, imi item pedes, iidemque jugati, reliquo corpore ne adumbrato quidem; brachia deinde adjecta, sed in longum protensa, & lateribus affixa; donec ea quoque exeri, pedes abjungi & corporis reliquum formari ceptum, os vero præcipuè, in quo expoliendo elegantiam *Ægyptii* prætulcerunt non mediocrem; ut patet ex eorum monumentis aliquot, & pyramidibus. Hanc sculpendi rationem ad *Græcos* transisse nemo negaverit, qui *Pausaniam* legerit, seu forma spectetur, seu nulla fere primorum operum accuratio, sive etiam materies. Satis sit hic locus ejusdem in *Attic. Apollinis Pythii, & Decumani simulacra nihil omninò a ligneis Ægyptiorum simulacris differunt*; quamquam hac arte longè his *Græci* postea præstiterunt.

Ac primo quidem lignum apud utrumque populum sculpi ceptum esse testatur *Pausanias in Corinth. Apollinis signum è ligno vetustissimum Danaus dedicavit: fuerunt autem illis temporibus signa omnia e ligno, & in primis quæ Ægyptii fecissent: & in Arcad. Frisci homines, quantum in antiquitatis monumentis didicimus, non alia materia ad simulacra Deorum usi sunt, quàm Ebeno, Cyparisso, Cedro, Quercu, Edera Cilicia, & Loto*. Meminit tamen sæpe etiam Argille, Gypsi quoque aliquando, sed præcipuè æris; & marmoris, cum horum duritiem artifices vincere didicissent. Æs serius exerceri ceptum est, si *Pausania* credimus; ait enim: nondum *Ulyssis* tempore usitatum fuisse signa ex ære facere; primos vero Æs conflare, & cudere docuisse

hi probari non fatis possunt, qui, si quid viderint minus arte perfectum, rejiciunt id statim, & averfantur; quasi verò quod hujusmodi est, non multa sæpe contineat, quæ si minus capiunt artificum oculos, pascant tamen doctorum hominum animos, & erudiant.


se Rhacum Philai, & Theodorum Teleclii filios: in Achaia. Troja capta est anno ante U. C. CCCXXXVII. Donat. de Urbe Rom. Igitur intra hoc temporis spatium, quoniam bello Trojano Ulysses interfuit, & ignoramus quanto post interierit, opera æri formando data videretur; nisi ex Homero Author hic traderet in Lacon. Heroum arma ærea fuisse, post heroicum vero seculum ferrea. Quapropter ita Pausaniam intelligi arbitror oportere, ut non de quibusvis æreis operibus, sed de simulacris dumtaxat loquatur, nec de omnibus populis, sed de Græcis, Græciaque finitimis; aliter, & sibi repugnaret, & a sacris literis falsi manifestò argueretur.

(2) Id ipsum suadent duo hæc sigilla, quæ & si non longe ab artis hujus primordiis abesse videantur, ad Rhacum tamen, & Theodorum, atque adeo ad Græcorum instituta referri non possunt; Petasus enim, quo utriusque caput obtegitur, nec forma Græcænicus est, nec habenis, quibus unius mento subtingitur Etrusco more. Multò vero minus, si quidquid illud est, folliculi instar, quod inhaeret pectori, bullæ adhuc rudis loco sumatur. Vasculum item, quod ab utriusque manu parum exerta protenditur, unius tunica fasciis veluti quibusdam corpori adstricta, alterius rugis, seu plicis contracta, utraque ita protensa, ut imi tantum pedes appareant, artificium denique totum, si rectè spectetur, Etruscum quiddam ostendunt potius, quàm Græcum. Jam vero si ex Porphyrione grammatico, apud Bonarot. in Mus. Demost. Apud Thufcos in primo Italia, idest a primo Italæ gentis exordio, ex marmore signa processerunt: & ex Plinio: Signa quoque Thufcanica per terras dispersa, quæ

in Etruria fabricata non est dubium; mirumque mihi videtur, cum statuarum origo tam vetus in Italia sit, ligneæ potius, aut fictilia Deorum simulacra in delubris dicata usque ad devictam Asiam. Si inquam hæc ita sunt; quid opus Etrusci fuit Græcorum auxilio, ut signa conflarent, cum vetustissima supersint adhuc ex ære eorum monumenta in ædibus Capitol. Pop. Rom.? Linearis certè descriptionis scientiam, quam sanè callebant, penitus amisisse dicendi essent, si novo hoc Rhæci, aut Theodori artificio instituti tam rudia signa, quàm hæc duo sunt, tandem facere didicissent.

Quid hæc autem significant, incertum est. Lucis aliquid ad conjecturam faciendam affulget ex Luciani dialogo, ubi Mercurius queritur cum Maja de laboribus, quos ferre cogebatur: Verrere me oportet mane Canaculum, mensam sternere. . . . ambrosiam apponere; priusquam vero hic junior pocillator veniret, necet quoque ego miscebam. Igitur ante Ganymedem Jovis pocillator fuit Mercurius. Hoc ejus munus significari puto Vase illo, quod hæc sigilla manu tenent, pocillatorum Latinorum more, qui poculum, cornu tamen instar elatum ostentant. Congruit Petasus; eo enim tectus nobis vulgò Mercurius objicitur. Nec dissentit vestitus ratio, cujus indicium videmus in vasis Etrusci, & apud Aegyptios, a quibus Etrusci mutuati videntur non pauca; sed apertius id ostendit Mercurius Criophorus craterem tenens insculptus basi candelabri in ædibus Barberinis, cujus exemplum, cum hæc scripserem, typis excusum benignè mecum communicavit eruditissimus Vir Dominicus Augustus Bracci. Vide præterea Athenicum lib. 20. cap. 7., & lib. 2. cap. 2.





Greg. Gough del

Erea T. II.

Ant. Mabbell sc



# TABULA II.



Am simile Signum hoc illi est, quod in *Museo Etrusco* quinctum obtinet locum, ut, siquidem idem non est, certè geminum videatur. *Anchariam* putat esse *Cl. Gorius* <sup>(1)</sup>, quam Deam ab *Asculanis* <sup>(2)</sup> in *Piceno*, & a *Fesulanis* in *Etruriâ* cultam ait fuisse. Addunt aliqui eam in honore idcirco habitam, quod ab hostibus tueretur, & furorem <sup>(3)</sup>, quibus vellet, immitteret. Sed quæ Dea hæc fuerit, mitto quærere; supervacaneum enim id puto; cum verear, ut satis probet *Gorius*, *Anchariæ* Signum illud esse, quod protulit; ita enim opinatur ex eo; quod repertum *Fesulis* sit, ut quosdam ait sibi narrasse; & quod hæc Dea *Fesulis* coleretur. Esto: potuit tamen illuc aliunde transferri, ut minoribus hisce Signis tam sæpe usuvenit, & scriptis etiam lapidibus; proinde conjectura hæc a loco petita, si non alia multa concurrerint, quæ suspicionem hanc adimant, levis habetur,

(1) *Tab. XI. & XII.* pateras fictiles duas affert *Gorius*, quarum altera expressam lumborum tenus mulieris nudæ figuram ostendit capillis rigentibus, & alis capiti, dorsoque adjectis; altera item mulierem, sed stantem; pedibus decussatis, brevique amiculo ad corpus succinctam, & alis capiti appositis, quæ inversæ bipenni dextrâ innititur. *Furinam* *Gorius* appellat, & ex *Etruscis* characteribus, qui figuris his adjacent, etiam *Anchariam*. *Furina* quidem nota *Romanis* fuit, & *Flaminem* habuit, & sacra; non ita verò, quod sciam, *Ancharia*. Sed fuerit a *Romanis* *Furina* dicta, quæ apud *Etruscos* dicebatur *Ancharia*: quis umquam opinabitur, hæc tria *Etrusca* monumenta tam dissimilia inter se unam, eandemque Deam referre posse?

(2) Varia est Codicum lectio in *Apologetico Terulliani*, in quo *Ancharia* mentio fit, & eorum, qui eam colerent; habetur enim in iis *Asulanorum*, *Fesulanorum*, *Asculanorum*. Postremam hanc dictionem

sequuntur *Rigaultius*, *Turnebus*, alique; mediam tenet *Havercampius*; in notis tamen ejusdem *Apologetici*, quem a se illustratum edidit, legendum videtur putare *Fesulanorum*. Sed multo apertius his favet ara *Fesulis* reperta, & ita inscripta.

L. MAGILIVS PERVLLINVS VARISIVS III. VIR.  
SIGNVM ANCHARIÆ  
SVA PECVNIA RESTITVIT  
L. D. D. D.

Hanc *Lucas Holstenius* exscripsit, & ex ejus schedis illustravit *Reinesius* cl. 2. num. 23.

(3) Furere solitos *Anchariæ* numine afflatos, eosque *Ancharias* idcirco dictos, ut a *Bellona* *Bellonarios* scribit *Turnebus* advers. lib. 17. cap. 24. Hunc sequitur *Gorius*, qui tamen ut id astruant, hos tantum *Lucili* apud *Nonium* versiculos afferunt, obscuros sanè, & corruptu-

betur, aut nullius momenti. Præterea una ne *Fefulis* culta Dea est, ut hoc Signo ibi reperto *Anchariam* nobis invenisse gratulemur? Quo ore, habituque ea fuerit, ignotum omnibus est; malè igitur ratiocinabimur; si, cùm de hoc Signo ex jam notâ Deæ figurâ conjicere nos oporteret, ex eodem æquè ignoto de *Anchariæ* formâ, quam numquam vidimus, judicare voluerimus. Equidem affirmare id unum aſſim, *Etruſcum* Signum eſſe; etſi ut accenſerem etiam *Ægyptiis* <sup>(4)</sup> nonnihil me artefactorum utriuſque populi monere ſimilitudo poſſet, quæ tanta eſt, ut harum rerum ſcientiſſimus *Bonarrotius* ſuſpicatus vehementer ſit, aliquas ex *Ægypto* <sup>(5)</sup> colonias olim commeaſſe in *Etruriam*. Quorſum autem de *Goriano* Signo dixi, de noſtro tacui? Ut intelligat Lector, quodcumque judicium de alterutro tulerit, latum iri de utroque; idem enim, & unum ſunt, ut ſuperius innuimus; adeo in averſâ etiam Signi parte omnia congruunt, quæ deſcribuntur a *Gorio*.

corruptos ex *Veter. Poet. fragmentis Satyr. lib. 6. Hac inquam rudet e veſtris, etque equitabit*; nam pro equitabit legit *Salmajuſius* bellitabit, *Varro* hinnilitabit. *Concuſſans* uti *arenarius*, *clarique* *quivitans*. Pro uti *arenarius* reſtituunt *Turnebus*, & *Douſa* velut *Ancarius* ſine aſpiratione. *Quiritans*, id eſt *Quiriter* appellans. Hæc mihi non ſatis aptè cadere videntur in hominem ſurioſum, ſed in aſſictum potius, & laboribus ingementem. Itaque *Hoffmanuſ* *Ancarium* ſumit pro *Aſello*, ſive *homine onuſ ferente*, & ita interpretatur *Lucilium*. Vide plura in ejus lexico. Fuit *Romæ* Familia *Ancharia*, quemadmodum & *Aſellia*.

(4) Calcei lunati, diadema, ſeu vitta perpetuo ductu caput ambiens, & lemniceis retrò pendentibus occipiti alligata; veſtis præterea plicis quibuſdam, &

ſinibus eleganter collecta, adjectuſque, ubi hæc in angulum deſinit, flocculuſ Signum hoc *Etruſci* adjudicant; fuerunt enim hæc eorum propria, quæ imitati aliquando ſunt aliarum gentium artificeſ. Contrà veſtis corpori adſtriſta, pedes jugati, & conjuncti, manuſ ad latera protenſe, capillique poſt tergum paſſi, & ad rectam lineam execti, ut alia omittam, *Ægyptii* moris ſunt, & inſtituti, a quo multa *Etruſci* in rem ſuam derivarunt, ut patet ex hoc Signo, aliſque non paucis hujus populi monumentis. Conſulte *Gorium*.

(5) In append. ad *Etrur. Reg. Deniſſeri*. De hiſ *Ægyptiorum* coloniis agit *Johan. Marſhamuſ* leſt. 8., ubi hæc antiquiſſimis temporibus in *Græciam*, & in *Aſiam* deductaſ probat Scriptorum veterum teſtimonio.






diseg. Angeli del

Erea T II.

Ant. Zucchi, sc.



# TABULA III.



Loram hanc esse facile suspicabitur, qui mulierem videat in cubitum reclinatam, compto crine, duplicique coronâ, alterâ præ manibus, alterâ ad collum suspensâ, toto denique corporis habitu ad lætitiâ, & hilaritatem composito. Hæc optimè cadunt in Deam, quæ munditiis, & floribus præerat, & quam *Romani* voluptatum studiosissimi, quemadmodum *Ethnici* omnes, maximè venerabantur. Sed ab hac suspitione aliò nos avocat *Etrusca* ratio, & disciplina, quam sequi cogimur hoc loco<sup>(1)</sup>; nec enim *Romani* artificis elegantissimum

(1) In scitilibus sepulchrorum operculis, quæ moris *Etrusci* sunt, sæpe quiescentes tamquam in strato videas linteo obvolutos, & vultu minio pictos; sæpe etiam erectos in cubitum supra pulvinar, præsertim mulieres cultu, & ornatu spectandas non modico. Id, si quando in *Latinorum*, *Græcorumque* sepulchris factum animadvertimus, ad hunc *Etruscorum* ritum referendum censeo; neutri enim mortuos ita statuere supra sepulchrum consueverant. Ac nè *Etrusci* quidem, cum id facerent, eò spectabant, quod nonnulli fortasse putaverunt; ut eorum, qui decesserant, desiderium inani illâ oris imagine solarentur; sed aliud quidpiam longè majus sibi proposuerant, &, ut ipsi opinabantur, præclarior; improborum enim sedes quasdam esse post mortem, æquè ac piorum, sibi persuaserant, ad quas alteri quidem ad pœnam raperentur a *Furiis*, quas in hujus populi urnis agnoscere apud *Dempsterum*, & *Gorium* facile possumus, alteri a *Geniis*, *marinisque Vectribus*, ut alibi dictum a nobis est, ad vitæ jucundioris felicitatem deducerentur: vigere enim post mortem hominum animos, nec unâ cum corpore interire arbitrabantur; ac licet tradat *Pausan.* in *Messen.* *Chaldeos*, & *Indorum Magos* primos fuisse, qui animorum immortalitatem docuerint, eisque *Græcos*, & *Platonem* deinde assensos, *Etruscos* tamen, qui tanto ante quàm *Græci* floruerunt, id didicisse ab *Aegyptiis*, a quibus ducebant originem, & ad quos a *Chaldaeis*, & *Palestinis* propagari facilius hæc veritas potuit, indicio sunt scitilia hæc, de quibus loquimur, antiquissimaque monumenta, in quibus nec malorum cruciatus, nec bonorum præmia post mortem nobis innuerent, si minus rectè sensissent de hominum animis; aut expectan-

*Ærea. T. II.*

da ipsis fuisset *Platonis* ætas, ut verum docerentur. Quamquam ne *Græcis* quidem, aut *Platone* opus fuit, aut *Indorum* sapientibus, nè in hac de hominum animis disputatione dissentirent ab *Etruscis*; nam, ut tradit *Herodotus lib. 2.*, *Lucianus de Deâ Syria*, *Plutarchus de Iside*, *Ammian. lib. 22.*, hi quoque, idem ac *Etrusci* ab *Aegyptiis* acceperunt. Quæri de loco nunc potest, ubi ex *Etruscorum* sententiâ alii post obitum pœnas darent; alii laborum mercedem reciperent. Ex eorum monumentis conjicimus impios ab his in imam terram unâ cum *Diis Inferis* detruos; proborum verò domicilium in ultimo *Oceano* contra *Mauritanie* fines, nec enim alium ea ætas *Oceanum* noverat, constitutum fuisse. Has sedes *Græci*, *Latini*que *Tartarum*, & *Elysium* dixerunt. Utrumque *Homerus*, quem secutus est *Virgilius 6. Æneid.*, sub terram videtur agnoscere *Odys. 4.*, cum *Ulysses* victimarum sanguine in scrobem infuso *Manes* ab *Inferis* evocat; at *Odys. 11.* ad *Etruscorum* sententiam propius accedit; ita enim *Protheus Menelaum* alloquitur: *Sed te in Elysium Campum, & in fines terræ Immortales mittent, ubi fluvius Rhadamentus est; ubi facillima vita est hominibus; non nix, neque hyems multa; non imber, sed semper Zephyri stridulè spirantis flatus Oceanus mittit ad refrigerandos homines.* Hæc omnia congruunt insulis, de quibus *Etrusci* agunt, & quas *Veteres Fortunatas* appellaverunt. *Plinius lib. 4. cap. 22.* *Cassiterides* vocat, quorum sex sacre *Diis* erant; vulgus modò *Canarias*. Hæ igitur *Etrusci* beatorum sedes fuerunt; ubi fomno, & conviviis precipue operam darent; ut patet ex monumentis superius indicatis, maximè verò ex *Tab. 79.*, quam affert *Dempsterus*, in quâ vir decumbit in lectulo cæ-

C

natur-

num hoc opus est, sed *Etrusci*; ac proinde ex gentis illius institutis, quid ea spectaverit hoc Signo proposito, quærendum existimo.

naturus servis duobus epulas ministrantibus; ex quo colligi etiam potest, qui mos *Etruscorum* esset, cum accumberent, aut quo vestitu, cultuque uterentur. Nam de duplici coronâ, quarum altera pendebat ante pectus, ut propius illinc naribus odor afflaretur, quid dicam; cum omnes norint, quantoperè floribus, præcipuè autem rosis Veteres delectarentur? Quod verò putarent divinum aliquid animis inesse, cum corpus exuissent; aliquorum faciem minio illitam vi-

demus in his operculis; Deorum enim proprius hic color fuit, ut ait *Servius*; hinc *Jupiter Minianus*, de quo *Plinius lib. 35. cap. 7.* Postremò Signum hoc æreum, cui simile nullum hætenus vidi, non ad rem funebrem, sed ornatus tantum causâ conflatum existimo; ut esset in domesticâ suppellectili, & oculis intuentium objiceret, quò eos adspirare oporteret; dum viverent.







Fig. 17

Stat. Magna. 17

Area T. II

Stat. Magna. 17



# TABULA IV.



Enio ad *Junonem*<sup>(1)</sup>, quæ *Græcis* *H<sup>er</sup>PA*, *Etruscis* *ERIS*, credita olim fuit *Saturni* filia, ac proinde Deorum Regina. Magni huic honores ab his populis habiti, præsertim a *Græcis*<sup>(2)</sup>, apud quos nata ferebatur: plura item cognomina eidem indita, vel a loco, ubi coleretur, vel ab iis, qui templa eidem posuerant, vel a muneribus, quæ obiret, aut aliis de causis. Ne longus sim; quod nuptiis præesset, dicta *Pronuba*<sup>(3)</sup> est; idcirco in hoc Signo capita papaverum, quæ fœcunditatis symbolum fuerant, tenet utrâque manu; quamquàm hoc loco non tam nuptiarum præsidem<sup>(4)</sup> *Juno* fe,

(1) *Junonem* ab *juvando* dici, ait *Varro* 4. l. l.; *Hæc* *Platonem* in *Cratilo* idem est, ac *amabilis* ab *ἔρως*; aliis *ἀνρ* est per metathesim, seu litteræ unius transpositionem; *Junonem* enim *aerem* ipsum esse censuerunt; quare opinatur *Gorius*, *Etruscos* etiam in hac sententiâ fuisse, & suum illud *Eris* *aerem* esse. Hæc cursim attigi, quod hujusmodi ethymologiis parum utar, & minus delecter. Ceterum *Junonem* pro *aere* sumptam fuisse testatur *Orpheus* in suo Hymno: O *Juno* *aeriformis*, quæ *vegetas* *auris* *viventes*, *nimborum*, & *ventorum* *mater*. Quod ut adstruerent *Græci*, templum eidem posuerunt sine tecto, & foribus inter *Phalirum*, & *Athenas*. *Pausan.* in *Attic.* ut ostenderent *Junonem*, seu *aerem* concludi uno loco non oportere.

(2) *Junonem* in *Græciâ* ortam esse omnes fatentur; *Argivæ* tamen, ut refert *Strabo* lib. 9., an in insulâ *Samo*, ut ait *Pausan.* in *Achaic.*, controversum est. Cum ob id ipsum utrobique culta maximè fuit, tum non minus apud *Elæos*, a quibus, ut scribit *Pausan.* in *Elæac.*, instituta sacra eidem sunt, & ludi, qui dicebantur *Junonii*; nam quinçto quoque anno sexdecim currebant ordinatim mulieres, primò impuberes, deinde grandiores ætate, postremò natu maximæ, quæ ad *Olympiæ* etiam admittebantur certamina, breviori tamen stadio iis proposito. In sacris autem litabatur huic *Dex* *vaccæ* albæ; quod ait *Virgil.* 4. *Æneid.* Ipsa tenens dextra *pavem* pulcherrima *Dido* *Candentis* *vaccæ* media inter *cornua* *fundit*; eò quod *Juno*, cum fugerent e *Cœlo* *Dii* a *Titanibus*, in albam se *vaccam* mutasset *Ovid.* 5. *Metam.* Sacer præterea *Pavo* illi erat, tum quod huic majestas quæ-

dam inest, & species major, quàm volucribus reliquis; tum ut honor haberetur *Argo* *Jûs* custodi, qui cælus a *Mercurio* fuerat *Jovis* imperio, ejus oculis ab *Junone* in caudam hujus avis traductis. Ideo aditare huic *Dex* *Pavo* solet, & ejus currui adjungi; ut habet *Ovid.* in *Metam.* *habili Saturnia curru Ingressiur li-* *quidum Pavonibus atbera pictis*. Hinc etiam *Hadrianus* *Cæsar* *Pavonem* aureum, & pretiosis lapillis distinctum *Junoni* dicavit in ejus templo, quod erat in *Eubœâ*. *Pausan.* in *Corinth.*

(3) Ita *Virgilius* quoque sensit 4. *Æneid.* *Junoni ante omnes, cui vincula jugalia curæ*; & ibidem; *prima & Tellus, & Pronuba Juno dant signum*. Quare ante nuptias ei sacrum fieri mos erat, atque adeo eandem appellare etiam *Venerem*; cum pro nuptiis filiorum parentes vota susciperent. Cujusmodi fuerit *Junonis Pronuba* Signum, & cultus; legitur apud *Libanium* *Rhetorem*; quam descriptionem latine vertit, & edidit *Frider. Morellius*.

(4) Pro locorum, & cognominum varietate dispar quoque fuit, & varius *Junonis* ornatus; ut patet ex Signis, quæ supersunt. *Fœmineis* autem munditiis ea magis excoli consueverat, præcipuè verò diademate, cum tamquam Deorum Regina proponeretur ab artificibus; quod factum animadvertimus in hoc Signo. *Mitellæ* quidem, quibus *Dearum*, *Augustarumque* mulierum ornari capita solent, in apicem desinunt, depressæ tamen, & parùm extantes: contra quæ est in hoc Signo, multò elatior est, quemadmodum & alia in eâ *Junonis* icone, quâ cæleri *Agrippinam* coniecimus. Utraque triangulum efficit, altera scutulis in-

fe, quàm Deorum Reginam mihi videtur ostendere;  
id autem intelligi potest ex amplo illo diademate <sup>(5)</sup>,  
quod ab *Etrusco* artifice impositum ejus capiti est.

singulos angulos adjectis, altera orbiculis glandium instar. Aliquid simile habet *Ceres* cum mitrà apud *Gorium Tab. 49.*, & *Juno* item *Regina* apud eundem *Tab. 24.*; nihilominus illud verè affirmaverim, diademata, seu mitellas hujus generis vidisse alibi meumquam.

(5) Confer quæso Lector hoc Signum cum altero, cujus mentionem inferius faciemus *Tab. V.* Præter

Mitram, quæ *Græcanici* moris, aut *Latini* non est, habes tunicæ interioris partem globulis ad cubitos adfrictam; habes plicas minores, & undarum in morem sibi succedentium fluentes; vestium oras tenui-lâ quadam prætextas; calceos demum lunatos habenis supernè trajectis adfutos. Hæc, quæ ex *Etrusco* ritu sunt, in altero non reperies; quare facilè conjicies, *Etruscum* hoc Signum esse, aliud non item.






*Fig. 25. del*

*Fig. 25.*

*Ant. Kaball. 11.*



# TABULA V.




Liquam ex Augustis mulieribus latere sub hoc *Junonis* Signo <sup>(1)</sup> adducor ut putem, cum ex ipso vultu, & comarum cultu, tum ex oculorum conjectu, & corporis gestu. Si dicendum, quod sentiam, liberè est, de quo tamen non pugno, *Agrippinam Tib. Claudii* conjugem <sup>(2)</sup> in hac mentitâ *Junonis* personâ mihi videor agnoscere; congruunt enim cum hoc Signo oris lineamenta, quibus in nummo *Tib. Claudii* aureo apud nos Augustæ hujus facies describitur; nec ab ejusdem moribus reliqua duo dissentiunt indicia; nam dignitatem retinere, aut studere gravitati non potuit mulier inquinatissima, & honorum maximè appetens; itaque mirari nemo debet, si viro imperante ea sibi tribui passa est divinitatis insignia, quæ *Liviæ Augustæ* non ita pridem delata noverat; ut tamquam *Juno* coleretur.

(1) Mulierum Augustarum statuas ad Dæx alicujus similitudinem non rarò fingi solitas fuisse, testantur prima Imperii tempora; videtur tamen id fieri brevi desitum, quòd, & has vanitatis, ut opinor, puderet, & populum assentionis tam putide. *Junonis* autem hoc Signum ut putem, vestis facit sanè magnifica, velatum caput, & insolens diadematis forma, de quâ dicemus alibi, quæ omnia in aliam Deam cadere non facile possunt, nec *Agrippinæ*, aut ullius alterius *Augustæ* esse propria; si seipsas dumtaxat spectandas omisâ divinitatis simulatione præbere voluissent.

In hoc eodem Signo, ubi superioris vestis sinus in angulum hæcitur, flocculus pendet, quem eo loco apponere ornatus gratiâ *Etruscorum* mos fuit; at non illud idcirco, etsi præterea sciam allatum ad me ex *Etruriâ* fuisse, *Etruscis* ascripserim; nec enim interdictum hoc more exteris artificibus fuit; & elegantiores in eo vestium plexus, omniaque ad majorem quemdam ornatum, & majestatem composita mihi videor deprehendere, quàm in *Etruscorum* monu-

mentis hæcenus animadverterim. Præterea ita Signa perficere, ut manus, & cubiti diverso metallo, aut marmore elaborati iisdem intererentur, ut patet in hoc Signo, usitatum *Græcis* fuit; refert enim *Pausanias* in *Corinth.* Signo *Minervæ Frænatricis*, in *Achaic.* *Veneris*, & *Mercurii*, in *Arcad.* *Veneris*, os, manus, & imos pedes e marmore fuisse. Id factum ab *Etruscis* non comperi; quare arbitror, *Etruscis*, *Græcis*que artibus *Latios* jam cognitis, quòd ab utriusque quidquid optimum putarent, artifices eligerent, ea artefacta extitisse, quæ magis excellerent, & utriusque populo viderentur communia.

(2) *Germanici* viri optimi, cujus nummus argenteus eximie pulchritudinis apud nos est, a *Cajo Augusto* ejus *Filio* percussus, filia item *Agrippina* fuit. Hæc ex *Cn. Domitio Enobarbo Neronem* genuit; nupsit deinde *Tib. Claudio Aug.*; interfecta demum *Neronis Aug.* filii jussu, cujus, cum audiret ab eo sibi mortem illatum iri, si imperium cepisset, ea vox perhibetur; *Occidat, dum imperet.*








Ant. Can. del.

Frea T. II.

Ant. Can. del.



# TABULA VI.



Ccurrit hoc loco Semifer <sup>(1)</sup>, pelle, ut opinor, caprinâ suprâ pectus in-nexâ, rejectâque post humeros. Pe-des quidem, & reliquum corpus hu-manâ figurâ sunt; cauda verò, & au-res hircinæ. Non novum est, hæc naturæ ludibria, quæ commenti Veteres fuerunt, in eorum monumentis agnoscere: illud potius insolens, quod videmus in hoc Signo, aliquem ex his reperiri truncâ onustum arbore <sup>(2)</sup>, quæ dexteræ, & humero innixa capiti ferentis advolvitur. Quòd si decisis hæc non esset ramis, & frondibus, amplior daretur locus ex ipso arboris genere de re totâ judicandi. Sed quo-niam

(1) Semiferi habebantur antiquitus *Satyræ*, *Fauni*, & *Pan*. Quæ fuerit horum origo, incertum est; vide-tur tamen ab aspectu montanorum hominum, & syl-vestrium, quod sparsis incederent horridi ctinibus, trucique vultu, pellitque vulgò essent, hoc monstro-rum genus inducunt; cum rudis ea ætas infitum cre-deret, & eorum naturæ proprium, quod extrinsecus appareret. Meminit de insulâ quadam in extremis Oceani finibus *Pausanias in Attic.*, quam ab agrestibus indigenis, caudatissime *Satyræ* nominabant. Altera, de quâ *Pomponius Mela* scribit, & *Arrianus*, ultrâ *Mau-ritaniæ* fuit, quæ teste *Hannone Chertaginensium* du-ce, qui illuc appulerat, incolis carere videbatur in-terdum; collucebat tamen ignibus noctu, & incredi-bili cymbalorum, tympanorumque strepitu personaba-t. Ab hujusmodi portentis, quæ sua cuique credu-litas finxerat, cum sibi malè timerent, & pecori, vota iis, & sacra facere tamquam Diis ceperunt, præsertim *Satyræ*, quos pomorum, & uvæ primitiis placabant. Hos semicapros semper, cornutâque fron-te designare consueverant, reliquos verò non ita; etsi enim eodem ferè modo *Pana* quoque veteres finge-rent, tamen quòd non hujusmodi esse crederent, sed Diis aliis similem, *Herod. in Euter.*; non ita eum semper dehonestandum censuerunt. Idem dico de *Fau-nis*, quibus capra fiebat; quos licet *Ovidius Corni-pe-des* appellet 2. *Fag.*, & in *Oenone Cornigeros*, tamen humanis plerumque pedibus effictos videmus, & sine cornibus. Quæri hoc loco posset de *Sileno*, & *Sylva-no*, quorum si prior ad *Satyræ* genus refert, *Silenos*

enim quidam volunt alios non esse, quàm *Satyræ* na-tu grandiores, alter verò, ut aliqui sentiunt, ad *Fau-nos*; semiferis adscribi eos quoque oporteret; grati-ficari tamen utrique video veterum monumenta, quod humanâ potius formâ hos nobis describant, aliquâ dumtaxat notâ iisdem ut plurimum relicta, ut appa-reat, agrestes eos Deos esse.

(2) Ex *Dendrophoris*, quorum erant etiam colle-gia, alii ligna parabant, comportabantque negotia-tionis causâ vel in rem militarem, vel ad ædificia, extruenda. *Salmas. in Spartian.* Alii religionis gra-tiâ ferebant humeris arbores, quod propriè ea Græ-ca vox sonat, in honorem *Bacchi*, *Sylvani*, aut *Ma-tris Deorum*. *Artemid. lib. 4. cap. 42.* Pinum fuisse scri-bit *Vossius*, quam in *Dendrophoriis*, seu *Cibeles* sacris in ejus templo deinde statuebant; more non absimi-li, licet diverso consilio, quo etiam nunc rustici Ma-jo ineunte arborem, quam *Majum* vocant, letantes ferunt, & in pagi foro constituunt; tamquam red-ditam agris amoenitatem, & sibi fructuum spem gra-tulentur. Ad hos referendam hoc Signum arbitror potius, quàm ad eorum aliquem, de quibus *Pausa-nias* meminit in *Boeotic.* Ait enim antrum fuisse apud *Magnetæ Apollini* sacrum, a quo, qui illuc ingredie-bantur, mirum sibi robur afflari sentirent ita, ut præ-cellâs etiam arbores ab radicibus evulsas ferrent nul-lo negotio per angustissimos tramites. Loquitur ibi *Pausanias* de hominibus, & quidem *Apollini* dicatis; nos de *Semifero* agimus; quid autem huic cum *Apol-line* commune esse possit?

niam in rebus dubiis, *est quodam prodire tenus, si non datur ultrà*, ut ait *Horat. l. epist. 1.*; novum verò quod est, & insolens, magis nos allicit, ut de eo aliquid audire velimus, & quærere; si roger; quidnam id monstri esse putem; non penitus aberraturum a vero me suspicor; si conjecero *Sylvanum* <sup>(3)</sup> hunc esse.

(3) *Sylvanus* apud *Gruterum* *Dendrophorus* vocatur in hac epigraphe: *Sylvano Dendrophoro Sacrum. M. Publicius Hilarus Margaritarius Quinquennalis Perpetuus cum Liberis Magnis, & Hermoniano Dendrophorus Magna Deum Matrì De suo fecit*. Cum itaque appellatus ita sit, quòd expressum gestaret, aut pinum. *Virgil. 1. Georgic. Signum marmoreum apud*

*nos*; & a *Dendrophoris* cultus, quòd sylvarum præses esset, & custos; quid est, cur in hoc Signo aliud potius, quàm *Sylvanum* ostendi nobis putemus? Aut quid mirum videri debet, si eà notâ insignitum aspicimus, quâ ornati clientes illum sui venerabantur; cum præsertim percipi ex hoc possit, quo potissimum nomine eundem artifex colendum proponeret?






Greg. Gajgn. del.

Arete II

Nucel. Mosalli. sc.



# TABULA VII.



*Olem quis dicere falsum audeat? Georg. 4.*  
Ordior enim libenter ab hoc *Maronis* epiphonemate, non ut hanc laudem *Soli* asseram, quæ tamen in eum non cadit; nam inanimis cum sit, & agat ex naturæ legibus, nec verax esse potest, nec falsum effari; sed ut mirer potius, quoniam fatidicus ab *Ethnicis* habitus fuit; cur, ut *Cæsare* interfecto fraudes olim luce depositâ monuit, & operta tumescere bella; ita non caput etiam ferrugine tinxerit; cùm de se tam ridicula Vates fabulatu-  
ros prævideret. At lucis suæ copiâ nebulas saltem non sibi incretas, sed ab his offusas dispulisset <sup>(1)</sup>! quæ quidem in ipsos auctores meritò reciderunt;

(1) Unum esse *Solem* compertum omnibus est; ideirco, si qua nubes aliquando *Solis* formam induerit radiis ejus infesta, mirantur portentum imperiti, sibi-  
que ab eo malè timent. At si Veteres audiamus, non duos *Soles*, sed plures habemus, quos ita *Cicero* recenset 3. de Nat. Deor. Unus eorum, qui *Soles dicti sunt*, e *Jove* natus nepos *Ætheris* fuisse dicitur; alter *Hyperione*; tertius *Vulcano Nili filio*, cujus urbem *Ægyptii* volunt esse eam, quæ *Heliopolis* appellatur; quartus is, quem heroiis temporibus *Achanta Rhodi* peperisse dicitur, avum *Jafsi*, *Camiri*, & *Lindi*; quintus, qui *Colchis Ætæam*, & *Circen* fertur procreasse. Primi, *Herodoto* teste in *Euter*, Diis liberos tribuerunt *Homerus*, & *Hesiodus*, a quibus cùm de Diis cogitare humano more *Græci* didicissent, ea subsequuta cura est, ut singulorum, qui Diis haberentur genitores inquirerent, seu potius comminiscerentur. Quòd vero alii alia sentirent, nec sibi constarent, ut sit in fabulis; eò deducta res est, ut unus, & idem Deus, cujus varii genitores perhibebantur, distraheretur in plures. Id & *Soli* accidit ex allatis *Tullii* verbis. Ad hanc Deos augendi facilitatem alia accessit non minor; quòd ex hujus rerum universitatis operibus, quæ sibi utilis esse noverant, aut etiam noxia, de quibus modò non loquor, ea non gravatè referrent in Deos; quare *Solem*, ex quo tam manifesta in hominum genus commoda derivarentur, alterum ab *Jove* rerum

*Æreæ. T. II.*

omnium parentem opinati sunt; ita enim sibi persuaserant, reliquorum Deorum vim, & potentiam in unius *Solis* naturâ contineri. Satis id esse potuit; ut a rerum aliarum cultu abstinerent; sed hominum dementia, & mali *Dæmonis* fraude, quò latè *Polytheismus* augeretur, factum existimo; ut rebus tamen singulis, unde aliquis fructus caperetur, divinos honores tribuerent; perinde ac si aut *Sol* ipse, aut reliqua item creata non ab uno Deo rerum omnium opifice, sed a se ipsis haberent, ut prodesset mortalibus possent. Quam itaque utilitatem fabulæ afferunt, ut quidam volunt; quasi verò oboriri ex tenebris sapientie lux posset, aut ex insanientium deliriis veritas eliceretur? Neque si mihi satis probantur, qui in hujusmodi nugis explicandis toti sunt, easque aut ad mores, aut ad res physicas referunt: nimium hi fabulis tribuunt, sibi fortasse parum; qui sepe ea proferunt, quæ nunquam Veteres cogitaverunt; aut dum quædam interpretantur, ut possunt, quædam omittunt difficultate victi, ineptiunt & ipsi non raro.

Sed ut redeam, unde abii; aliquid tandem fabulatores viderunt acutius, cum *Solem*, spectatâ lucis magnitudine, & inter stellas principatu, Dei imaginem quamdam, & simulacrum putaverunt. Utinam autem id de uno, veroque Deo intellexissent! Sed hæc ab *Ethnicis* expectanda sapientia non fuit, quæ licet tot indicii agnoscendam se illis præberet, si adspirare

runt; ut enim iterem, quod alibi attigi; dum vigilantes illi somniant, & quod verum est, aut aliquam habet veri similitudinem, negligunt, modò fabulas persequantur; ingenii vim omnem, & quæ rationis lux ipsis affulserat, tenebris obruerunt. Id intelligi ex notis poterit, quas subijcio.

re ad eam voluissent, cæci tamen esse, & qui supremo rerum auctori honos debebatur, rebus deferre maluerunt. *Soli* igitur Signa, & Templâ erecta: nummi etiam illius imagine *Romæ* signati; pulchrum enim *Cæsares* arbitrabantur, *Soli* videri se similes: Hostiæ quoque eidem cæxæ, equus apud *Persas*, ut ait *Ovid.* in *Fast.*; aper apud *Græcos* *Homero* teste 7. *Iliad.* Quin *Lybiæ* populi, ut tradit *Herodotus* in *Melpom.*, *Soli* tantum, & *Lunæ* immolare consueverant. Urbes decem, & insulæ ejus nomini dicatæ, *Rhodus* præcipuè, de quâ *Solinus* nullum scribit esse diem, quo *Sol* ibi non appareat. Meminit etiam hic auctor, & *Plinius* alterius insulæ *Soli* sacre in mari *Indico* inter promontorium *Calaicum*, & *Taprobanam*, quæ semper rubet; si qua verò illuc advehantur animalia, ea statim aër exanimat. Est & locus in *Æthiopiâ*, qui *Solis mensa* dicitur, ut refert *Pomponius*, epulis, quæ divinitus, ut ajunt, renascuntur, semper refectus, & patens vesci volentibus. Ad hunc rei famâ commotus, cum *Alexandriam* venisset, profectus *Alexander Severus* est; ut tradit *Spartianus*. Ab hoc com-

mento progredior ad aliud, scilicet ad currum, quo creditus vehi *Sol* est. Ejus equi duo sunt *Homero* 4. *Odys.*, *Lamper*, & *Phaton*; quatuor *Euripidi* in *Phænissis*, & *Ovidio* 2. *Metam.*, qui ita eos appellat. *Pyrois*, *Eous*, & *Æthen Solis equi*, quartusque *Phlegon*. Hos, & currum die occidente mergi *Occano* putaverunt: *Virgil.* 3. *Georg. de Sole.* Nec cum introitus equis altum petis aethera; nec cum præcipitem *Oceani* rubro lavit aequore currum; Nondum enim *Antipodes* innoverant; itaque oculorum specie decepti *Oceanum*, Cælo terminari arbitrati sunt. Quoniam verò reverendum *Soli* erat in Orientem; ut lucem terris inferret; parvo navigio, quod poculum a forma nominaverunt, illuc ajunt remeasse per noctem *Stesichorus*, & *Antimachus*; alii toro exceptum aureo, quem *Vulcanus* perfecerat, eò navigasse dormientem. Sed quem *Horæ* currum *Soli* jam reduci, & experrecto paraverunt; si is, quo venerat in Occidentem, unâ cum equis item dormientibus relatus in Orientem non est? Hæc ejusmodi sunt; ut rideri facilius possint, quam explicari.






Georg Meissner del.

Veritas II

Jean O'Hara sculp.



# T A B U L A V I I I .



**I**N *Exquiliis* prope *Titi Caesaris* thermas repertum hoc Signum fuit singulari artificii elegantia, quod Vir *Cl. Gregorius Alexander March. Capponi Forerius Pontificius Major* huic Museo benignè legavit unà cum reliquis antiquitatis monumentis, quæ diuturno studio sibi comparaverat. Matronalis habitus, & plena dignitatis species *Junonem* <sup>(1)</sup> refert, seu potius, quemadmodum mecum sentiunt, qui Signum inspexere, *Liviam Drusillam Augustam*, quam veteres artifices, ut ab eâ gratiam inirent, *Junonis* amictu, & formâ describere consueverant. Nupsit hæc prius *Tiberio Neroni* <sup>(2)</sup>, deinde ejus concessu, & adhuc prægnans *Octaviano Aug.*, quem ita sibi devinxit mulier callida <sup>(3)</sup>, miræque prudentiæ; ut & conjunctissimè cum eo semper vixerit, & supremis tabulis hæres unà cum *Tiberio* relicta ab eodem fuerit <sup>(4)</sup>, & in Familiam

(1) Cultu pari, & capite ita velato ornatas videmus præter *Junonem*, etiam *Vestam*. *Montfaucon, Tom. I. Antiq.*, *Pietatem* in nummo apud *Bellinum*, *Pudicitiam* in nummo aureo *Herennia Etruscilla* apud nos. Transiit hic idem cultus ad mulieres *Augustas*, quæ consecratae jam fuerant; ut patet ex nummis *Faustinae*, *Paulinae*, & *Mariniane*. Verecundior tamen assentatio *Romæ* fuit imperio nondum satis confirmato; in tribus enim æreis nummis mediæ formæ, in quibus legitur *Pietas*, *Salus*, *Justitia*, latet potius *Livia*, quam liquidò appareat; licet hos nummos *Antiquarii* ad eam pertinere arbitrentur. Donata statuis deinde est post *Drusi* filii mortem, quæ solatio ipsi essent in eo luctu; itaque liberius ex eo tempore puto & suâ, & *Junonis* imagine sculpi, excudique consuevisse; ut tamquam *Deorum Regina* coli videretur. Certè *Ovidius*, quem exilii calamitas ad assentationem erudierat, *Liviam* designat solo *Janonis* nomine: Cum tibi contigerit vultum *Junonis* adire: & *Prudentius*, *Adjecere scelus, fieret quo Livia Juno*. In

nummo Græco *Gazæ Medicæ* legitur *Ἡρα Λιβία* *Juno Livia*. Meminit hujus nummi, vel alterius similissimi *Vaillantius*. Vide *Suet. Patin. Spanhem.*

(2) Ex hoc genuit *Livia Tiberium*, qui *Augusto* successit, & *Drusum*, quem *Majorem* dixerunt. Hic tertio mense, postquam mater *Augusto* nupserat, natus est; obiit autem in *Germaniâ*, quam magnâ ex parte domuerat, equo collapsus, & fracto inde crure, ann. æt. 30.

(3) Quod & dissimularet egregiè, quæ ipsa vellet, & quæ *Augusto* placerent, studiosè quæreretur, eorumque satageret; hinc numquam apud eundem offendit, qui ejus præterea monitis obsequi, ipsamque in consilium de rebus etiam publicis adhibere solitus erat. Ambitione tamen non caruit mulier suorum amantior, quàm juris; sustulit enim oculis fraudibus *C. & L. Caesares Augusti* nepotes; quod hos filiis suis prelatos videret. *Patin.*

(4) De testamento *Augusti* ita *Suetonius*: *Hæredes instituit primos Tiberium ex parte dimidiâ, & Sextan-*  
te,

liam *Juliam* adscripta ; quapropter *Julia* quoque vocari deinde cepit , & *Augusta* . Post obitum vero *Augusti* a *Tiberio* filio neglecta , & ab omni Imperii administratione submota , cum decessisset annos nata sex , & octoginta , a *Claudio* Principe relata inter Deas est.

te , *Liviam* ex parte tertiâ , quos & ferre nomen suum iussit . Post hanc adoptionem additum *Livio* cognomen *Augusta* est , quo nec a *Latinis* honestata prius fuerat , nec a *Græcis* ; in nummo enim *Augusti* apud *Morelium* *Θεα* dumtaxat ante adoptionem vocatur , idest *Dea* , vel *Juno* non verò *Σεβαστή* ; addo etiam , frequentius post id tempus *Juliam* in nummis appellari consuevisse , quàm *Liviam* . Præterea post *Augusti* apothecum ejusdem filiam quoque dictam fuisse discimus ex *Vellejo* , & ex nummo ita inscripto : *Divæ Juliae*

*Aug. Filia* ; & , *Divus Augustus Pater* ; nec enim de *Julia Augusta* , & *Scribonia* filiâ intelligi id potest , nam inquinatissima mulier hæc fuit , & inter Deos numquam relata . Tandem etiam mandari antea Sacerdotia mulieribus non solerent , *Divi Augusti* Sacerdos renuntiata a Senatu ea est . *Julia* igitur *Augustæ* delatus hic honor primum fuit ; deinde *Antoniae C. Caesaris* Avia , post quarum exemplum Conjuges , Liberi , Propinqui hujusmodi Sacerdotiis initiati subsecutis temporibus fuerunt , *Spanhem* .






Grav. sculp. del

*Area T II*

Fran. Barbassa.



# TABULA IX.



Dearum agrestium<sup>(1)</sup> numero *Pomonam* esse omnes fatentur; prodit tamen hæc ita culta in hoc Signo, ut, si talem se ostendisset; cum *Helena* viveret; quemadmodum *Vertumnus* eidem assentando ait apud *Ovid.* 14. *Metam.:*

*Helene non pluribus esset Sollicitata procis.* Idem hic ornatus fecit; ut primùm subdubitarem; utrum superioris ordinis Deam aliquam potius agnoscerem sub hac formâ, quàm hanc hortensem, & penè subrusticam. Verùm etsi lapilli, baccæque, quibus capitis vitta, pectusque distinguitur, comæ quoque tam comptæ,

(1) Ubi olera proveniunt; horti modò appellantur: olim loca erant ad omnem amœnitatem composita, & arboribus etiam pomiferis confita, in quæ *Romani* divertere animi gratiâ consueverant. Hanc agriculturæ partem qui ab *Jano Etruscorum* Rege inventam asserunt, ii mihi nugari propemodum videntur; nullus enim populus tam habes fuit, quem ad victum, quoquo modo posset, sibi parandum non instituerit *Magister artis*, ingenique largitor venter. *Persius in poem.* Cum igitur in promptu *Italii* fuerint arbores ad frugem idoneæ, ex quibus fructum caperent non poenitendum; quid *Jano* præceptore opus fuit, ut eas colerent; nec sua quemque potius in hanc curam aut illexit voluptas, aut adegit inopia? Ceterùm *Etruscos* in re agrariâ industrios fuisse, & in hortorum apparatu diligentes facillè mihi persuaserim; delicatuli enim sunt habitus, & voluptatibus dediti; nec fortasse diffiterer finitimis eos præstitisse in pomariis conferendis; si evinci illud posset, quod, qui *Jano* favent, eadem operâ prædicant, pervetustam in *Etruriâ Pomona* religionem fuisse, & inde ad *Latinos*, & *Romanos* traductam; sed ex omnibus monumentis, quæ ad hunc populum pertinent, duo, ut id adstruant, asserri Signa video, alterum a *Dempstero Tab. 41.*, a *Gorio* alterum *Tab. 3.*, quod utrumque, quia pomum manu tenet, *Pomona* adjudicant. Verùm quid si potius *Veneris* hæc Signa sunt? Hujus certè indicium, & peculiaris nota pomum fuit; *Pomona* verò quemadmodum ab Antiquis describeretur, planè nos latet. Itaque *Bonarotius*, etsi nihil certi statuat, suspicatur tamen, nec abs re, *Dempsterianum* illud Signum *Veneris* esse. Alterum, quod profertur a *Gorio*, myrtæ

*Ævea, T. II.*

coronâ præcinctum est; quis autem nescit, myrtum *Veneri* sacram fuisse? Accedit igitur alia hæc ratio; cur hoc quoque *Pomona* detrahendum videatur; præsertim cum hoc Signum, seu vestitus spectetur, seu matronalis dignitas, nihil habeat, quod aptè, rectèque *Veneri* convenire non possit. Quare, quæ de *Pomona* cultu apud *Etruscos* dicuntur, etsi nolim inficiari; vellem tamen firmiter momentis, & Veterum auctoritate suffulta; quæ duo desiderari nihilominus video. Pauci sunt ex omni antiquitate, qui de *Pomona* scripserunt, & hi quidem non nisi modicè, & obiter; quod ipsum indicio mihi est, non admodum veterem hujus Dæe famam, & religionem fuisse. De eâ ita *Ovid.* 14. *Metam.* Jamque *Palatina summam Proca* gentis habebat. Rege sub hoc *Pomona* fuit, quâ nulla *Latinas* Inter *Hamadryadas* coluit solertiùs hortos; Nec fuit arborei studiosior altera sætus; Unde tenet nomen. Ex hoc loco ad *Latinum* populum hanc Deam pertinuisse potius, quàm ad *Etruscum* intelligimus; eam autem fuisse non multo ante *Romam* conditam tempore; avus enim *Romuli Proca* fuit ex eodem *Ovid.* in *Fast.*, & *Dionysio*. Hæc hortis præfuisse dicitur, & arboribus, quæ essent quoquo modo pomifera; quare apud *Romanos*, qui utriusque plurimum delectarentur, magno in honore fuit, aucta luco, & *Æde* ad X. ab Urbe lapidem viâ *Osienfi* in agro *Salonio*, qui locus *Pomonal* dictus est auctore *Pesto*, & *Flamine*; a quo ejus sacra curarentur, & qui *Flaminum* quindécim aliorum postremus loco fuit, & tempore, cognomento *Pomonalis*. De *Vertumno*, cui hæc demum nupsit, dicere non est hujus loci. Vide *Ovid.* 14. *Metam.*, & *Propertium* el. 2. l. 4.

ptæ, cirrique e capite in humeros scitè promissi cum *Junonis*, aut *Veneris* ipsius dignitate consentiant; tamen longè remota ab his sunt, & abhorrent frondentium pomorum varietas, & copia, quibus Icon succingitur, & quæ me proinde, ut de humilioris notæ Deâ cogitarem, planè monuerunt. Quorsum igitur ornatus<sup>(2)</sup> tam elegans? Ut ostenderent prisca illi superstitionis cultores; quanto in honore habendas putarent, quas tamquam Deas venerarentur: ne verò discriminari ob id ipsum, & internosci non facilè possent, sedulò curaverunt; ut aliquid earum simulacris apponerent, quod unicuique peculiare esset, & proprium. Utrumque servatum videmus in hoc Signo.

(2) Deas apud *Etruscos* monilibus, armillis, inauribus, omnique elegantiarum hujusmodi genere cultas videmus; hæc enim arbitrabantur Deorum, Deorumque propria esse vel formæ additamenta, vel divinitatis insignia; idcirco mulierum, præsertim honestiorum, imagines modico plerumque, aut nullo etiam ornatu comabant. Idem *Romanorum* mos fuit; nisi quod parcius hi videntur lapillis, & baccis uti. *Bo-narot. in append. ad Dempster.*

(3) *Mulier formosa* supernè, ut *Horatii* verbis utar, definit in *Terminum*, veste ad lumbos collectâ, & utrimque undarum instar eleganter desfluente. Rudes primò lapides *Termini* fuere; deinde capita Deorum insculpta, eorum præcipuè, qui fines, & agri fruges tuerentur; postremò Philosophorum etiam; sed hæc postrema ornatus tantum gratia. Magna apud Antiquos *Terminorum* religio fuit, quos præter sacra, quæ fiebant *Terminalibus*, floribus sertis ornare, & frugum primitiis placare solebant, præsertim si quod esset in villâ Numinis Signum, cujus in tutelâ ea foret. De *Terminis* ita *Tibullus* *El. 1. l. 1.* *Nam veneror; seu super habet desertus in agris, seu vetus in rivo florea ferta lapis.* De Custode, & Patrono *Propertius* *El. 2.*

*l. 4.*, ubi de se ita loquitur *Vertumnus*. *Prima mihi variat Inventibus vœa vacem; Et coma lætenti spicæ fruge tumet. Insitor hic subviti pomosâ vota coronâ; Cum prius invitis stipite mala tulit.* Denique de floribus etiam campestribus hæc addit. *Nec flos ullus hiat campis; quin ille decenter Impositus fronti langueat ante mea.* Ajunt enim *Vertumnus*, ut aliquid de eo tamen dicam, genere *Etruscum*, cum *Vulfinii* obsiderentur, a *Romanis* evocatum, quæ duo ipse de se fatetur apud *Propertium*, præcepta tradidisse de vineis, & pomiferis arboribus ferendis. Hoc postremum refert, nullo tamen Veterum allato testimonio, *Antonius Fanensis Ovidii* Scholiastes in *lib. 14. Metam.* Mihi verosimilius est, quod hic in omnes figuras se verteret, pro anno ipso habitum, cujus tempora perpetuò varia, & sibi succedentia rerum copiam afferunt, & idcirco etiam ab agricolis cultum. Sed quidquid sit de hoc; mirum non est; si *Pomona*, quæ ruri præerat, in *Termini* figuram abeat aliquando, quasi munerum suorum perennitatem adpromitteret; & ubi posterior forma superiori conjungitur, ipsa quoque uvâ coronetur, pomis, & floribus.






*Grave Giusti del*

*Area T II.*

*Luca Ottaviani sc.*



# TABULA X.



Nam ex Diis omnibus *Palladem* proximum *Jovi* locum tenere Poetæ tradiderunt; quòd natam arbitrarentur e *Jovis* capite, eandemque divinam illam esse mentis vim, & sapientiam, quæ cum hominibus communicata tamquam donum, ut ait *Plato*, omnium præclarissimum, similes ipsos supremo Numini efficeret, eaque suggereret; quæ ad morum honestatem, & ad vitam privatim, & publicè feliciter traducendam apta magis essent, & propria. Miror tamen hanc ipsam divinæ auræ particulam, quæ ipsis affulserat, humi eos affigere, tantæque fabularum caligine obumbrare voluif-

(1) De *Jovis* inter Deos principatu loquutus *Horatius* statim addit: *Proximos illi tamen occupavit Pallas honores*. Od. 12. lib. 1. Hanc e *Jovis* cerebro genitam primus docuit *Stesichorus*, quem sequutus est *Apollonius* 4. *Argonaut.* Non inscitè id quidem, prout ea ferebant tempora. At quàm absurdum illud, & non credibile, quod additum deinde est, diffindi a *Vulcano* *Jovis* caput oportuisse bipenni impacta; ut *Pallas* nasceretur? Irridet hoc totum *Lucianus* in *dial.*, quod graphio descriptum vide in patera apud *Dempsterum*, & *Gorium*. Quin id ipsum, in quo aliquid fortasse sapuerant, cum *Palladem* *Jove* natam dixerunt, brevi fabulatoribus minus arrisit; non enim amplius *Jovis*, sed *Neptuni*, & *Tritonidis* in *Africa* paludis filiam haberi voluerunt. Ita *Herodotus* in *Melpomene*, & *Pausanias* in *Attic.* Quamquam non defuerunt, qui dicerent, non ex ea palude genitam, sed altam dumtaxat apud *Tritonem* amnem; ubi *Machlyes*, & *Auses* accolunt, quorum populorum virgines in turmas divisæ, auctore *Herodoto* ibidem, cum festum *Minervæ* diem agerent, ita lapidibus se cædebant, & fustibus; ut quæ plura tulisset vulnera, ea magno aliarum plausu, curru ante paludem circumducta domum reduceretur. Quemadmodum autem qui aliquid nunciant, semper aliquid afferunt, atque apponunt de suo; ut faciant id, quod nunciant, lætius; ita mihi fecisse *Græci* videntur, qui fabulis, quas acceperant, addentes semper aliquid, aut detrahentes omnia miscuerunt; alii enim *Palladem* *Itionii*, *Pallantis* aliqui,

nonnulli *Cranai* filiam esse dixerunt: ipsam præterea *Palladem* a *Minervæ* distinxit *Apollonius*, ut hæc filia sit, illa mater. Quidam contra plures agnoscent *Pallades*, quas enumerat *Cic.* 3. de *Nat. Deor.*, inter quas *Palladem* refert *Egyptiam*, quam, inquit, *Saisæ* colunt, Hæc apud nos in pariete palmari fermè altitudine est, nuda quidem, sed hastata, nec sine galea, & pede supra crocodilum imposito. Jam verò in tanta hac opinionum varietate quis umquam olim *Palladem* audiens de *Sapientia* cogitaret, aut ipsam demum *Palladem*, quenam esset, agnosceret?

Venio ad arma, quorum usum *Palladi* æquè, ac pacis artium *Græci* tribuerunt. Horum alterum evincit *Patera Dempsteriana*, de qua supra diximus; in eâ *Pallas* armata e *Jovis* capite proflit; alterum *Patera*, quam dedimus *Tab. I. Tab. XVIII.*, in hac enim puellari amictu prodit, & galeæ loco testæ calanticæ. Præcipua ejus arma quæ fuerint, canit *Ovid.* 5. *Metam.* At sibi dat clypeum, dat acuta cuspidis hastam, dat galeam capiti, defenditque agide pectus. Galeam *Homerus* *navis* vocat a pisce, seu cane fluviali, cujus pelle caput olim tegebatur pro casside; ut ex *Eustathio* notat *Teirbius antiqu.* *Homer.* l. 4. Ex hoc genere dixerim, eam esse potius, quàm æream, quæ præferretur ab hoc Signo; movet enim me, ut ita suspicer, subrudis galeæ ornatus, & fascia, quæ supra *Dæx* frontem concluditur. *Ægii* ex *Servio* in *Aneid.*: pectoris munimentum fuit Gorgonis caput habens in medio. Fuit & scutum, quale illud *Jovis*, de quo *Virg.* l. 8. &

voluisse; ut dum sibi solis sapere gestiunt, & inanem ingenii ostentationem pluris faciunt, quàm veritatem, ceteros non tam docerent, quàm fallerent. Si enim, quòd populus propter ingenii tarditatem, & imperitiam minus percipit, quæ subtilius dicuntur, convestiri hæc imaginibus, quæ cadunt sub sensus, oportuit; suspicari jam tum facilè potuerunt, eò rem processuram; ut idem populus, quod oculis intueretur, statim arriperet; cetera, quæ laterent, ne cogitaret quidem; ac proinde aditus quoque ad ea, quæ innuerent, cognoscenda paulatim obstrueretur. Id & in *Pallade* factum fuisse, ostendemus in notis.

*Herculis apud Hesiodum.* Ut ab Ægyptiis galeam, & scutum mutati Græci sunt; ita ab Ægyptiis, qui erant circa *Tritonidem*, vestes, & *Ægidas* simulacrorum *Minervæ* iidem acceperunt. Utrumque testatur *Herodotus in Melpom.* Igitur, seu monstri cuiusdam terræ geniti, quod *Pallas* sustulit, corium hæc Dea clypeo, & pectori obduxit suo; ut refert *Diodorus lib. 3.*; seu ad caprinas tantum pelles, quibus *Africana* amiciebantur mulieres, referendum id est; habemus, quid sint *Ægides*, & caput monstrosum, quod eisdem præfigitur ad hostium terrorem, & *Palladis* ostendendam virtutem. Mirum autem non est; si caput huiusmodi in hoc Signo serpentibus careat; etsi enim *Medusæ* putem esse, cujus crines *Pallas* in angues mutavit, non monstri, de quo *Diodorus*; disertè tamen docet *Herodotus*, pendentes

ex *Ægide* fimbrias non serpentinas semper fuisse, sed aliquando etiam loricæ.

Præter bellica instituta, quibus *Pallas* ita claruit; ut *Cic. 3. de Nat. belli* inventricem eam vocet; huic ædificandi rationem *Lucianus in Herm.*; lanificium, & textrinam *Theocritus Ælog. 34.*, & *Ovid. Fasti.*; huic item alii agrorum culturam, & arborum, præcipuè verò olivarum tribuunt; nihil denique est aut excogitatum, aut perfectum ingenio, quod Græci *Palladis* unius nomine complexi non sint. Nocturnam eidem sacram putant; quòd hæc perspicax sit in iis pervidendis, quæ noctu latent; quemadmodum *Palladis* proprium est, nimirum ingenii, & sapientiæ, ea nosse, quæ rerum teguntur caligine.






Greg. sculp. del

Alea T II

Int. Zaballo. sc.



# TABULA XL



Enis formâ leniter supra terram reclinati pingi fluvios <sup>(1)</sup> consuevisse, urnâ plerumque, unde aquæ scaterent, ad latus appositâ, nemo ignorat. Hunc morem ad fontes etiam designandos traductum animadvertimus in hac Tabulâ, in quâ tamen, quia minor aquarum copia, nec specus, ex quo profluit, natus; deduci enim rivi facilè possunt, & aliò, ut erumpant, converti; junior in artefactâ rupe Genius <sup>(2)</sup> affidet, & imberbis: brevior idcirco eidem pallii, quo infra pectus obtegitur, modus est, & contractior, quàm quo fluviorum velantur imagines; hasta quoque, seu baculus dextrâ elatus arundinis loco; nec

(1) Aquis omnibus divinam quamdam vim inesse, ortumque ab eis duxisse non inanima solum, & bruta, sed humanum quoque genus, & Deos, Veteres putaverunt; itaque de Oceano, a quo, quidquid ubique aquarum est, manare crediderunt, ita loquitur Orpheu in Hymn. Oceanum voco Patrem incorruptum, & semper fluentem, Deorum immortalium genitorem, & mortalium hominum. Idem Homerus sentit, & Virgilius 4. Georg., qui Oceanum appellat Patrem rerum, utique ex Thalesis Milesii sententiâ, qui primus, ut ait S. Justinus M. orat. parænet. ad Græcos, physicam aggressus philosophiam est, omniaque existere ex aquâ docuit, & in eandem redire. Quare mirum non est; si Ethnici fluviis singulis, & fontibus singulos Deos cognominantes, & indigenas, qui tamen nihil aliud erant, quàm aquæ ipsæ, præsidere censuerunt. Hos accolæ venerabantur; ut leniter fluere, ac satis prodessent, & pecori. Idcirco in Fontium honorem Fontinalia quoque sacra instituta sunt III. Id. Octob., quo die feriati agricolæ, ut scribit Varro de leg., florum coronas in fontes jaciebant, & puteos non sine vicinâ, quam iisdem immolabant; ut colligitur ex Horat. l. 3. od. 3. O fons Blandusia splendidior vitro, molli digne mero non sine floribus, cras donaberis hædo, cui fronti turgida cornibus primis.

(2) Palustrem ut plurimum arundinem, quod frequens ea sit ad amnium ripas, manu gestare vide-  
Arca, T. II.

mus, eâque coronari fluviorum simulacra. Contra Genius hic galericulo potius quodam præcingitur, qui mitellæ instar supra frontem attollitur, tribusque veluti flosculis in medio, & ad ima curvaturâ latera super aures distinguitur. Simile quiddam apparet Tab. IX. & XIX. in Tom. I. hujus operis; & in Museo Goriano Tab. VII. & XLVIII. Cujus autem moris ornatus hic sit, Græcinè, an Etruscè, ignorare me fateor; certè Latini non arbitror. Quod pertinet ad hastam, quam manu præfert hoc Signum; hanc tenet Oceani etiam effigies apud Natalem Comitem Mythol. l. 4.; nec enim in aquis salis succrescant arundines; sed hoc exemplo non utor; quod nesciam, unde auctor id sumpserit. Alia item Oceani effigies cum hastâ, & alteri, quam supra recensuimus, persimilis est apud Montfauconium Tom. I. lib. 1.: scio autem hastam olim pro sceptro adhibitam, ac proinde Oceano Deorum parenti debitam. Quid igitur Fontinalis hic Deus, & ab Oceano profluens hastam tenere in umbratili illo suo regno non potuit; cum tugurium cespitem contextum licuerit Melibæo appellare sua regna? Virg. Ecl. I. Aut si quis baculum esse mavult; cur hæriolari fas non sit, id factum idcirco; ut quemadmodum ab hortis volucres Priapi infixæ capiti arundo, Horat. l. 1. sat. 8., ita ab eo pomario Genii hujus baculus fures absterceret, & pecora?

nec enim fontium ripis adnasci ea solet; pomum denique alterâ manu contentum, quod indicio sit, fontem hunc esse, eumque ad pomarii alicujus irrigationem comparatum <sup>(3)</sup>.

(3) Magna semper aquarum, & fontium habitatio est in re rusticâ; quod exploratum esset omnibus, nihil gigni sine humore posse; idcirco *Cererem*, quæ eadem, ac *terra* apud Antiquos fuit, cum fitulâ, aut vase aliquando finxerunt: itaque si qui fons esset, qui culta præter fluere, nec omnibus propter aquarum inopiam sufficeret; ita locari vicinis mos erat; ut alius alio diei tempore aquas ex eo rivo deduceret: vide *Frontin. de Aquaduct. c. 9. Ego*, inquit

*Cicero, Tusculanis pro aquâ Crabrâ vestigal. pendo. Irrigabantur autem non hortisolum, sed pomaria etiam, & prata; placuisse enim sibi magnopere scribit Horatius, Tibure cum esset, uda mobilibus pomaria rivis; & Cicero ad Q. Fratrem l. 3. ep. 1. de villâ, quam ei emerat in agro Arpinati; Ego locum æstare umbrosiorem vidi nunquam, permultis locis aquam profluentem, & eam uberem. Quid quæris? Jugera L. prati Cassius irrigaturum facile te arbitrabatur.*






p. 20. 51

Thel. Regim. 2

Ereos p. II

Thel. Regim. 2



# TABULA XII.




D *Palladem* revertimur, quæ cum belli, pacisque artibus præesset, ut Veteres opinabantur, mirum non est, si tot eam signis ornandam censuerunt. Quoniam verò militaris ars aliquid habet aut re ipsâ, aut ad speciem, quod præstet civilibus institutis; idcirco armatam plerumque exhiberi nobis hanc Deam animadvertimus, ut & in hoc Signo, in quo præter hastam, quam tenet, galeâ <sup>(1)</sup> tegitur, & lorica <sup>(2)</sup>; tam gravi prætereà vultu est, & oculorum conjectu, ut *Martem* potius spirare, quàm de pacis muneribus cogitare videatur.

(1) Proprium *Palladis*, & familiare capitis integumentum galea est; hac tamen in Dearum judicio caret apud nos *Tom. I. Tab. XVII.*; jussu enim a *Veneri* fuerat eam deponere; ne *Paris* perterreficeret. Alterum exemplum habemus ex *Fabretti lib. 6. Inscript.*; sculptam enim in arâ *Palladem* refert sine galeâ, sed crinibus supra caput in nodum collectis eo ferè modo, quo czlata est in paterâ hujus nostri operis *Tom. I. Tab. XVI.*, ubi unâ cum *Junone*, *Mercurio*, & *Apollini* adeit de lyra certantibus. Rarò tamen id occurrit, & præter morem. Jam verò galeam a *Lacedæmonius* inventam scribit *Plinius l. 7. c. 56.* Contra *Herodotus in Melpom.* docet *Græcos* hanc, & scutum accepisse ab *Ægyptiis*; ita enim apud eos armatam antiquitus *Palladem* describit *Plutarchus To. I. pag. 205.* Quàm varius autem ornatus, & multiplex additus galeæ deinde sit; facillè animadvertet, qui in nummos, quos *Goltzius*, & alii ediderunt, aut in statuas *Minervæ* curiosius inspexerit; equinus enim jubeis etiam tribus aliquando conspicua est, ut apud nos in arca hujus *Dæ* protomâ; duabus aliquando pinnis non modicè a capite extantibus, quod *Etruscorum* proprium fuit; ut patet ex *Dempstero Tom. I. pag. 78.*, & ex *Vase Etrusco*, in quo pictâ *Cassandra* *Ajacem* iugientis, & *Palladis* statnam complexæ historiam præclare nuper illustravit *P. Remondini Congreg. Somaſch.* Nec *Sphingæ* defunt, *Gryphes*, *Tritones*, *Delphinique*, *Nocturæ* quoque, *Corollæ*, *Bigæ*, *Quadrigeque*, & alia non pauca, quæ libens prætereo, galeis vel apposita, vel insculpta. Sed notanda præcipuè sunt capita *Platonis*, & *Socratis* in unâ ex his galeis apud *Montfaucon. Tom. I. Pl. IV.*, & in alterâ ex nummo *Thyati-rorum* ibidem allato *Vulcanus* stans ante *Palladem*, & galeam eidem procudens. Hæc, præcipuè verò

crisæ, quæ ex *Palladis* casside in Regum, & Heroum galeas transferunt, non ad ornatum dumtaxat, sed ad metum quoque iniciendum inventa crediderim. Apud *Lucianum in Dear. judic.* Cur non, inquit *Venus*, & tu o *Minerva* galeâ depositâ spectandam te præbes, sed concutis conum, & perterres judicem? Idcirco galeæ loco ab aliquibus leonum rictus, & ferarum adhibiti.

(2) Breviori ex duabus tunicis, utrâque sine manicis, quibus hoc Signum obtegitur, superinducta lorica est opere squamato unâ cum *Medusæ* capite, sed sine serpentibus. *Ægidem* hanc appellari, cum adhiberetur a *Pallade*, alio loco diximus. Loricam a *Midia Messenio* inventam refert *Plinius l. 7. c. 56.* Aliquid hic fortasse loricis, quæ tum erant, addidit; aut aliquod ex tam multis earum generibus excogitavit. Ceterum naturæ ductu moti semper homines sunt, ut caput, & pectus contrâ hostilem vim quoquo modo protegerent; itaque istis inventoribus, qui celebrantur a *Plinio*; non multum tribuo. Lineas apud *Græcos* olim usurpatas colligi videtur ex *Pausania in Attic.*, quas tamen aptiores venationi, quàm bello ait fuisse. Scribit autem ex his cum alibi, tum in *Apol-linis Grynei* templo dicatas suâ ætate superfuisse non paucas. Hunc morem innuit etiam *Herodotus*; thoracem enim ab *Amasi* *Ægypti* Rege missum ait *Lindum* in honorem *Minervæ*: in *Euter*: aliam item lineam, sed versicolore, & figuris distinctam *Sutrium* in *Atticâ*. Ingeniosior, & ad belli usus multò accommodatior *Sarmatarum* lorica fuit. Hi, cum ferro carerent, equorum ungulas squamarum in morem exectas ramorum filamentis ita consuebant inter se, ut hoc adjumento protecti omni ope validius vitam tuerentur. *Pausan.*








orig. dipinti del

Area T. II.

int. Zabaldi sc.



# TABULA XIII.



Onstrum prodit hoc loco non ab Oceano advectum, sed a domestico aliquo priorum temporum horto, quod licet ad terrorem compositum sit hianti rictu, & dorso spinis horrenti, tamen delectare nos possit; quid enim homini non agresti jucundius, quàm fontem intueri, in quo aut nova aquarum defluentium ratio animum capiat, aut hæ inde potissimum eliciantur; unde minimè putaremus? Atqui <sup>(1)</sup> fonti olim subseruiit minax hoc animal <sup>(2)</sup>, & immane, quod erumpen-

(1) Fontium nomine aquarum scatirigines nuncupate olim sunt, seu ultrò stagnarent, seu temerè dilaberentur. Huiusmodi scatebra fuit, de qua Plinius l. 2. c. 103. In Trogloditis fons Solis appellatur, dulcis, & circa meridiem maximè gelidus; mox paulatim tepescens ad noctis media fervore, & amaritudine infestatur. Certo deinde alveo concludi aquæ ceptæ ad amoenitatem, & piscium custodiam, præsertim in suburbanis lautorum hominum. Hæ piscine dictæ, in quas aqua aliunde deducta, ubi scatebræ copia non esset, per fistulas, & siphunculos demittebatur. Ita Plinius ad Apollinarem de piscinâ, seu fonte; nam hoc quoque nomine piscinas cenferi deinde mos fuit: In hoc fonte, inquit, crater; circa siphunculi plures miscent jucundissimum murmur. Ex hoc genere lacus etiam fuerunt, quò aequatum ibant, qui erant e vulgo. Vide Lambin. ad Sat. 4. Horat. l. 1. Jam verò siphonum, seu fistularum capita, & quæ ab his aquæ defluerent, vocata ab antiquis Salientes invenio. Cic. 3. ad Q. Fratr. Equidem hoc, quod melius intelligo, affirmo, mirâ suavitare te villam habiturum piscinâ, & salientibus additis. Utrum autem e fistulis aquæ in altum quoque olim proflirent, vel ab occultis siphunculis, tamquam ex insidiis, spectantes adorirentur; compertum non est: suspicor tamen Veteres harum deliciarum, quibus recentiores maximè delectantur, expertes non fuisse. Plinius l. 2. c. 69. ait; de aquâ in summis jugis erumpente; Spiritu acta, & terræ pondere expressa siphonum modo emicat. Emicare, hoc loco idem videtur esse, ac affurgere; loquitur enim de aquâ aeris pondere superincumbentis compressâ, & per terræ meatus, tamquam per siphones, elicitâ in summis montium verticibus. Scimus autem aquam e siphonibus rectis vi aliquâ expressâ in altum attolli. Hæc Veteres non ignorabant; præsertim cùm tam frequenter

quens apud eos in piscinis, maximè verò in Nymphæis, siphonum usus esset, & fistularum; ut dum hæ variè disponuntur, & loco moventur, casu ipso de hoc aquarum ingenio tantumdem assurgentium, quantum antea descenderant, erudiri potuerint. Itaque Cl. Polenius in Notis ad Frontin. de aqueduct. salientes dici putat, propterea quòd aquam in altum attollunt. Bergerius verò de viis militar. l. 1. sect. 8. agens de Lymphis, quæ idem Salmasio sunt, ac Nympha: Lymphaea, inquit, opera publica erant similia nostris cryptis artificiosis; quæ in hortis Magnatum hodie videntur; ita dicta a Lymphis, quæ per diversos tubulos, cavernasque occultas undique cum impetu improvviso profluant in otiosos spectatores. Ego verò, quoniam Veterum testimonio niti non possum, in re tam dubiâ nihil asum asserere; vetus enim illud est, & pervulgatum, quedam esse ex eo genere; ut inventa cum sint, a quovis videantur reperiri potuisse; non inventa autem, vix a quoquam reperiantur. In sigillis æreis, quibus lateres crudos signare consueverant, si typos, seu characteres non unâ cum lamellâ, cui inhaerent, conflatos, sed exemptiles esse Romani voluissent, & pro re natâ collocandos, non tamdiu literæ typographiâ caruissent.

(2) Illud affirmari certius potest, aquam olim in piscinis, & fontibus, cum ad horum ornatum, tum ad majorem spectantium voluptatem non simplici semper modo, sed per fistulas sæpe e Silvanorum, aut animalium corporibus trajectas emissam variè fuisse: id factum videmus & a monstri, de quo agimus, Artifice, & a Bernino Romæ, præsertim in Foro Agonali. Quamquam, quid præterea de hoc monstro cogitandum nobis sit, docemur ab eximio, clarissimoque viro Bonarrotio, qui ad calcem operis Dempsteriani, Etruscos, ait, piorum sedes post mortem non sub terram,

pentes e pectore aquas veli instar explicitas in sub-  
jectum craterem ad oculos eblandiendos defunderet :  
mitescit autem feritas omnis ; nec sine voluptate hor-  
ror est ; cum periculo caret .

terram , ut *Græci* , *Latinique* senserunt , sed in ulti-  
mo Oceano statuisse : idcirco in urnis allatis a *Demi-  
phero* sub finem *lib. 1. 2. & 5.* marinos equos , &  
monstra in piscem desinentia spectari non sine Recto-  
ribus , quorum ductu insidentes monstris animæ ad  
optatum litus appellerent . Suffragatur huic sententiæ  
doctissimus vir *Joh. Bapt. Passeri* , quem mihi gratulor ,  
utpote hominem egregium , de facie novisse , *Pisau-  
ri* cum essem , ejusque colloquio frui non semel po-  
tuisse . Hic rem totam pluribus explicat in suo de Lu-  
cernis opere *Tom. 3. Tab. 53.* , ubi monstrum capri-

nâ supernè formâ , infernè verò piscis instar tortuosi ,  
quod per maris undas velociter defilit , Genio , a quo  
regitur , insidente , eorum numero accenset , quæ ani-  
mas ad beatorum insulas putabantur advehere . Tan-  
tis igitur auctoribus , cur nostrum hunc marinum  
Equum , cujus decurrentis cervicem Genius comple-  
ctitur frondibus , & corollis redimitus , non in eo-  
dem numero esse dixerim ; ut & præfenti voluptate ,  
qui fontem inspicerent , & speratâ post mortem ,  
cum paratum vectorem jam cernerent , felicitate læ-  
tarentur ?






del

Area T II.

Joan Thumani jr



# TABULA XIV.



On mediocre antiquæ simplicitatis, & parsimonix indicium in hoc Signo mihi videor agnoscere, quod amictum ita est; ut parum a nudo differat. Ac prius quidem temporibus, cum hominum vestitus pelles esse consueverant pecudibus, aut feris detractæ<sup>(1)</sup>, si hæ non omnino congruerent, nec corpus penitus tegerent; necessitatis id fuit; textrinâ verò inventâ voluntatis, præsertim in hominibus, cujusmodi hic fuit, de quo agimus, ut infra

(1) Pallium suspicor esse potius, quam togam, quâ Icon hæc tegitur. Fuit hæc quidem prius temporibus adstrictior, & brevior; sed non ita adhibitam novimus, ut infra brachium dexterum, & femur nudum intercurreret ad levum humerum; quâ formâ præter hoc Signum Palliati quidam sunt in *Etruscorum* monumentis. Quod tunica eadem Icon careat; id quoque prius moris fuit; *Romani* enim solâ togâ amicti fuerunt antiquitâs; ut habemus ex *Gellio*, qui statuas *Romuli* in *Capitolio*, & *Camilli* in *Rostriis* ait fuisse sine tunica. Idem factitatum ab *Etruscis* discimus, ut notat *Bonarotius*, ex æreo simulacro, quod asserit *Dempsterus* in *Etrur. Regal. Tom. I. pag. 287*. Excogitata deinde exomis est, seu tunica brevior, & citrà humeros; tum hæc quoque producta infra genua, manicæque additæ, quibus tamen prolixis uti, probrosum *Romanis* fuit; postremò alia quædam interior inventa, quæ huic subesset, dictaque intussum est; quod ad cutem adhiberetur.

Venio ad Epigraphen, quâ leva Signi coxendix inscripta est. Hanc ex mendoso, quod acceperat exemplo, ita refert *Bonarotius* in *append. ad Dempster. §. 43. C. Pomponio Virio I. De sensu nihil dicit, qui ex eâ, prout est, elici idoneus non potest; tantum ait, literas, quibus ea constat, Latinas esse; ac proinde Signum quoque, quod ab eodem describitur, quem admodum est in hac Tab., *Romanis* adjudicandum videri. Movet me tanti viri auctoritas, ut ita sentendum putem; scrupulum tamen mihi non levem injicit pallium *Romanis* insolens, *Etruscis* usitatum; nec minorem ipsa etiam epigraphæ; etsi enim, ut hoc loco monet hic auctor, aliæ quoque nationes Signa nonnumquam inscripserint, ut *Sesostri* statuum *Aegyptii*, quam in *Joniâ* fuisse testatur *Herodotus* hac epigraphæ: *Hanc ego regionem meis obtinui humeris*; & duo *Athletarum* Signa *Græci*, quæ refert *Montfauconius Tom. 3. par. 3. pag. 264*; tamen & ab his rarò factum id est,*

si cum *Etruscis* conferantur, quibus usitatissimum id fuit, & a *Latinis* vix umquam, si *Virii* Signum excipimus, & quod inter suas inscriptiones edidit *Ingelstadii Petrus Appenninus* (ex *Montfaucon. ibid.*) femore ita Latinè inscripto: *A. Publius D. L. Antioch. & Barbis P. L. Tiber*. Verum in hac nostrâ epigraphæ, cum quiddam sit, quod ad *Etruscam* literarum formam accedit; quod ipsum animadvertimus in duplici inscriptione *Tab. 2. & 3. Tom. I.* hujus operis; fieri enim non potest, ut ab uno idiomate transitus fiat ad aliud; quin aliquid de veteri retineatur; cum palliatus præterea *Pomponius* sit, & *Consul* utique *Municipalis*, ut infra videbimus; facile componi rem posse arbitror; si dixerimus cum *Bonarotio*, *Latinam* quidem epigraphem esse, sed manum *Etruscam* origine; Signum quoque *Romanum* videri, sed in eâ *Etrusci* jam domite parte constatum, in quâ jure Municipii, quod a *Romanis* acceperat, suis legibus usâ nondum *Etrusci* mores, & instituta exoleviscent.

Hoc idem Signum, & epigraphem retulit *Montfaucon. loco superius citato Tab. 157. Ex Museo Card. Guaherrii* Signum hoc ait fuisse; in quo consentit cum *Bonarotio*, qui id ipsum fatetur; sed deceptus ipse quoque ab eo est, qui Signum unâ cum epigraphæ tam oscitanter descripsit; vittâ enim redimitum, & comis capiti super inductis nobis ostenditur; cum re verâ capite nudo sit, capilloque brevi, & passo. Dextero pede calceatum ait esse, lævo nudum; at nudus uterque pes est; dexteri tantum pedis extriti digiti; quod notat *Bonarotius*; & re ipsâ ita est; ut quin idem Signum sit, quod protulimus in hac *Tab.*, & quod Scriptores hi referunt, dubitari non possit. Quod verò *Athletæ* Signum putet hoc esse, id epigraphæ perperam excerptæ vitio, non scriptoris tribuendum censeo, qui in eâ titulum *Consulis* legere non potuit: ita autem omisso prenomine, familie nomine corrupto, additæque nullius significationis syllabâ *po. eamdem*

fra dicemus, quibus opes, prout ea ferebant tempora, deesse non poterant. Sed luxu paulatim invecito, cum ex vestitu, cultuque corporis internosci se homines vellent, & quo loco, quâve fortunâ essent, ostendere; nullus nec modus, nec finis in ornatu, vestiumque generibus excogitandis factus est; cum tamen jam tum constaret, paucis contentam esse naturam; de quo & ratio ipsa nos monet, & prisca sæcula docuerunt.

dem edidit: *Pomponio Virio* ps. Hæc adnotanda censui, non ut aliquid e tanti viri, & de literariâ Republicâ optimè meriti laudibus detraherem; sed ut ostenderem; quàm facilè summi etiam homines in fraudem inducantur ab alienis schedis, & rerum descriptionibus, quas ipsi non viderint; simulque ut innuerem; quàm periculosum sit interpretari ea velle, quæ in editis etiam libris incerta sunt, & obscura; cum sæpe accadat, ut multa dicantur, quæ abhorrent a monumentorum archetypis, ac proinde oleum, ut ajunt, amittatur, & opera.

Reliquum est, ut de genuinâ epigraphæ dicam, quæ tamen cuilibet legenda prostat in hoc Signo. Hæc ejusmodi est. *C. Pomponio Virio* COS. Tria hoc loco habemus ejusdem viri nomina *Romano* more, & titulum præterea *Consulis*. Hic magistratus *Romæ* gestus a *C. Pomponio* non est; nec enim reperitur in *Fastis*; in aliquo igitur Municipio; non enim novum est in scriptis lapidibus, aliquem aliquando Consulem legi, qui *Romanus* non sit. In hac inscriptione apud *Fabretum* pag. 723. mentio fit *L. Turci Consulis*, qui in *Fastis* non est.

ÆMILIE  
C. FILIE CALLISTÆ  
CONJUGI  
L. TURCI FESASI  
APONIANI COS.  
AUFIDENSES D. D.

*Aufidena* urbs *Samni* fuit. Sive igitur hæc civitas, ut *Roman* æmularetur, id juris sibi arrogaverit, ut Consulem crearet; sive *L. Turcius* e *Duunreviro*, qui ibi esse potuit, in hoc nomen ambitionis causâ, aut gratiâ apud suos invaserit, certè ab *Aufidenatibus* Consul appellatur; quemadmodum etiam *Aupinius Burdigala* se Consulem vocat Epigr. 31. *Diligens Burdigalam; Romanam colo; Civis in hac sum; Consul in ambabus*. Hunc *Reynesius*, qui acerrimè sententiæ huic adversatur, poetice potius locutum censet, quàm propriè ep. 31. & 28. ad *Rupert.*: De *Cossi. Municipaliibus*, inquit, non possum amplius dubitare, ab ignavis Antiquitatum Romanarum nobis fabricatos fuisse; quamquam & *Scipio Gentilius* noster 2. de *Jurisdictione* 5. e *Cassauboni* notis ad *Apoll. Apulos* conetur obtrudere. Sed pluris faciendum arbitror *Fabretti* judicium viri scientissimi, qui in hac controversiâ ita decernit contrâ *Reynesium*: At prævalet *Emi Norisii* auctoritas hoc lapide fulta (id est *Aufidenatum*), aliisque, quem nuper *Pisus* erutum ostendit in *Canotaph. Pisan.* pag. 41. Alter autem hic lapis ejusmodi est.

D. M.  
FELIX HERCULEO  
EQ. P. ÆDIL. II. COS. I.  
PONT. PERPET.  
REIP. PISANÆ.

Huic sententiæ epigraphem etiam hanc nostram aliquod pondus addituram arbitror.






Greg. Goussier del.

Ærea T II.

Franc. Barbou sculp.



# TABULA XV.



Micitiam, & Discordiam, quibus inter se elementorum particulæ vel coeunt, vel dirimuntur, duo esse rerum principia sensit *Empedocles*: rectene, an secus, quærere non est hujus loci; opinor tamen de politicis rationibus commodius id dici, quàm de physicis posse; cum duabus ab his causis hominum vita, & populorum status pendere videatur; etsi enim quies inter eos, & pax non rarò coalescat; tamen, cum tanta fit in hominibus voluntatum, & consiliorum varietas; fieri non potest, quin sæpe dissociatis invicem animis lites oriantur, & pugnae, quæ privatas res, & publicas everterent; nisi ex illâ concertatione, præsertim cum ferro decernitur, victoria <sup>(1)</sup> existeret, quæ

(1) Habes in hoc Signo perelegantem *Victoria* imaginem crinibus scitè pexis, & supra frontem aggestis mitræ instar, quos medius cingit lauri, aut olæ ramus; non enim, cujusmodi sit, internosci satis potest artificis vitio potius, quàm temporis. Sed notanda præcipuè monilis forma, quæ insolens prorsus est, aut potius nova; è circulo enim, quod collum ambit, lamella quædam protenditur, & circumducitur minutis ad oram incisuris ferre in morem aspera, & interfecta. Id genus monilis in *Latinorum* monumentis, quod sciam, nullum est. Simile tamen quiddam occurrit in *Musci Etrusci Tabulis* 9. 27. 102., in quibus e *Volumnia*, *Junonis*, & *Averrunci* collo, nam ita ea Signa vocat *Gorius*, monile radiatum pendet; ut aliqua proinde suspicio injecta mihi sit, Signum hoc quoque nostrum *Etrusci* operis esse; præsertim cum vestis, quæ medio corpori ad talos advolvitur, plicis invicem subnascentibus, ad ejus gentis artificium propius accedat; sed in hoc non contendo, ne videar & ipse plus, quàm satis est, *Etrusci* tribuere; licet nonnihil ponderis conjecturæ huic afferat etiam armilla, quæ supra cubitum Signi hujus est: *Græcis* enim mos fuit, *Venerem* solam, ut plurimum, *Etrusci* verò Deorum, Dearumque fermè omnium simulacra armillis ornare, atque etiam duplicibus majoris cultus gratiâ.

A Diis, & mulieribus, nam hæ quoque armillis usæ *Ærea*, T. II.

sunt, transiit hic ornatus ad milites, quorum qui virtute præstitissent, eo donari, aliisque honoris insignibus ab Imperatoribus consueverunt; quæ ista fuerint, omnia fermè continentur hac nostrâ epigraphe, quæ in marmorei cippi ad *S. Cæsarium* aliquot ab hinc annis effossi lateribus inscripta fuerat eodem exemplo.

\* Q. F. ANIENSIS. J. C. TRIBV.

M. BLOSSIO  
Q. FANI. \* PUDENTI.  
LEG. V. MACEDONIC.  
DONIS MILITARIBUS.  
DONATO. AB.  
IMP. VESPASIANO. AUG.  
TORQUIB. ARMILLIS.  
PHALER. CORONA. AUREA.  
VIXIT AN. XLIX. SANCTISSIME.  
ET. PROPEDIEM.  
CONSUMMATIONIS  
PRIMIPILI. SUI. DEBITUM.  
NATURÆ. PERSOLVIT.  
M. BLOSSIUS. OLYMPICUS.  
PATRONO. SUO. OPTUMO.  
FECIT. ITEM. SIBI. ET. LIBERTIS.  
ET. LIBERTABUS. SUI. POSTERISQUE.  
EORUM.  
LONG. P. XXX. LAT. P. XVII.

Alas *Victoria* primus addidit *Thesius Aglaophon*. *Mythol.*

quæ fractis alterutrius partis viribus, utramque demum ad pristinam tranquillitatem revocaret. Itaque nemo umquam fuit, qui aliquo intercedente dissidio, aut susceptis inimicitiis vota non fecerit *Victoriæ* suæ, eamque tamquam malorum expultricem non coluerit, & omnium commoditatum administram. Hinc illa *Victoriæ* simulacra publicè *Romæ* proposita, nummique illius imagine obsignati, ut ante omnium oculos obverfaretur; hinc ædes, & aræ, ubi eidem litarent; crebræque ad Deorum pulvinaria supplicationes, triumphique; ut, quantum boni acceperint partâ *Victoriæ*, totius urbis lætitiâ testarentur, & plausu.

*thol. N. Com.* Aureas eidem tribuit *Aristophanes* in *Avibus*: statim *Victoria* volat alis aureis. Hæ celeritatis indicium, & divinitatis fuerunt. Ut autem antiquitus qui oppidum obsidebant aliquod, evocare inde essent; obsessis verò eosdem, nè præsidio illis essent; obsessis verò eosdem, nè abirent, vincere cætenis mos erat, aut compedibus; ita *Athenienses Victoria*, ne ab ipsis discederet, pennas ademerunt. Utrumque testatur *Pausanias* in *Laconic.*: Signum est (in Templo *Hyppostenii*) *Enyalii* in compedibus. Putant autem *Lacedæmonii* Martem a se ita vinctum numquam discessurum; quemadmodum *Athenienses* secum mansuram semper *Victoriam*, quæ pinnis careat. Idem in *Eliac. pios.* Adjicit *Minervæ Victoria*; *Calamis* fecisse dicitur; alas verò non addidisse exemplar secutus *Signi ejus*, quod *Arbenis* est, & involucre nuncupatur. Contra noster hic artifex, ut stabilem *Victoriam* adpromitteret, columellæ innixam ostentat. Fulcrum quidem hujusmodi, & alicujus eidem incumbentis, sive Deus sit, & Heros, sive ex iis quidpiam, quæ per symbola, fictasque personas oculis subjiciuntur, frequenter occurrit in aversâ nummorum parte, scalpulisque gemmis; quod totum etiam referri aliquando

possit ad operis elegantiam quæsitam ab artifice; nec enim puto, in omnibus, quæ veterum temporum sunt, reconditum aliquem sensum, & arcanum quæri oportere; tamen non dubito, quin columna imperium, aut alicujus commodi stabilitatem, & ad eam tuendam illius, qui eidem innititur, præsidium significet. Augur mihi *Horatius* est *Od. 35. l. 1.*, ubi *Fortunam* allocutus, Te, inquit, purpurei metuunt *Tyranni*, injurioso nè pede prorus stantem columnam; neu populus frequens ad arma cessantes ad arma concitet, imperiumque frangat.

Quid hoc Signum dextrâ pretulerit, ex eo, quod superest, vestigio certò sciri non potest; coronam tamen opinor, aut palmam; utrumque enim insigne *Victoriæ* fuit; sed frequentius ab eâ video coronam haberi præ manibus, cujus tradende, ut non eadem opportunitas erat, & institutum in re militari, aut in ludorum certaminibus, ita varia ea quoque fuit genere, & multiplex, Quamquam, quidnam putasset poma etiam, & oleum premia *Victoriæ* fuisse? Atqui, ut ait *Lucian. de Gymnas.*; in *Pythiis Ludis* poma præponere *Sacerdotes Apollinis* consueverant; ut *Athenienses* oleum de *olivo*.






vero angelo del

Lib. T. II.

Engr. Bonaldi. sc.



# TABULA XVI.



Ladiatorem <sup>(1)</sup> hunc esse potius, quàm Pugilem ex eo conjicio; quòd nec Pugilum more contractæ in pugnum manus sunt, & in utrâque reliquum quiddam e gladii capulo mihi videor agnoscere. Movet præterea, ut ita putem, cum status Adolescentis, tum oculorum con-  
jectus, quorum uterque ejusmodi est, ut quod de *Entello Virgilius* ait 5. *Æneid. Corpore tela modò, atque oculis vigilantibus exit*; & *Cicero* de se ipso in *Catil. Quot ego tuas petitiones, ita conjectas, ut vitari nullo modo*

(1) Quòd *Defunctorum anima humano sanguine propitiari creditum olim fuit*, ut ait *Tertullianus*, mactari in eorum funcribus servi, aut Captivi consueverant. Ita *Patrolo Achilles* apud *Homerum* *Trojanos* duodecim, *Pallanti Æneas* apud *Virg.* octo *Turni* milites immolat. Postea, subdit idem auctor, placuit impietatem voluptate adumbrare; itaque quos paraverant, armis, quibus tunc, & quantum poterant, eruditus edicto inferiarum die apud tumulos erogabant. Utrumque usurpatum agnoscimus in sepulcralibus *Etruscorum* urnis; nam & inermes necari ibi cernimus, & pugnantes mutuis vulneribus confici. Hoc Gladiatoriæ pugnae rudimentum *Romani* ab *Etruscis* acceptum adeo excoluerunt, ut, ludis institutis, ubi pugnaturi exercerentur, designatique Lanitis, & Curatoribus, palam ostenderent novo sibi opus esse militæ genere, quo post auctum imperium voluptatis quoque proferri fines possent; itaque *S. Ciprianus*, quid hi spectarent, clariùs aperiens, *Homo*, inquit, in hominis voluptatem perimitur, & ut quis possit occidere, peritia est, usus est, aris est. Rectius *Græci*, qui ab hoc scelere abstinuerunt; etsi enim *Hermippus* apud *Athenæum* *Monomachia* repertores *Mantineses* tradat fuisse, & *Statius* l. 9. inter ludos *Argolicos* Gladiatorium recensere videatur; tamen, sicut in *Græciâ* ita factum id sit, serò contigit, cum latè grassaretur hæc lues, & vulgò a Provinciarum rectoribus hi ludi ederentur. Ceterum *Solon* apud *Lucian.* de *Gymn.*; & *Pl.* inquit, mutuis se vulneribus conficientes spectemus! *Apagæ*. Ferinum id esset, & ominò crudele; ad hæc non minus damnosum, & inutile, mactare juvenes præstantissimos, quorum opera adversus hostes uti queamus. At crudele hoc, & damnosum *Romani* pro nihilo putaverunt; nam, licet primò *Servi* dumtaxat, & bello capti in

arenam descenderent, tamen *Liberis* quoque, qui *Auctorati* dicebantur, quòd se lanitis vendidissent, ea patuit; *Liberis* dico, & ingenuis? *Aspice*, ait *Seneca*, illos juvenes, quos e nobilissimis domibus luxuria in arenam conjecit. Eò enim confugiebant vel bonis exuti, vel pugne studio, vel ut a Principibus gratiam inirent. Unâ ludorum commissione *Caligula* Princeps Equites *Romani* sex, & viginti prodierunt in hoc stadium; *Nerone* imperante Equites sexageni, Senatores quadraginta. *Suet. Lysius Saturn.* l. 2. c. 3. Num saltem *Fœminis*, ut id auderent, defuit animus, seu potius impudentia? Non defuit *Taciti* testimonio l. 15. *Dionys.* *Statii in Silvii*. His tandem arenâ interdixit *Severus*, illis *Vitellius Augg.*

Status igitur Gladiatoriæ pugnae locus ad pugnam Rogus fuit; nec ita multò post etiam *Trichinia*; in cenâ enim funebri, quæ inferias sequebatur, nihil visum *Romanis* tam sapere, quàm antea pugnae memoria; eam itaque epularum additamentum esse voluerunt. *Strabo* l. 5. Eò, inquit, luxur provecti sunt, ut convivas vocarent ad paria Gladiatorum, quorum numerum augebant, minuebantque pro dignitate convivi; scilicet ne *Lapitharum* cenæ desiderarentur apud *Italos*. Verùm erupit tandem in publicum hæc immanitas, & Rogo omisso *Fora* occupavit; cum dari Gladiatores cepissent in *Plebejorum* etiam, & *Fœminarum* inferiis. Primum, in quo pugnatum ita est; *Boarium* fuit anno *Urbi* 490., cum *Marcus*, & *Decimus Brutus* parentarent cineribus. Successit deinde *Forum Romanum*, tum *Amphitheatra*; postremò *Circus*, & *Scæptæ*: religione enim *Deorum Manium* posthabita, transferunt, ut ait *Tertullianus*, Gladiatorium editiones ab honore mortuorum ad honores vivorum. Nihil itaque *Romæ* frequentius his ludis, quos ad popularem auram

modo possent, parvâ quadam declinatione, & ut ajunt, corpore effugi? Quod, inquam, hi referunt de ratione petendi, declinandique adversarii, ad id comparatus is etiam videatur ante pugnam hoc loco, cum se populo tantum ostentat. Quoniam verò plura olim fuerunt Gladiatorum genera, ex eo numero hunc esse arbitror, qui duobus gladiis pugnabant, aut gladio, & pugione, & quos *Lipsius Saturnal. l. 2. c. 13. Dimachærus* appellat.

ram captandam Magistratus, & Principes edebant; quo autem concursu, audi *Ciceronem pro Sext. Equidem existimo nullam tempus esse frequentioris populi, quam illud Gladiatorum, neque Concionis ultius, neque ultorum Comitiorum*; quâ verò hominum strage, disces ex *Lipso Saturn. l. c. 12. Mentior*, inquit, si non aliquis mensis Europæ stetit vicenis hominum millibus, aut tricenis. Hem, quanti empta popularis voluptas! Quanti a Gladiatoribus palma, & nummularum aliquid; quæ duo fuerunt præmia Victorum. Et si rude quoque post triennium donari a populo possent; qui verò servi essent, pileo post quinquennium: illam vacatio a pugna, hunc libertas sequebatur. *Ulpianus ex Pythæo*. Venuit tandem hoc pugnae genus *Constantinus M.*, at *Honorius Aug.* penitus sustulit.

Superest; ut queramus hoc loco, nudinè Gladiatores pugnarent? cujusmodi Signum hoc est, de quo loquimur. Propè locum, ubi ludus edebatur, *Spoliarium* fuit. Eò cæsi in pugna, faucisque asportabantur, tamquam feralia arenae spolia. Hæc vox idem quoque significat, ac *Apodyterium*, seu cellulas in balneis, ubi lavaturi nudabantur; conjici proinde ex hac voce potest, Gladiatores etiam vestibus in *Spoliario* positos in arenam descendisse. Sed ne conjecturæ huic fidam, Scriptorum hac de re silentium facit. Asserit id quidem de *Meridianis Seneca ep. 7. Nihil habent, quo tegantur, ad ictum totis corporibus expositi*; & *ep. 95. Nudus, inermisque producitur; satisque spectaculi in homine mors est*. Inermem intellige sine galeâ, & scuto; etsi enim hi essent Gladiatorum postremi, & de Bestiarum potius numero, qui mane-

certassent cum belluis; quo pacto pugnassent inter se post meridiem, si gladio caruissent? At in hanc turbam non arbitror rejici *Commodum* quoque *Augustum* posse, qui Gladiatoria arte adeo delectaretur, ut detracto e Colosso Solis capite, suoque reposito inscripserit se in basi, *Mille Gladiatorum Victorem*. De cotamen *Herodianus*; *Nudus ingressus in Amphitheatrum est, sumptisque armis numeros gladiatorios explebat*. Duo præterea quantivis pretii Gladiatorum Signa *Romæ* sunt, alterum in *Villâ Burghesiana ad Montem Pincium* adversarium petentis, alterum in *Capitolio* animam impavidè agentis, utraque omnino nuda, nec sine gladio. Nuda item duo Gladiatorum paria sunt in Amphitheatro, quod in muri testorio pictum servatur in hoc Museo. Jam verò, si Gladiatores hos genuinos, verosque arbitramur; non deerunt exempla, eos aliquando nudos pugnasse; sin *Meridianos*; non pudebit Gladiatorem hunc nostrum unâ cum iisdem annumerari, præsertim cum *Commodo*.

Vitta, quæ capiti circumducitur, non potestatis dumtaxat, sed præstantiæ etiam alicujus indicium fuit; ob id vittatum *Homerum*, & *Platonem* cernimus, ut alios omittam. Utrum ita ornari Gladiatores solerent, alique, quorum ars excelleret, quâ populus delectabatur, non facillè dixerim: statuis certè honestati non pauci ex hoc numero sunt. Quamquam, quæ Signi hujus caput velat, non vittam puto, sed fasciam; non enim vittarum more alligata capiti est; additam igitur arbitror, ut torquent illum Gladiatoris Capitolini collo; vel quòd hi notari ita vellent, dum viverent, vel ex artificis ingenio.






sculpt. di

Area TII

Ant. Sabath.



# TABULA XVII.



Uibus per loca iter est salebris aspera, ii modò consideratè incedant, & cautè, veniam merentur; si fallente vestigio prolabantur aliquando. Hanc pari jure sibi postulant ab æquis rerum æstimatoribus, qui Veterum monumenta interpretanda suscipiunt; non enim periculiosior illorum via est, quàm hæc sit, in quâ tam incerti exitus sunt propter sententiarum varietatem, tanta vetusti moris propter temporum longinquitatem ignorantio, tam frequens propter artificum libidinem, & arbitrium operum insolentia; ut mirum sit, quemquam esse, qui perspectis laboribus, & offendiculis aut aggredi curriculum hunc velit, aut progredi in eo possit. Ne longè abeam; argumento sit hujus *Tabulæ* Signum, quo quid aptius esse potest ad torquendum interpretantium ingenium? Concham <sup>(1)</sup> id erectam capite substatinet ex earum genere, quas *Patellas* vocant. Oris forma fœminea est, & capillorum ornatus <sup>(2)</sup>; at pectus <sup>(3)</sup>, & fexus virilis. Reliquum quod est corporis,

(1) Concham marinam in Paterâ apud *Dempsterum* Tom. I, pag. 278. ante dexterum *Veneris* pedem erectam mihi videor agnoscere. Hac notâ quidam olim *Venerem* designabant; quòd in maris conchâ genitam, eâdemque delatam in *Cyprum* arbitrantur; etsi *Homerus* in ejus hymno spumæ tantum meminit, e quâ nata fuerat, & cui insidens appulerat in eam insulam. Sed in hujusmodi rebus aliter alii sentire potuerunt, & spumæ concham adjicere, ut transitum hunc & ad popularem captum, & ad speciem facerent aptiorem. *Statius* certè, si hæc non invaluisset opinio, non dixisset de formosâ muliere ex personâ *Veneris*: *Hæc & caruleis mecum conjungere digna Fluctibus, & nostra potius considerare conchâ.*

*Ærea. T. II.*

(2) Præterea, ne putem a *Venere* hoc Signum abludere, nummus facit *Æreus Faustinae* junioris apud *Rubenum*; in ejus aversâ parte *Venus* est *Marti* blandiens; idem autem utrobique capitis ornatus, comæ scilicet circa frontem, & tempora convolutæ, & ita in se ipsis collectæ, ut nodo adstrictæ post caput sint. Eadem fermè vestitus ratio, quæ solam *Venerem* non dedecet. Cum itaque epigraphæ quoque accedat; *Veneri Victrici*; quid est, cur non hoc Signum *Venerem* esse dicam, & quidem ejusdem cognominis?

(3) Sed longè majoris momenti, atque adeo difficultatis *Androgyna* forma est, quæ præfertur ab hoc Signo. Scio *Ethnicus* olim duplicem *Diis* naturam non gravatè tribuisse. *Lunam* *Orpheus* in *Hymn.* marem, & fœ-

ris, vestis quoque a tergo defluens ad pedes, & collecta inter crura foeminam refert. Alæ præterea humeris appositæ<sup>(4)</sup>. Fateor hujusmodi Signum alibi vidisse me numquam, de quo si quid minus e Lectoris sententiâ conjecero; is de rebus obscurissimis agi meminerit, & æqui, bonique consulat, aliquos esse, qui labore suo nonnihil opis harum rerum studiosis adulescentibus conentur afferre.

& foeminam vocat, *Minervam* quoque; marem item, & foeminam *Bacchum*. Quid de *Venere*; idemne senserunt? Etiam planè. Testatur id ex *Græcorum* monumentis *Cælius Rhodiginus* Tom. 3. l. 29. pag. 617. Nam cum morbi vi, quem pruriginem vocant, capilli *Romanis* exciderent mulieribus; hæc verò graviter id ferrent; votis *Veneri* nuncupatis, illi iterum subcreverunt; quo nomine simulacrum eidem posuerunt pectinem manu tenens, & præterea barbatum, propter duplicem naturam; nam ut præsidem generationis omnis *Deam* venerabantur; ideoque superiora corporis cingulo tenui maris præferebant effigiem; fœmina verò inferiora. Hæc *Cælius*; ex quo intelligi potest, quod ad pectinem attinet, *Romanum* inventum fuisse; quod verò ad *Androgynam Veneris* formam, ad superiora *Græcorum* tempora esse referendum; ea enim affertur figmenti hujus ratio, quæ multo prius invaluerat; quàm hæc calvitii calamitas matronis accidisset.

(4) Superfunt alæ, quæ negotium facessant. Verùm si tria hæc, quæ retulimus, *Venerem* esse hoc Signum ostendunt; non video, cur ea in dubium revocare hæc alarum additio debeat. In hujusmodi enim rebus non ita ratiocinari nos oportet, ut negemus factum unquam esse, quod nusquam reperimus; quàm multa enim sunt veteris memorie monumenta, quæ temporis injuriâ perierunt? Quid, si artifex e proprio sensu aliquid commentus est, ut concham Signi hujus capiti superimpositam? Quid si in artefactis aliquid ex unius populi moribus retulit in ritus alterius? Quod novum non est. Sed hoc effugio, etsi jure possim, tamen non utar; quæram potius, *Etruscum* hoc Signum habendum sit, an *Latinum*? Si *Etruscum*; sublata controversia omnis est, pervulgatus enim maximè hic *Etruscorum* mos fuit, ut alas Diis facillè adderent. Præter pennigeram Deorum, Deorumque turbam sanè non modicam in paterâ apud *Dempsterum* Tom. 1. Tab. VI., *Minervæ* describitur ma-

gis alis instructa; *Venus* apud *Gorium* Tom. 1. pag. 40. alis capiti appositis, & tamquam petaso *Mercurii* testata; quo quid fingi magis insolens potest? Nisi forte ad indicandam hujus quoque it circumeundo celeritatem hoc uti Signo *Etrusci* voluerunt: ait enim de eâ *Euripides in Hæcylis*. *Coron: Frequentat Calum; rursus mare adit*; cui labori impares fuissent columbæ, vel passeris curru adjuncti. Ceterum in re manifestâ non diutius morabor. Adeat, qui plura velit *Etruscorum* monumenta, quæ tam multa prostant in editis libris. Sin idem hoc Signum censere *Latinum* quis malit; non defunt apud *Romanos* exempla, quæ *Etrusci* hujus moris affinita videantur. *Protome*, seu *Roma* sit, seu *Minerva*, est apud nos in nummo *Julii Cæsaris* aureo alis ab humero extantibus; quod si *Veneris* dici ea posset, a quâ ille originem se ducere gloriabatur, præsertim cum *Julii* capitis loco *Protome* ea sit, cum averâ epigraphæ *Planc. Præf. Dyb.* rem factam haberemus; sed id opinari non ausim. Sunt capita *Dearum*, quas modò innui, alata sanè permulta in nummis, quos *Consulares* appellant: quid igitur tam mirum, si *Venus* quoque alata occurreret aliquando? Quamquam, si minus hæc placeant, illud certè dabitur in re tam obscurâ, ut suspicari possimus, Signum hoc ex eorum genere esse, quæ *Panthea* vocant; ex *Venere* scilicet, & *Victoriâ* constatum. Hanc *Cupidinis* sociam fuisse testatur *Aristophanes in avib.*; statim *Victoria* volat alis aureis; & utique *Cupido* simul. Fuit igitur & *Veneris*: quantopore autem *Populus Rom.* hujus *Dææ* niteretur præsidio, a quâ genus trahere se arbitrabatur, quoque studio, *Duces* præsertim, eam colerent, quod ejus ope, ut putabant, terrarum orbem vincere didicissent, omnes norunt. Non igitur abs re fuit, si utramque hanc *Deam* complexus eodem Signo Artifex est, ut & gratius originem, & imperii felicitatem civibus gratularetur. Hæc dicta sint exercitationis potius, quàm iudicii ferendi causâ, quod totum Lectori relinquimus.






*disegn. di G. del*

*Eros T. II*

*Niccol. Magalli sc.*



# TABULA XVIII.



Ræclarè *Lucianus*, postquam recensuit quæ de Diis *Græci*, *Ægyptique* sentirent, quibusque Sacrorum cæremoniis eos venerarentur, hæc, inquit, cum vera nihilominus credantur, & seria, postulare mihi videntur, non qui reprehendat, sed vel *Heraclitum* potius aliquem, vel *Democritum*; quorum hic amentiam videat, alter deploret inscitiam. De Sacrif. Et verò, quam rationis partem, ne dicam scientiæ tenuisse putandi sunt, qui mortale quod erat, divinum arbitrarentur, Deosque ex hominibus effectos pristinis cupiditatum illecebris vellent obnoxios; ut cibo caperentur, & potu; ut rixarentur inter se; ut alienæ pudicitiae non parcerent; iisque se obruerent flagitiis, quæ in hominibus vindicare debuissent? Ac ne quis putet de Minoribus Diis intelligendum hoc esse, aliam verò *Jovis* <sup>(1)</sup> naturam & con-

(1) *Joves* Varro trecentos agnoscit; nec mirum; Reges enim omnes antiquitus *Joves* vocabantur. *Isaac*, *Tæres* in *Histor. var.* Cicero tres tantum recenset de *Nat. Deor.* l. 3.; primum, & secundum natos in *Arcadia*; alterum patre *Æthere*, alterum patre *Cælo*; tertium *Cretensem Saturni* filium, cujus, inquit, in illa insula sepulcrum ostenditur. Hic Deorum pater, rerumque omnium moderator est habitus, quem *Romani* deinde summo studio coluerunt. Ac *Jovem* quidem illum, a quo hæc appellatio defluxit in reliquos, primum *Atticæ* Regem ajunt fuisse, qui quoddam eam regionem a ferinis moribus ad humaniorem cultum deduxisset, traditis connubiorum legibus, & religione aliquâ invectâ haberi ipse Deus cepit, more ab antiquis diu recepto, ut, a quibus magna beneficia accepissent, eos gratificarentur hoc potissimum honore; sed is, ut opinor, Rex fuit, cum nondum culta esset *Attica*, & vicatim habitaretur; *Cecrops* enim primus regnavit, cum *Athenæ* jam essent constitutæ; qui tamen relatus inter Deos non est, licet plura & ipse in suos, nec sanè minora beneficia contulisset; quare unus, & idem ac prior ille censeretur non potest,

præsertim cum nomen dissentiat, & patria; *Arcas* enim ille fuit, hunc aliqui volunt *Ægyptium*. De altero *Jove* item *Arcade* nihil compertum est apud Veteres; quæ enim ad duos hos pertinent, ea ut plurimum, ad tertium referri video *Saturno* natum; hinc apud antiquos illa varietas, ubi is natus sit, a quibus educatus, & alia id genus; quæ libenter prætereo, utpote nugæ maximas. Illud dicam, quod ad ostendendam Ethnicorum dementiam plurimum valet; ante illum primum *Atticæ* Regem *Jovem* nusquam fuisse, qui verò *Juppiter* habitus est, morte sublatus. *Nos*, inquit *Lucianus*, multis jam sæculis fallimur, qui opinamur *Jovem* sonare, pluvie, & reliqua omnia peragere; latuit enim nos, cum jam olim defunctum fuisse, & apud *Cretenses* sepultum. Hunc recens natum a *Rheâ* sive *Opi* matre *Corybantibus* traditum, ut procul ablegaretur; ne eo filio se auctum *Saturnus* persentificeret; is enim hac lege regnum acceperat, a *Tirane* fratre nato majore, ut mares, si quos genuisset, ne Fratris liberis regnum eriperetur, statim interficeret. *Corybantes*, qui & *Curetes* a *Strabone* dicuntur lib. 10., seu *Opi*, seu *Cibeles*, eadem enim est, Sacer-

& conditionem fuisse; quàm piè hic *Saturnum* patrem regno expulit, & coniecit in vincula? Ubi verò positus imperio est, quàm laboriosè summæ Reipublicæ præfuit, cùm modò aureis guttis extillaret totus, & deplueret; modò verteretur in cyncum, aut taurum, aut aquilam; non ut aliquid in commune consuleret, sed ut animo turpiter obsequeretur suo, eaque admitteret, quæ nequissimum homuncionem facere puidisset?

Sacerdotes fuerunt, quos sibi adesse ea voluit, cum pareret; ut, si quam vocem expressisset dolor, aut puer editus in lucem vagiret, cymbalorum pulsa, & armorum, quæ collidebantur, sonitu, nam ita ludere *Corybantum* mos erat, audiri non posset. Hi, puero in *Dictis* montis specu abdito, cum assidue de more circumstrepent, *Saturnum* metu inde aversum deceperunt; apes contrà, ut ait *Virgil.* 4. *Georg.* illum æris tinnitum secuta *Dictæ Cæli Regem pavore sub antro*; etsi capellæ potius *Oleniæ* ab *Olenæ Bœotia* oppido id tribuat *Aratus in Phenomen.*, & *Ovid.* 2. *Fust.* relate idcirco inter fidera; *Macro* autem *Græci* columbis, & aquilæ; quarum ille ambrosiam, hæc nectar e lapide collectum puero detulerunt. Ac primum quidem cum *Juppiter* adolevisset, *Saturnum* patrem, in custodiam a *Tirane* traditum, quòd filios aleret, in regnum restituit, a quo eundem ipse postea dejectum, seu *Cretensium* voluntate, qui *Saturnum* ferre amplius non possent, cepit migrare in *Italiam*. *Gigantibus* demum subactis, qui sibi bellum intulerant, & Deorum conjuratione, qui in ipsum conspiraverant, compressâ pacato regno, auctoque potitus est. Hæc subtilius ita recensui, non quòd hujusmodi commentis delecter; sed quòd scripta mihi videantur non ad solam fabularum insolentiam, verùm ad aliquam etiam *Cretensis* historię fidem; nam ex rerum vicissitudines sunt, turbæque tum externæ, tum domesticæ, quas non rarò legimus in historiis, & quæ in regiâ *Cretensi* familiâ facilè contigerunt; a quibus quòd se prudenter hic *Juppiter* expedierit, quòd aequitate, clementiâ, virtute superiores omnes Reges vicerit, & ad justî imperiî imaginem se penitus formaverit, fieri

potuit, ut summâ esset apud omnes in laude, & pro eo more, qui tùm erat, non Deus tantùm, sed Deorum etiam optimus haberetur, & maximus. Hæc similia veri sunt, præsertim cùm aliquo historie fundamento niti fabulæ soleant, quàm quæ a *Mythologis* jactantur de æthere, de Sole, physiciquæ rationibus; perinde ac si tralaticio nomine hanc naturæ partem significare voluerint, qui *Jovem* finxerunt; seriùs enim inventæ allegoriæ hæ sunt, quàm fabulæ, quas arbitrator Veteres aliquot deinceps excogitasse; quòd eos hujusmodi fabularum puderet, repudiare verò eas nollent, ne magno suo malo Deos etiam negare viderentur. Ceterùm antiquis illis temporibus, de quibus agimus, rudiores *Græci* erant, quàm ut fabulari tam commodè possent, literis ad eos nondum allatis a *Cadmo Agenoris* filio, cujus sororem *Europam* *Juppiter* in taurum conversus, ac perinde fabulatoribus jam notus rapuerat.

Sed quidquid sentiendum de *Jove* sit, quem, ut plurimum, non sine aquilâ illi sacrâ pinxerunt, nec sine fulmine, unde *Tonans*, & *Fulguriator* dictus est in scriptis lapidibus; mirùm est quàm latè ejus religio terras omnes pervaserit, cultus enim totâ *Graciâ* fuit, præsertim *Pisæ* magnifico templo, & ludis *Olympicis* ab *Hercule* in ejus honorem institutis; cultus est *Romæ* celeberrimâ Arâ in Capitolio a *Tarquinio Superbo* eidem erectâ, nec defuit in *Africâ* templum, ubi oracula ederet, sed *Jovis Ammonis* nomine, & facie cornutâ ex *Aegyptiorum* instituto; apud quos inquit *Lucianus*, ut ad eum revertar, & ad *Ethnicorum* stultitiam; videbis multa planè cælo digna; *Jovem* vultu arietino, *Mercurium* caninâ facie, *Panem* totum hircum, alium *Ibim*, alium *Crocodilum*, alium *Simiam*.






Greg Gioia del

Era T II

Don Barbara R



# TABULA XIX.



ON novum est in Veterum monumentis *Cupidinem* dormientem <sup>(1)</sup> offendere; delectati enim hi non parum videntur hac quiescentis imagine; credo, ut somno victum ostenderent non sine joco, quem Deorum fortissimum <sup>(2)</sup> prædicabant. Illud tamen non frequens, aliquod ex hujusmodi Signis præsertim æreis occurrere, in quo summum artificium cum summâ elegantîâ conjunctum sit; quod quàm bellè præstiterit in hoc opere *Græcus* Artifex, facilè agnoscet, qui in rupe

(1) Præter Signum *Cupidinis* dormientis marmoreum, quod est in hoc *Musæo*, vidi symplegma item e marmore *Amorum* trium parvulorum unâ quiescentium in *Hortiis Matthæiis* apud *S. Stephani* in *M. Cælio*, quo nihil videtur fieri posse elegantius. Sed multò Anaglyphum illud præstantius, quod est in magnifico suburbano *Alex. Card. Albani* extrâ *Portam Salaria*am; propè enim jacentem *Cupidinem* lacerta sculpta est: hæc *Græcè* *Σδυγος* dicitur; ita verò appellabatur nobilis quidam *Græcus* sculptor, de quo meminit *Plinius*, qui proinde bestiolam hanc suis operibus tamquam nominis indicem apponere confueverat; quem admodum alter quidam æquè nobilis artifex *ranam*; quod *βάτραχος* diceretur. Ceterum, ut mollis cubaret, si quando *Cupidini* somnus obreperet, non de fuisse fabulatores videntur, qui terram herbis, & floribus eidem infernerent; persuasum enim illis erat, ut notat *Gorius* in *Mus. Etruf.*, terram ipsam si quando deificationibus Diis Deabusque vel pedibus premeretur, flores submittere; quò incedentibus blandiretur. Id imitatos nostrates quoque Poetas, & Pictores video in sacris aliquot eorum tabulis; sed ut hos omittam; *Nixus* apud *Philosophum* *Icone V.* puerulis, quos filios agnoscit suos, & qui ad immane ejus corpus undecumque affiliunt, ut videri potest in Statuâ *Nili Vaticanâ*, quam edidit *Oissellius*, flores tam e pectore, quàm ex ulnarum medio emittit; ut corollas ex eis intexant, floribusque indormiant; & *Icone VI.* Amores ludunt in horto arboribus pomiferis confito; curricula verò, five spatia, ubi se exercent, tenera occupat herba, quæ, si quis ex eis procubuerit, lectum quoque præbeat. Neque verò, ut opinor, ab hoc figmento abludivit *Virgilius* i. *Æneid.* apud quem *Venus Afcanium*, ut ad *Didonem* fallendam *Cupido* ejus loco veniret, sopore immisso tollit in altis *Idaliæ* *lucos*, maternam scilicet *Cætereæ*, T. II.

*pidinis* sedem, ubi mollis amaracus illum Floribus, & dulci adspirans complectitur umbrâ; non enim arbitror *Venerem* pluris *Afcanium* fecisse, quàm filium; ut molliori strato illum acciperet; sed potius *Virgilium*, cum de amaraco meminit, aliisque somni blandimentis, de *Cupidine* cogitasse, ac proinde, quæ Poetæ huic adscribunt, *Afcanio* tribuisse. Quamquam aliquanto durius Artifex in hoc Signo, ut elegantie serviret potius, quàm fabulis, videtur egisse cum *Cupidine*, quem in horridulo scopulo, aut aspero, si quis ita velit, terræ tumulo recubentem voluit, non sine subiecto prius fragulo; ut aliqua tamen ab eo habita *Cupidinis* ratio videretur.


(2) *Cupidinem* *Plato* inter Deos antiquissimos retulit in *Sympos.*, quoniam parentes ejus, inquit, neque sunt, nec a quoquam dicuntur fuisse. Contra *Hesiodus* in *Theogon.*, e *Chao* genitum illum putat; nam si, ut opinatur *Empedocles*, *Cupidinis* nomine nihil aliud oportet intelligi, quàm vim similiam, quæ naturæ ductu quodam moventur, ut simul coalescant; hæc certè ostendi in rudi illâ, confusaque rerum congerie maxime debuit; cum partes singule ea, quæ contraria sibi essent, refugerent; quæ verò apta, & conformia, conciliare sibi invicem, & adjungere niterentur. Id ipsum videtur *Maro* sensisse, cum *Clymenem* in coetu *Nimpharum* inducit 4. *Georg.* Deorum amores narrantem jam inde ab ipso *Chao*: cum enim plura similia genera sint; non unam eorum vim, sed multiplicem esse oportuit, ac proinde *Amorei* plures, qui & ipsi in Deorum numero essent, & Diis reliquis dominarentur. Quamquam hæc *Empedocles*, & *Hesiodi* sententia deinde rejectâ in alia omnia Poetæ abjecerunt, omnique *Amorum* turbâ ad unum, redactâ *Cupidinem* tam varios illi parentes tribuerunt; ut in pristinum *Chaos* vel nolentes retraherint; hunc enim

rupe leniter acclini, & linteo instratâ jacentem *Cupidinem* videat capite supra dexterum brachium reiecto, alisque post tergum scitè contractis, corpore verò tam affabrè resupinato; ut & positus formam ostendet, & Signum inanime non jam ab arte, sed a naturâ ipsâ consopitum videatur.

enim *Simonides Veneris*, & *Martis* filium ait fuisse; licet hunc *Cicero* 3. de Nat. Deor. Anterorem vocet, seu Amorem alteri Amori repugnantem; *Alceus* Contentionis, & *Zephiri*; *Acusilaus* Noctis, & *Ætheris*; *Sappho Cæli*, & *Terræ*; *Aristophanes* demum in *Avibus* ex ovo quodam, quod *Zephirium* dixerunt, & quod *Nox* pepererat, natum mavult *Cupidinem*, ex quo postea, & *Chao* Dii reliqui omnes in lucem emerferint. Sed missa libenter facio hæc Poetarum deliria; ut enim rectè monet *Herum* adolescentem in re non ita dissimili apud *Terentium Parmeno* in *Eumacho* *Ast.* 1. sec. 1. Incerta hæc si tu postules ratione certa facere; nihilo plus agas, quàm si dei operam; ut cum ratione insanias. Unum addam, quod intelligo, plebrosque sensisse, natum *Cupidinem* matre *Venere*; incertum quo patre; tantâ verò potentiâ fuisse; ut omnium rerum teneret imperium. Eleganter id *Philippus* ostendit *Poeta Græcus* apud *Natal. Comit.*: Depradato cælo Amores (refer hoc ex dictis ad solum *Cupidinem*) *Deorum spoliis*, & insignibus ornati superbiunt. Gestant ar-

cum *Phœbi*, fulmen *Jovis*, *Martis* hastam, & galeam, & *Herculis* clavam, *Neptuni* quoque tridentem, & *thyrsum* *Bacchi*, talaria *Mercurii*, facem *Dianæ*. Non itaque recusat homines cedere jaculis Amorum, quibus Dii sua cesserunt arma, & insignia. Neque verò, si tralaticiis *Cupido* hiæc gaudet ornatibus, propriis caret, quibus illum insignivit *Antiquitas*; Arcum enim hæc, & pharetram, ut quæ ab ipso fierent, & quomodo, explicatius ostenderet, faciem quoque, & Alas apposuit; quæ quidem adjecta, præcipuè verò Alas vehementer improbat *Eubulus* in *Campylione*; ait enim; Quicumque fuit, qui primus pinxit, aut cerâ composuit *Cupidinem* alatum, solas hic novat hirundines pingere; ignorabat autem Dei hujus mores. Neque verò ea vis animi, quæ fertur in bonum, indiget his adjumentis; ut, quæ sit intelligatur; quæ quidem si in verum bonum tendat, eique adhiereat, *Cupido cælestis* a *Platone* dicitur; sin autem secus, vulgaris, ex quo utpote, cæco, & puero tanta semper flagitia, & incommoda in hominum genus derivarunt.





From Bulwer's

Atter T. II

Greg. 1841



# TABULA XX.



Uod in anni temporibus ver est, id in hominum vitâ pueritiam esse dixerim. Læta utrobique omnia, & spei plena; quod attinet vel ad frugum ubertatem, vel ad virtutis incrementum. Hæc autem duo ne intercitant, alienâ præsertim injuriâ, quàm providè Natura consuluit! Ut enim flores, ubi eruperint, ne frigore affligantur, aut pluviis, *Favonio* concedit, & *Zephro*; ita quòd imbecilla puerorum est ætas, & aliorum auxilio maximè indigens, venustate quâdam oris, & festivâ bonitate honestatos commendat majoribus natu, ut benevolè animati erga eos sint, & ad opem ferendam non segnes <sup>(1)</sup>. Quamquam latius aliquanto patere hanc in nobis naturæ vim sentio; cum, ut floribus, ita & pueris in pictis etiam tabulis, & in reliquis arte

(1) In puerorum simulacris hunc morem antiquitus servatum animadvertimus, ut duo cincinni, seu capillorum plexus utrinque assurgentes supra frontem emineant, & coalescant inter se. Multa ex his marmorea, vel ærea ad nostram ætatem pervenerunt; sed quæ probentur, admodum pauca: neque verò artificum id imperitiæ, aut negligentie penitus tribuendum existimo; etsi ne tum quidem defuerint, qui ita bonis artibus abuterentur. Cum autem tantâ in laude fuerit *Athenis Cupido a Zeusi* pictus, & rosâ coronatus, ne artis quidem ipsius vitio, quâ nondum perfectâ adhuc esset, id dari oportet; sed præterquamquod non omnium ætatum est artifices summos progignere, bonæque etiam artes vices suas habent, & aliquando obsolescunt; aliquam substinere culpæ hujus partem videtur ipsa corporum pueritium conditio, quæ cum succo plena sint, & suburgida, membrorum compagem, & formam adipali illo auctu non parum obtegent, & invertunt; ex quo factum suspicor, ut præcis etiam temporibus, quoniam anatome carerent, nonnisi solertes, & magno usu exercitati naturæ leges in corporibus, & symmetriam condicerent.

Non unâ semper, eademque materiâ, quâ Signa

constabant, præsertim ærea, fingi eis oculos mos olim fuit; sed aliquando aut ex cristallo montanâ, aut ex argento, aut aliâ etiam materiâ, gemmâ tamen aliquâ adjectâ, quæ pupillæ loco esset. Quæsitâ hoc invento nova quædam Simulacris species, & dignitas fuit; ut, quoniam ex oculis maximè prodere se in hominibus animi solent, eâ quoque emissionem radiorum, & lucis tamquam animata viderentur. Quod de gemmâ dixi; non ita accipi volo, ut de colorato etiam vitro intelligi non possit. Caput unius ex *Musi* æreum juxta magnitudinis est apud nos cavis oculorum patentibus, prolapsi enim hi sunt, seu fuerint ex gemmâ, seu vitrei. In hoc Pueri Signo ex argenteo oculorum circulo pupillæ exciderunt; casu accidere, virorumque vel furto potuit; sed erodi etiam, præsertim pupilla, & absumi potuit, si ex vitro fuit: nec enim tantum apud Veteres gemmarum copiam, fuisse arbitror, ut has in hujusmodi operâ vellent semper impendere, aut damnum facere in eisdem eliminandis, quò aptius cavis oculorum infererentur. Quandoquidem de pupillâ sermo est, non omitam hoc loco, quod, etsi parergon sit, erit fortasse scitu non inutile; audivi enim non semel de familiari quodam meo inter eos sermones, quos de antiquitatis studio habebat.

arte perfectis operibus locum esse non minimum volumus; qui mos ab Antiquis acceptus, ut docemur hac *Tabulâ*, viget adhuc, vigebitque, dum erimus; delectamur enim florum adspectu, & eorum cum varietate, tum formâ ad hilaritatem provocamur; nec minus movemur, cum puerilis ille candor animi, & morum simplicitas coloribus adumbrata, vel quovis alio modo nobis obversatur ante oculos. Quare hanc equidem ætatem nulli secundam ducerem; si aut sapere ipsa per se posset, aut obtemperare rectè præcipientibus vellet.

habebamus, cum diceret, in spuriorum numero habendos eos nummos esse, quorum quæ præcipua figura esset, vel protome, oculorum pupillâ careret. Idem agebat censendum de Signis, & Statuis. Movit me quidem primò ejus oratio, erat enim homo in his rebus non parum versatus; sed postquam in inspicendis Antiquorum monumentis cepi de re totâ diligentius inquirere, ita dividendam illius sententiam putavi; ut, quatenus de nummis diceret, libenter id ei darem, in probatis enim nummis nullum adhuc exemplum hujus generis reperi; de Signis verò, & Statuis, assentiri non possem. In *Museo Capitolino* Protomæ, & Statuæ visuntur sanè quamplurimæ, quarum in oculis vestigium pupillæ nullum apparet; neque tamen quemquam puto repertum iri tam fatuum, qui tantam mirificæ illius collectionis partem adulterinam suspicetur. Quare cautè opinor utendum hac regulâ, nec minora Signa ærea temerè rejicienda esse, quòd aliquando in his, etsi rarò, pupillæ defectusprehendatur, si non alia accesserint fraudis indicia.

Quoniam verò, ut ad propositum redeam, Statuas ita adornandi oculorum insitione usus frequens invaluerat, non defuerunt certii homines, qui in hoc arti-

ficio omnem suam operam ponerent. Habemus ex epigraphæ, quam refert *Benardus in Præf. ad Numismata majoris moduli pag. 12.*

M. RAPILIUS. SERAPIO. HIC  
AB. ARA. MARMOREA.  
OCULOS. REPOSUIT. STATUIS.  
QUA. AD. VIXIT. BENE.

ubi legitur *Qui*, corrige *Quo*; nihil autem tam frequens, quàm menda in epigraphis.

Geitus, & habitudo corporis aliquid hunc Puerum olim gestasse videtur ostendere; quid autem putem aliud, quàm calathum pomorum, aut florum? In *Anaglypho* hujus *Musei* marmoreo, in quo mulieres duæ velatæ, reclinatæque Hyemis personam, & Veris substantiam, Puer ante alteram addat florum calathum onustus; ad alteram alius item Puer cistulam affert anatarum plenam, tamquam Hyemis indicium, & symbolum. Puellas quoque ad hæc, & alia hujusmodi ministeria adhibitas reperies in nummis maximi moduli *Commodi*, & *Treboniani Augg. Tom. I. Musei Florent.*






art. 1. 1. 1.

Area T. II.

Nicol. Magalli. sc.



# TABULA XXI.



Uinque numerantur a *Cicerone* 3. de *Nat. Deor. Mercurii*, quorum tamen omnium res gestas ad unum referri video *Iove*, & *Majâ* genitum; ut enim qui animo præstarent, & robore *Hercules* vocavit Antiquitas; ita *Mercurii* nomine appellandos eos censuit, qui ingenio, & sapientiâ ceteros antecellerent. Huic igitur *Majæ* filio ex reliquis <sup>(1)</sup> *Mercuriis* conflato quidquid effici doctrinâ potuit, aut excogitari consilio <sup>(2)</sup>, eidem tribuit; homines enim ad humanitatem facundiâ traductos primus fertur docuisse, quo ritu Deos venerarentur, iisdemque palæstrâ, ad se contra hostes tuendos, institutis fiderum cursum monstraſſe, ne in mercaturâ facien-

(1) Qui *Argum* interemit, & ob id *Ægypto* præfuit quintum *Cicero* vocat *Mercurium*. Hunc leges ait, & literas *Ægyptiis* tradidisse; addit *Strabo* 17. *Geograph.*, & *Manilius* 1. *Astronom.* rerum quoque naturalium causam, Deorumque religionem, & ritus sacrorum. Eum proinde ipse arbitror, quem *Lactantius de fals. relig.* numeratum scribit a *Mercurio Trismegisto* inter Cynicos, in quibus opinabatur summam fuisse sapientiam. Id censui admonendum, ut quod de perturbatâ ab Antiquis *Mercuriorum* historiâ superius attigi, facilius intelligi posset; quæ enim quinti *Mercurii* propria sunt, in tertium, seu in *Majâ* genitum conferunt.

(2) Hunc Veteres Deorum nuntium interdiu, noctu verò in deducendis ad *Plutonem* mortuorum animis ducem esse voluerunt. Rectè id quidem; Sapientis enim est legationes obire; quemadmodum & assistere concionibus, iudiciisque, & palestræ præſſe, & oratores instruere, & pacis fœdera componere; quæ legitima quædam ad huius Dei curas fuit accessio. Verùm, quod ipse idem cum *Majâ* conqueritur, etiam nē sternenda primo mane ei curia fuerit, ubi Dii consilia ineunt; verrendum cænaculum, in quo component; omnia denique curanda, quæ solent mancipia? Ita profectò; ne plagas etiam ab *Iove*, si cessarit, accipiat; concursandum enim sine mora ipsi est totum diem cum *Iovis* mandatis: opinor tamen, aut ad *Priamum*, ut *Hectoris* corpus repetat ab *Achille*, aut ad *Æneam*, ut relicta *Caribagine* naviget in *Italiam*. Non.

*Ærea. T. II.*

inquit; sed ut *Sidonem* ad *Cadmi* filiam excurram visurus, quid agat; aut, cum reversus inde sim, adhuc anhelitum ducens ableger *Argos* ad *Danaem*, quâ conventâ abi, ait in *Bæotiam*, & obiter *Antiope* vîſita. Equidem, si quo modo possem, facerem, quod servi solent, ut fugerem. *Lucian. in Dial.* Enimverò si ridicula prima illa sunt, quid his legationibus propudiosius *Jovi*, & *Mercurio*. Neque tamen, quæ superſunt, leviora. Mitto inquinatos mores, quos Diis affingere fabulatores solebant, ut sibi peccare impuniùs liceret; quid de furtis dicam, quibus affuevit a puero? Nam & *Neptuno* tridentem, *Marti* gladium, *Jovi* sceptrum, *Veneri* cingulum, forcipem denique *Vulcano* furripuit, cui hæc *Apollo* narrat apud *Lucian.*, spoliatus & ipſe a fure illo maximo arcu, & sagittis. Quare *Homerus in Hymn.* ita *Mercurium* compellat: *Feres honorem hunc apud Deos, ut perpetuò voceris latronum Princeps*. Hæc cum de eo fama eſſet, non satis intelligo quo consilio illum Veteres ad ædium januam statuerent, ut fures abigeret; quem enim, quæſo, apponebant alium, qui domum ab hoc custode tueretur? Quæ adhuc recensuimus, quàm abſint a sapientiæ laude, aut a recto ingenii usu, omnes animadvertunt; itaque, quoniam modo defenſuri iſta ſint, qui fabulas sapientiæ neſcio cujus plenas eſſe autumant, eiſque ſublime quiddam, & reconditum allinunt, equidem non reperio; habeant hi ſibi tam periculoſam ſapientiam, quæ adeo familiaris improbitati eſſe poteſt.

M

faciendâ temerè se mari committerent; bonas demum artes reliquas tradidisse, musicem<sup>(3)</sup> quoque, ut haberent & curarum levamen aliquod, & vitæ subsidia, & incrementa dignitatis. Itaque *Orpheus de Gemmis* multa paucis complexus; *si cui*, inquit, *prudens animus suavit, ut adeat peramabilem Mercurii domum, ubi ille bona omnia congeffit; is celeriter ambabus manibus multa commoda auferens domum revertitur lacrymabilem vitans ærummam*. Fictâ hac *Mercurii* personâ ingenium cum doctrinâ conjunctum Poetæ significant; quanta verò utriusque vis sit, & utilitas dum conantur ostendere, credo, quò ad hujus tam præclaræ complexionis studium nos provocent, tam multa miscuerunt, non absona tantùm, sed etiam nefaria, ut illud omnibus persuaferint, nihil fermè ab ipsis doceri posteros posse, quod sit ab improbitate sejunctum; nec magni faciendum ullius ingenium esse, aut doctrinam, qui licet utrâque re valeat, nequam tamen sit, & perditis moribus.

(3) Tres fidium species, acutam, gravem, & mediam invenisse *Mercurium* ajunt; id opinor ad lyram referri, cujus repertorem illum faciunt; è dorso enim testudinis quatuor chordas suspendisse dicitur, aut fila linea, puerorum instar nostratum, cum Symphonicorum instrumenta imitantur. De eâ ita *Apollo* apud *Lucian.* loquens de *Mercurio*: *Septem chordis suspensit, & intentis* (in testudinis illo osse) *jucundum adeo quiddam, & concinnum modulatur, ut ego quoque illi invidiam*. En igitur tetrachordos lyra prius fuit, ut quidam ajunt; nec tres illi chordas *Apollo* adjecit, sed eptachordon accepit a *Mercurio* pro bobus sibi subreptis; nec illum remuneratus *Caduceo* est, ut alii volunt; hæc enim inquit de *Mercurio* in eod. dial. *Virgam sibi comparavit mirificam potestatem, & vim habentem; quâ animas evocat, & educit mortuos*. Quin eam *Vulcanus* in eod. dial. se illi fatetur dedisse; nisi forte aliam *Apollo* *Mercurio* donavit ad placandos discordium animos, quam vulgò alatum, & duobus in apice cinctam colubris mutuo se respicientibus videmus, aliam ad coercendam animarum turbam *Vulcanus*; quod tamen non puto. Præter *Caduceum* aliæ sunt *Mercurii* notæ *Petæus*, & *Talaria*; hæc alati instar calcei pedibus adjecta, cum volatu opus fuit; ille capitis tegumen, item alatum. *Ego*, inquit *Mercurius* in *Plaut. Amphitr.* hæc habeo usque in petaso pinnulas. Hic tamen gale-

rus, qui ceteroqui communis hominibus fuit, nec formâ eadem semper est, nec rarò alis caret in Veterum monumentis, & nummis. Alas autem appositâs arbitror ex *Etruscorum* instituto tamquam divinitatis indicium, aut ad celerem ingenii motus indicandos, potius quàm ad volatum. Omitto *Gallum*, qui aliquando, ut vigilantie signum, *Mercurio* adstat; aut *Caprum*, quem, quia hic gregibus pascendis præerat, præclaro opere anaglypho videmus propè *Mercurium* in *Ædibus Barberinis*; notæ enim hæc, si propriè loquamur, non sunt, & rarò occurrunt. Idem dico de paterâ, quam manu protensâ tenet *Signum* hoc nostrum sanè perelegans; adjecta enim hæc est, vel quia *Mercurius* Sacrorum ritus tradiderat, ut superius dictum est, vel ex veteri more præsertim *Etruscorum*; pateras autem *Dii* ferebant, non quòd ipsi aliis *Diis* libarent; sed ut libationes acciperent homines, quæ de suo ergâ *Deos* officio commonefacerent. Præter alia, docent nos de hoc more furta *Dionysii Tyranni*, qui cum pateras aureas e *Deorum* manibus auferret in *Fanis*, *stultitiam*, aiebat, esse, a quibus bona preceremur, ab iis porrigentibus, & dantibus nolle accipere. *Cic. de Nat. Deor. lib. 1.* Quod sinistra manu gerit signum hoc nostrum *Evidis* polum esse arbitror, quod *Mercurius* *Jovis* imperio denulit ad *Paridem*, ut pulchriori adjudicaret. Vide *Tom. I. Pater. 17.*






*Verità regina del*

*Area T. II*

*Nat. Novalis 16*



# TABULA XXII



X tanto Deorum numero, quos Ethnici coluerunt, alium opinor esse neminem, cui tot nomina, quot *Baccho* <sup>(1)</sup> facta olim sint; nam & *Liber* dictus est, & *Dionysius*, *Bromius* item, & *Lenæus*, *Bimater*, *Bassareus*, *Osiris* & si quæ sunt alia præterea, quorum libentius oblivisci malo, quàm meminisse. Ac licet apud *Ægyptios* non primarum partium Deus hic fuerit, sed tertiarum; ferò autem de eo *Græci* audierint; ut testatur *Herodot. in Euterp.*, tam multa hi tamen de eodem com-

(1) *Bacchum* *Jove*, & *Semele* *Cadmi* filiâ natum ait *Euripides* in *Bacch.*, aliique. Hic, cum *Semele* conflagrasset, quod *Jovem* ad se, qualis ad *Junonem* accederet, venire voluisset; Imperfectus adhuc infans genitricis ab alio Eripitur, patrioque tener, si credere dignum est, Insistit seniori, maternaque tempora complet. *Ovid. 3. Metam.* Idcirco *Bimater* dictus; quo quid fingi dementius, aut tam ridiculum potuit? Nec minoris stultitiæ est, quod *Nonius* in *Dionys.* tradit, *Jovem* claudicasse; quamdiu onus hoc tulit; claudum autem *Syracusanâ* linguâ *Nysum* dici, ac proinde a patre ad filium hoc nomine translato *Bacchum* appellatum esse *Dionysum*. Ceterum *Nymphas* hunc nutrices habuisse constans est Poetarum opinio; siue *Horæ* illæ vocandæ sint, ut scribit *Demaratus 9. Dionysiac.*, siue *Hyades*, quæ relatæ ob id in stellarum numerum fuerint; ut ait *Apollonius l. 3.* In vasis anaglypho, quod refert *Sponius*, & *Montfauconius l. 2. Tab. 142.* *Bacchum* infantem *Mercurius* non sine *Baccharum*, & *Fanorum* comitatu *Nympha* tradit assidentî: hanc *Leucotheam* putat *Sponius* ex *Oppiano* in *Cyneget.*, & ex *Ovid. 3. Metam.* ubi ait: Furrim illum primis Ino matertera cunis Educas, inde datum *Nympha Nysides* antris Occulere suis, lactisque alimenta dedere. Ino autem eadem est ac *Leucothea*. Consentit de *Nysâ*, quæ *Arabia* urbs fuit, *Homerus* in *Hymn.*; quamvis altum eum putet *Orpheus* in *Ægypto*; *Pausanias* ex *Patrensum* sermone *Mesati* in ejus regionis oppido; alii in insula *Naxo*; *Sidonius* demum *Anipater*, *Plutarchus* in *Lyfandro*, *Lucianus* in *Conc. Deorum Thebis*; licet id aperte neget *Homerus* ibid. Propter hanc opinionum varietatem, atque adeo etiam genitorum non unum esse *Bacchum* antiquitas credidit. *Cic. 3. de nat. Deor.:*

*Dionysus*, inquit, multos habemus primum e *Jove*, & *Proserpinâ* natum; secundum *Nilo*, quæ *Nysam* dicitur interemisisse; tertium *Caprio* patre, cumque regem *Asia* præfuisse dicunt, cujus *Sebatea* sunt instituta; quartum *Jove*, & *Lunâ*, cui sacra *Orphica* putantur confici; quintum *Niso* natum, & *Theone*, a quo *Trieterides* constituta putantur. De *Baccho Jovis*, & *Semeles* filio non meminit *Cicero*, ideo fortasse; quod hunc *Ægyptii* suppositum arbitrantur ab *Orpheo*, qui *Semeles* filium ex incerto patre commentus est *Jove* genitum, & *Thebis* natum in ejus urbis gratiam, & gentis *Cadmeæ*. Ceterum hæc supra reliquas invaluit opinio; ut qui deinde scripserunt, ad hunc unum referant omnia, quæ de *Baccho* tradita sunt. *Natal. de Comit. Myth. l. 5.*

Jam verò hunc semper juvenem ajunt fuisse; et si *Elienses* barbatus maluerint. *Pausan. in Eliac. prior.* Nebride super humerum temerè rejectâ, hederâque coronatum ostentant, aut uvarum racemis; quod vini inventorem autument; licet id de *Noëmo* sacre literæ aperte testentur; curru præterea vectum a tygribus, aut lyncibus, magnâ illum stipante infantientium mulierum, aut satyrorum catervâ. Quàm propudiosus verò Deus fuerit (id autem secuti semper Ethnici sunt, ut Deos haberent, quorum corruptos mores impunè imitarentur) docet *Juno* apud *Lucian. in dial.:* Puderet me quidem, inquit, o *Juppiter*; si talem filium haberem adeo effeminatum, & ebriosum, criminibus intrâ præcinctis, molliorem tui ipsi, cum quibus saltat inter tympana, & tibias, & cymbala, & curvis potius similem, quàm tibi patri. Hunc *Juppiter* blandè excusat; credo; ne sibi vitio darentur, quæ obici meritis potuissent, commemoratis expeditionibus bellicis,

commenti sunt, eaque tam absfona; ut, dum ornare *Bacchum* volunt, & mira quædam de illo dicere, & ipsum dehonestent, & se de mentis statu dejectos propè fateantur.

cis, & victoriis, quibus *Bacchus* magnam terrarum partem, atque *Indos* ipsos subegerat. Hæc in *Caprium Asia* Regem, de quo *Cicero*, cadere suspicor, aut in *Osirim* Regem *Aegyptum*, qui multas imperio suo regiones adjunxit, & cujus sacra *Græci* *Orpheus* divulgavit, fieri autem ob id potuit, ut *Bacchus* ab illo excogitatus unus, & idem, ac *Osiris* apud eosdem haberetur.

Multa huic in *Græciâ*, & alibi erecta Templâ sunt; multa quoque sacra instituta, præsertim apud *Athenienses*, *Lenæa* vere incunte, cum vina purgarentur; *Cane-phoria*, in quibus a virginibus canistri ferebantur fructuum repleti primitiis teste *Demarato* in *Certam*, *Dio-*

*nysiac*. *Apaturia*; quod *Athenienses* *Dionysii* fraude, ut creditum fuit, *Bæotios* vicissent. *Obericles* in *Cat.*; postremò, ut alia omittam, quæ minora sunt; *Ascolia* ex *Tæetæ* in *Hesiod.*, quæ etiam a *Latinis* celebrata discimus ex *Virg. 2. Georg.* Nam cum dixisset de saltatione joci causâ super utres inflatos, & unctos, quæ fiebat ab *Atheniensibus*, statim subdit; *Nec non Ausoni, Trojâ gens missa, coloni Versibus incompris ludunt, risuque soluto, Oraque corticibus sumunt horrenda cavatis, Et te Bacche vocant per carmina lata, tibi que Oscilla ex altâ suspendunt mollia pinu.* Habes ex his rudimenta *Bacchanaliorum*, quæ postea invaluerunt.






Sculp. Angli. 1711

ERGA T II

Aut. Magalli




# INDEX TABULARUM


## T O M I I L


T <small>AB.</small> I. <i>Mercurius Signa duo.</i>	Pag. 9
II. <i>Signum Etruscum.</i>	13
III. <i>Elifti felicitas.</i>	17
IV. <i>Juno.</i>	21
V. <i>Agrippina.</i>	25
VI. <i>Sylvanus.</i>	29
VII. <i>Sol.</i>	33
VIII. <i>Livia.</i>	37
IX. <i>Pomona.</i>	41
X. <i>Pallas.</i>	45
XI. <i>Fontis Genius.</i>	49
XII. <i>Pallas.</i>	53
XIII. <i>Equus marinus.</i>	57
XIV. <i>Consul Municipalis.</i>	61
XV. <i>Victoria.</i>	65
XVI. <i>Gladiator.</i>	69
XVII. <i>Venus vidrix.</i>	73
XVIII. <i>Jupiter.</i>	77
XIX. <i>Cupido dormiens.</i>	81
XX. <i>Puer.</i>	85
XXI. <i>Mercurius.</i>	89
XXII. <i>Bacchus.</i>	93

F I N I S.











CU 17  
4-17-7



